

## El santo evangelio según San Mateo

*Jesucristo rujearoto riojuaju gãna*  
(Lc 3.23-38)

<sup>1</sup> Abraham ñayoru ito yicõri David ñayoru janerãbatia janami ñayiju Jesús. Jesús ñicusabatia wame mũare gotigu ya yu. Ado bajiro wame cutiyoyijarã ñna:

<sup>2</sup> Abraham ñayoru macu ñayiju Isaac. Ito bero Isaac macu ñayiju Jacob. Jacob macu ñayiju Judá. Ito yicõri gãjerã ñ ocabaji mesa cuni ñayijarã. <sup>3</sup> Judá rĩa ñayijarã Fares ito yicõri Zara wame cutirã. Ñna jaco ñayijo Tamar. Ito bero Fares macu ñayiju Esrom. Esrom macu ñayiju Aram. <sup>4</sup> Aram macu ñayiju Aminadab. Aminadab macu ñayiju Naasón. Naasón macu ñayiju Salmón. <sup>5</sup> Salmón macu ñayiju Booz. Ñ jaco ñayoyijo Rahab. Ito bero Booz macu ñayiju Obed. Ñ jaco ñayoyijo Rut. Obed macu ñayiju Isaí. <sup>6</sup> Isaí macu ñayiju Uju David wame cutigu. David macu ñayiju Salomón. Ñ jaco ñayijo Urías ñayoru manajo godogo.

<sup>7</sup> Ito bero Salomón macu ñayiju Roboam. Roboam macu ñayiju Abías. <sup>8</sup> Abías macu ñayiju Asa. Asa macu ñayiju Josafat. Josafat macu ñayiju Joram. Joram macu ñayiju Uzías. <sup>9</sup> Uzías macu ñayiju Jotam. Jotam macu ñayiju Acáz. Acáz macu ñayiju Ezequías. <sup>10</sup> Ezequías macu ñayiju Manasés. Manasés macu ñayiju Amón. Amón macu ñayiju Josías. <sup>11</sup> Josías macu ñayiju Jeconías. Ito yicõri ñ ocabaji mesa cuni ñayijarã. Ito bajiro ñna baji ñariju Babilonia gãna Israel sita gãnare ñna ãmi wacõri ñnare moari masa cutiyijarã ñna ya cutoju.

<sup>12</sup> Ito bero m̄cana Jeconías macu ñayijũ Salatiel. Salatiel macu ñayijũ Zorobabel. <sup>13</sup> Zorobabel macu ñayijũ Abiud. Abiud macu ñayijũ Eliaquim. Eliaquim macu ñayijũ Azor. <sup>14</sup> Azor macu ñayijũ Sadoc. Sadoc macu ñayijũ Aquim. Aquim macu ñayijũ Eliud. <sup>15</sup> Eliud macu ñayijũ Eleazar. Eleazar macu ñayijũ Matán. Matán macu ñayijũ Jacob. <sup>16</sup> Jacob macu ñayijũ José. Ñayijũ María manũju. Iso ñayijo Dios ñ cōaru Jesucristo jaco.

<sup>17</sup> Abraham r̄ia janerābatia David ñ ñayorajũna catorce masa ñasũoyjarā. Abraham macu ñayijũ Isaac. Isaac macu ñayijũ Jacob. Ito bajiro mani cōia ruji waja David ñ ñarajũna catorce ñarā ñayijarā ñna. Ito bero m̄cana David macu ñayijũ Salomón. Salomón macu ñayijũ Roboam. Ito bajiro mani cōia ruji waja, Babiloniajũ Israel sita gānare ñna āmi warajũna m̄cana catorce ñayijarā ñna. Jeconías macu ñayijũ Salatiel. Salatiel macu ñayijũ Zorobabel. Ito bajiro mani cōia ruji waja Cristo ñ rujearayũna catorce ñayijarā m̄cana.

*Jesucristo ñ rujeare gaye*

*(Lc 2.1-7)*

<sup>18</sup> Jesús ñ rujeare gaye ado bajiro bajiyijũ: José manoyo ñaroco ñayijo María. José r̄aca iso ñaroto riojuajũ Espiritu Santo ñ masirisena ñ queo s̄ajare macu s̄añagō ñayijo iso. <sup>19</sup> José iso manũju ñarocu queno yigũ ñayijũ. Ito bajiri masa ñna tiro riojo bojoro iso tōbũjaroca yi āmobisijũ José. Ito bajiri masa ñna masibeto, “Mũre āmobeaya”, yi āmobjayijũ José isore. <sup>20</sup> Ito bajiro ñ tũoia cani waroca, ñ c̄airojũ Dios ñaro gagũ ángel goaĩoyijũ ñre. Goacōri ado bajiro gotiyijũ ángel ñre:

—Tũoya José David ñayoru janami mũ. Maríare manoyo cuti güibesamũ. Espiritu Santo ñ masirise, ñ queo s̄ajare macu s̄añagō ñnamo iso. <sup>21</sup> Macu r̄ucogo yigōji iso. Jesús wame wōgũ yigũja mũ ñre. Masare ñna ñeñaro yirise waja

yicōri masogũ yiguĩji ĩ. Ito bajiri Jesús wame cutigu yiguĩji ĩ, yiyijũ ángel Josére.

<sup>22</sup> Diore goti ĩsiri masũ, “Ado bajiro rētaru yiroja”, ĩ yiado bajiroti rētayijũ. Dios ĩ bũsire gotigu ado bajiro yiyijũ Diore goti ĩsiri masũ:

<sup>23</sup> Romio ũmugũ rāca ajeĩabeco macũ sãñagõ ñagõ yigõji iso. Ito bajiri macũ cutigo yigõji iso. Emanuel yirã yirãji masa ĩre, yiyijũ Diore goti ĩsiri masũ.

“Dios ñami mani rāca”, yireoni ña iti Emanuel yire.

<sup>24</sup> Ito bajiri yujiguti ángel ĩ gotiado bajiroti yiyijũ ĩ. Maríare manojõ cutiyijũ ĩ ĩja. <sup>25</sup> Iso macũ ñasũogũ rũcoroto riojũ, manojõ macũ bajiro bajiyijũ José maji. Iso rũcoja bero Jesús wame yiyijarã ĩna ĩre.

## 2

### *Ñocõare riasotiri masa Jesure ĩna eja tire gaye*

<sup>1</sup> Judea sitajũ Belén wame cutiri cutojũ rujeayijũ Jesús. Iti rodori ĩ rujearoca iti sita ʋjũ ñayijũ Herodes wame cutigu. Iti rodori Jerusalénjũ ejayijarã ũmacañi joeja wadiro gãna ñocõare riasotiri masa. <sup>2</sup> Iti cutõ ejacõri seniĩayijarã ĩna:

—¿No ñati judio masa ʋjũ ñarocũ, rujearũ? ũmacañi joeja wadiro ñocõare ticõri, “Rujeañi ĩ”, yi masimũ gua. Ito bajiri ĩre rũcũbũorona wadia gua, yiyijarã ĩna.

<sup>3</sup> Ito bajiro ĩna seniĩa ucuja tũocõri, ito gagũ ʋjũ Herodes bato tũoĩa gũiyijũ. ĩre bajiro riti tũoĩayijarã iti cutõ Jerusalén gãna cũni. <sup>4</sup> Ito bajiro tũoĩacõri paia ʋjarã, judio masa rotirise riasori masare cũni ji ñucayijũ Herodes. ĩna ejaja ticõri, ado bajiro seniĩayijũ ĩ: “¿Nojũ rujeagu yiguĩjida Cristo?” yiyijũ ĩ ĩnare. <sup>5</sup> ĩnajũ ado bajiro yiyijarã ĩre:

—Judea sita Belén wame cutiri cutojũ rujeagu yiguĩji, yi ucañi sĩgũ Diore goti ĩsiri masũ. Ado bajiro bajia ĩ ucare:

<sup>6</sup> “Judea sitaju Belén wame cutiri cuto, jaibiti cuto ñabo-jarocati ñasari cuto ñaro yiroja iti cuto. Iti cuto gagu ujü ñasagu rujeagu yiguñji. Ì ñagü yiguñji yu ñarã Israel sita gãna ujü. Ìnare tirünugü yiguñji Ì, yiyiju Dios”, yi ucare ña adi, yiyijarã judio masa rotirise riasori masa.

<sup>7</sup> Ìna ito yija tuocõri, mucana ñocõare riasotiri masare yeyoroacã ji ñucayiju Herodes. Ìna ejaja ticõri, ado bajiro seniñayiju Ì: “¿Nocãta ñocõa goasucocati?” yi seniñayiju Ì ñnare. <sup>8</sup> Ito yija Belénju ñnare wa rotiyiju Ì:

—Wasa Ì macuacãre ãmatẽña. Mua ìre ti bujaja yure gotirã wadiba. Yu cuni ìre rucubuoogu warocu ya, yiyiju ñnare ruogu.

<sup>9</sup> Ì ito bajiro rotija tuocõri, Ì yiro bajiroti wayijarã Ìna. Ìmacañi joeja wadiroju ñocõa Ìna tiru Ìna riojua wayiju mucana. Ì wajasaroti tuja rügüyiju macuacã Ì ñaro weca. <sup>10</sup> Ñocõagã wacõri Ì tuja rügüja ticõri, buto wanuyijarã Ìna, ñocõare riasotiri masa. <sup>11</sup> Ñocõagã Ì ñaro roca ñari wi sãja wacõri Ìna tija ito ñayiju macuacã Ì jaco María rãca. Ìre ticõri Ì riojo rijomunigãna ñini rüjüyijarã Ìna. Ito yicõri ìre rucubuooyijarã Ìna. Ito bajiro Ìna yija bero Ìna rucori jedori janayijarã Ìna. Janacõri orore, uco queno sutirise, ito yicõri mirra wame cutirise iti ãmicõri ìre Ìsiyijarã Ìna. <sup>12</sup> Ito yija bero Ìna cãiroju, “Herodes tu tudi wabesa. Ito ñaguñji macuacã”, Ì yi masime yirona, yiyiju Dios ñnare. Ito bajiri iti masicõri Jerusalénju rëta wa ãmomena gaje majü tudi wayijarã Ìna.

*Egipto sitaju Ìna ware gaye*

<sup>13</sup> Ñocõare riasotiri masa Ìna tudija bero ángel goayiju Josere Ì cãiroju. Ado bajiro yiyiju Ì ìre:

—Yujiya, macuacãre, Ì jacore cuni Egiptoju ãmi rudi wasa mü. Itoju riti ñama maji yu mure gotirocõjuti.

Herodes macuacãre sãarocu ãre ãmagũ yiguĩji, yiyiju ángel Josére.

<sup>14</sup> Ì ito yija bero yuyiyiju José. Yujicõri macuacãre, ì jacore cuni Egiptoju ãnare ãmi wayiju ì. <sup>15</sup> Ito ãna ñaroca riti godacoayiju Herodes. “Egiptoju yu Macure ji ñucagũ yigujaju yu”, ãre goti ãsiri masuna suoriti Dios ì yija, ì gotiado bajiroti bajiyiju.

*Herodes wame cutigu rãacare ì sãa rotire gaye*

<sup>16</sup> Ñocõare riasotiri masa ãre goti ãmomena gaje maju ãna tũdi waja tuocõri, bato junisiniyiju Herodes. Ito bajiri junisinigũ Belén gãna rãaca ãmuare ito yicõri, iti cutu tu gãna rãacare cuni sãa roti jeocõyiju Herodes ì ya moari masare. Juu rodo tujarãre ãna bero rujeanare cuni sãa roti jeocõyiju Herodes. “Juu rodo tujaju ñocõa ì rujeaja bero”, ñocõare riasotiri masa ãna yija tuocõri, juu rodo tujarãre ito yicõri ãna bero rujeanare cuni sãa roti jeocõyiju Herodes. <sup>17</sup> Ito bajiro Herodes rãacare ì sãa rotija Diore goti ãsiri masu Jeremías wame cutigu ì ucado robo bajiroti rõtayiju. Ado bajiro ucañi ì:

<sup>18</sup> Ramá sita gago iso rãare iso tuoã otija ruyuyiju. Ito bajiro oti ñagõti ñayijo iso, Raquel rãare otigo. Gãjerã ãna sobojarocati yisi ãmobisijo Raquel iso rãa godajare, yi ucayiju Jeremías.

<sup>19</sup> Egiptoju José ì ñaroca godayiju Herodes. Ì godaja bero Egiptoju José ì ñaroca ì cãiroju sãgũ ángel ãre goaãoyiju. Ado bajiro yiyiju ì ãre:

<sup>20</sup> —Yujija, macuacãre ì jacore cuni Israel sitaju ãmi tũdi wasa. Macuacãre sãa ãmoana goda jedicoama ãna, yiyiju ì Josére.

<sup>21</sup> Ito yija yujicõri, macuacãre ì jacore cuni Israel sitaju ãmi wayiju José. <sup>22</sup> Ma wacuju tuoyiju José, “Herodes ñajacu macu Arquelao wame cutigu ì jacure wasoagu

Judea sitaju ñayiju”, yija tuoyiju José. Iti tuocōri wa ãmobisiju ï itojũ. Mũcana itojũ cãiyiju ï. Ito bajiro cãicōri, “Galilea sitaju yũ waja quena”, yiyiju ï. <sup>23</sup> Galilea sitaju ejacōri, Nazaret wame cutiri cutoju ñagũ wayiju ï. Diore goti ïsiri masa, “Nazaret cuto gagu ñagũ yiguĩji Jesús”, ñna yi ucare ñajare ito bajiroti bajiyiju iti.

### 3

*Yucu* manojũ Juan idé guri masũ ï ña ucure gaye  
(*Mr 1.1-8; Lc 3.1-9,15-17; Jn 1.19-28*)

<sup>1</sup> Iti rodori ito bajija bero Juan masare idé guri masũ Judea sitaju yucu manojũ wayiju. <sup>2</sup> Itojũ ejacōri masare riasogu, ado bajiro yiyiju ï:

—Nocō mejeti ïre tuorãnrãre ï rotiroju miojugũ yiguĩji Dios. Ito bajiri mũa ñeñaro yirise tuoĩa bojori bñjacōri jidicãña mũa, yiyiju Juan masare.

<sup>3</sup> Diore goti ïsiri masũ Isaías wame cutigu ï ucado bajiroti yiyiju Juan. “Ado bajiro yigu yiguĩji”, yirocũ ucañi Isaías Juanre tuoĩa yugũ:

Sĩgũ yucu manojũ mũare ado bajiro oca sēoro gotigu yiguĩji: “Ñeñaro mũa yirise jidicãña mani Uju ï ejaroto riojũ, mũa ya usiju ï queno ña masitoni. Ñeñaro yirise jidicãcōri quenarisejũ tuoĩaña mũa”, yigu yiguĩji sigũ, yi ucañi Isaías, Juanre tuoĩa yugũ.

<sup>4</sup> Juan ï sãñaro yutabuju, camello joana suado ñayiju. Waibucũ wiro ñayiju ï ya wecũ wiro. Rujiro ñimia bayiju ï. Ito yicōri joa gaye beroa ide idiyiju ï. <sup>5</sup> ïre tuorã masa jãjarã ejayjarã. Jerusalén gãna, Judea sita gãna ito yicōri Jordán wame cutirisa gãna cuni ejayjarã ïre tuorã. <sup>6</sup> ïna ñeñaro yirise ñna goti rētojuja, Jordán wame cutirisaju ñnare idé guyiju Juan.

<sup>7</sup> Jājārā fariseo gaye t̄uoīarā, ito yicōri saduceo gaye t̄uoīarā c̄uni ĩna ejaja ticōri, ado bajiro yiyij̄u Juan:

—M̄uare ȳu idé gure āmoboja m̄ua. Āña rima juniro bajiro ñeñaro yirā ña m̄ua. Ado bajiro t̄uoīaboja m̄ua: “Dios waja ĩ seniri r̄um̄u iti ejaroca manire waja senibiqūiji Dios. Ñeñaro yirā mani ñabojarocati manire ti maicōri manire waja senibiqūiji Dios”, yi t̄uoīaboja m̄ua. Ñeñaro m̄ua yirise m̄ua jidicābeja m̄ua t̄obujaroca yiḡu yigūiji Dios, yiyij̄u Juan ĩnare.

<sup>8</sup> M̄ucana ado bajiro gotiyij̄u Juan:

—Ñeñaro m̄ua yirise jidicācōri quenarise riti t̄uoīa ñaña m̄ua. Ito bajiro riti yisotiba, “Quenarisej̄ua t̄uoīarā ñama ĩja”, masa m̄uare yi ti masitoni. <sup>9</sup> Ado bajiro yi t̄uoīabesa m̄ua: “Abraham ñayor̄u janerābatia gua ñare waja guare masoḡu yigūiji Dios”, yi t̄uoīabesa m̄ua. Ado bajiro baja. Adi ḡūtana Abraham janerābatia robo bajiro ĩ godo weo āmoja, godo weo masigūiji Dios, yiyij̄u Juan ĩnare.

<sup>10</sup> Ito yicōri ado bajiro goti masiore ocana gotiyij̄u Juan:

—Comeana yuc̄ure quēaroc̄u ñacāmi s̄iḡū. Ito bajiri yuc̄u queno rica maniḡure ti bujacōri quēaḡū yigūiji ĩ. Ito yicōri jeana soeḡu yigūiji ĩ. Ado bajiro yireoni ña iti: “Masa ĩna ñeñaro yirisere waja seniroc̄u ñacāmi Dios. Ito bajiri ĩna ñeñaro yirise jidicābeja ticōri, ĩnare ruyurioḡu yigūiji ĩ. Ito yicōri jeame ūjuroj̄u cōaḡū yigūiji Dios ĩnare”, yiyij̄u Juan masare.

<sup>11</sup> Gaje ado bajiro gotiyij̄u Juan:

—“Āna ñama ĩna ñeñaro yirise jidicārā”, yi ĩoroc̄u idenati masare idé gua ȳu. Ȳu bero rētoro ñasaḡu ejaḡu yigūiji. Ȳu rētoro ñasaḡu ĩ ñajare ĩre bajiro rētoro ñasaḡu meje ña ȳu. Īama m̄uare Esp̄iritu Santo queo s̄aḡū yigūiji ĩja. Ito bajiro m̄uare queo s̄acōri queno m̄uare m̄ua t̄uoīaroti ejabuaḡu yigūiji ĩ, yiyij̄u Juan masare.

<sup>12</sup> Gaje ado bajiro gotiyij̄u Juan ĩnare:

—Yũ bero ejagũ trigo besegũ bajiro yigũ yiguĩji masare. Sīgũ trigo otegũ iti wirori coda batecōri ajeri riti seo masiguĩji ĩ. Ito bajiro ĩ codaja bero iti wirorire jeamejũ soeguĩji ĩ. Yatirime meje ñaroja itime jeame. Wirori ĩ soegori ajeriana trigo ĩ seorojũ seogũ yiguĩji ĩ. Ito bajiro yigũ yiguĩji mani Ujũ adojũ ejagũ. Trigo beseado bajiroti besegũ yiguĩji manire, yi gotiyijũ Juan masare.

*Jesure idé gure gaye*

*(Mr 1.9-11; Lc 3.21-22)*

<sup>13</sup> Iti rumũri Galilea sitana wacōri Jordán wame cutirisa ejayijũ Jesús. Juan tũjũ ejacōri: “Yũre idé guya mũ”, yiyijũ Jesús ĩre. <sup>14</sup> Ito bajiro ĩ yibojarocati ĩre idé gu ãmobisijũ Juan. Ito bajiri ado bajiro yiyijũ ĩ Jesure:

—Meje, muáma yũre mũ idé guja quena. Yũre idé gu rotibitirũja mũ. Yũ rētoro ñasagũ ña mũ. Ito bajiri mũre idé gu masíbea yũ, yiyijũ Juan Jesure.

<sup>15</sup> ĩ ito yija tũocōri, ado bajiro yiyijũ Jesús ĩre:

—Yũre mũ idé gure ãmoa yũ. Yũre mũ idé guja ñajediro Dios ĩ rotiro bajiro cũdiana mani, yiyijũ Jesús Juanre.

—Baũ ãmoa yũ, yicōri Jesure idé guyijũ Juan ĩja. <sup>16</sup> Jesús ĩ majaroca riti ũmacũjũ macãrucũro soje janayijũ. ũmacũjũ Jesús ĩ ti mũorocati bujare bajiro bajigũna quedĩ sãja wadicōri Jesús joe quedĩ jeayijũ Espíritu Santo. <sup>17</sup> Ito bajiro ĩ quedĩ jeaja bero ado bajiro oca ruyuyijũ ũmacũjũ:

—Ñani yũ Macũ ñami, yũ maigũ. ĩre bũto wanũa yũ, yi ruyuyijũ oca ũmacũjũ.

## 4

*Rũmúa ujũ Jesure ĩ usirio codere gaye*

*(Mr 1.12-13; Lc 4.1-13)*



<sup>1</sup> Jesús ï idé gu rotija bero yucu manojũ ïre ãmi wayijũ Espiritu Santo. Itoju Jesús ï ejaroca, “¿Diore riti cudigu yiguĩjida Jesús?” yirocu ïre usirio codeyijũ rãmúa uju.

<sup>2</sup> Jũarã masacõ rumuri bare babicuti ñayijũ Jesús yucu manojũ. Itocõ bero ñiocõyijũ mucana. <sup>3</sup> ï ito bajijare, ïre ruogũ ejayijũ rãmúa uju:

—Riti Dios Macu mu ñaja adi gũtanati naju godo weogu yigũja mu, yiyijũ ï Jesure.

<sup>4</sup> Ito bajiro rãmú ïre yibojarocati:

—Yibesa. Dios oca ado bajiro gotia: “Najuna riti meje catirã yirãji masa. Jeyaro Dios ocana queno wanũ quena ñarã yirãji masa”, yi gotia Dios oca, yiyijũ Jesús rãmúre.

<sup>5</sup> ï ito yiroca riti Jerusalénju Jesure ãmi wayijũ rãmúa uju. Ito ejacõri mucana Dios ya wi joeju Jesure ãmi mũa wayijũ rãmú. <sup>6</sup> Ito ïre ãmi mũa ejacõri ado bajiro yiyijũ:

—Tũoya Jesús mu. Ado bajiro gotia Dios oca:

ï ñaro gãna ángel mesare mure code rotigu yiguĩji Dios. Mu quedi waja gũtagã joeju quedi jeacõri mu ya gũbo jeabe yirona mure boca ãmirã yirãji ñna, yi gotia Dios oca, yiyijũ rãmú Jesure.

Gaje ado bajiro yiyijũ ï:

—Riti Dios Macu mu ñaja adojuña bubu quedi wacu yigũja mu, yi tobuayijũ rãmúa uju Jesure.

<sup>7</sup> ï ito bajiro yibojarocati ado robojuã yiyijũ Jesús ïre:

—Mu ito bajiro yirisere cudibicũja yũ. Gaje ado bajiro gotia Dios oca tuti. Tite mu: “ ‘No bajiro Dios ï yija ticũja yũ’, yirocu ïre usirio codebesa”, yi gotia Dios oca, yiyijũ Jesús rãmúre.

<sup>8</sup> ï ito yija tuocõri, cogu gũtagũ ũmaricu joeju ãmi wayijũ rãmú Jesure. Itoju ãmi ejacõri adi sita gaye quenari catorire ïo jeocõyijũ rãmú Jesure. <sup>9</sup> Ito yicõri ado bajiro gotiyijũ rãmú:

—Yure r̄ucubuoꝝ m̄u yu riojo rijomunigãna ñini r̄jũja, adi sita ñarocõti ñarise m̄ure ãsicuja yu, yi ruoyiju r̄múa uju Jesure.

<sup>10</sup> Ito bajiro ã gotibojarocati:

—Wasa Satanás m̄u. Ado bajiro gotia Dios oca: “Mani Uju Diore riti r̄ucubuoꝝõri c̄dija quena”, yi gotia Dios oca, yiyiju Jesús r̄múre.

<sup>11</sup> Jesús ito ã yija t̄uocõri, wacoayiju r̄mú ãja. Ito yija bero ángel mesa Jesure ejabuarona ejayijarã ãja.

*Galilea sitaju* Jesús ã riasosure gaye

(Mr 1.14-15; Lc 4.14-15)

<sup>12</sup> “Tubiara wiju ñami Juan”, yire oca t̄uocõri Galilea sitaju t̄di wayiju Jesús. <sup>13</sup> Itoju ejacõri ã ñaro Nazaret wame cutiri cutoju tujabisiju Jesús. Galilea wame cutirita tunima tu Capernaum wame cutiri cutoju ñarocu wayiju Jesús. Sõju meje ñayiju Zabulón sita ito yicõri Neftalí sita c̄ni. <sup>14</sup> Iti cutoju Jesús ã ñaja Diore goti ãsiri masu Isaías wame cutigu ã ucayore r̄etayiju ãja. Jesure t̄uõia yugu ado bajiro ucayoñi Isaías:

<sup>15</sup> Jordán jodeju Galilea wame cutirita ñacu. Itira tunima tu ñacu Zabulón sita ito yicõri Neftalí sita. Iti sitaju ñarã judio masa meje ñarãji ãna.

<sup>16</sup> Diore masibiticõri r̄aitiãro bajiro ñarãji ãna. Ito bajicõri s̄igũ queno busugare ti wanurã yirãji ãna. Diore masimena ñari godanare bajiro bajirãji ãna. Ito bajiri busugu ã ejaja ticõri, wanurã yirãji ãna. ãna t̄u masiroca yigu yiguñi ã. Ito bajiri mama rumu bajiro ejaro yiroja ñnare, yi ucayoñi Isaías.

ã ucare bajiroti iti sitaju ejayiju Jesús.

<sup>17</sup> Iti sitaju ejacõri masare Dios oca riaso ucusuooyiju Jesús. Ado bajiro gotiyiju:

—Yoari mejeti ĩre tuorũnũrãre ĩ rotiroju miojugũ yiguũji Dios. Ito bajiri mũa ñeñaro yirisere jidicãcõri mama usi wasoaya mũa, yi masare riaso ucuyijũ Jesús.

*Wai jori masa juariarãre Jesús ĩ jire gaye*  
(Mr 1.16-20; Lc 5.1-11)

<sup>18</sup> Itajura Galilea wame cutirita tunima wa ucugũ wayijũ Jesús. Ito wacũjũ tiyijũ Jesús, Simón Pedro ito yicõri ĩ ocabaji Andrésre cuni. Wai jori masa ñayijarã ĩna. Yori yucũrina wai waya ñayijarã ĩna. <sup>19</sup> ĩna tu ejacõri ado bajiro yiyijũ Jesús:

—Yũ rãca waya. Masare jirã yirãji mũa, Diore ĩna masitoni, yiyijũ Jesús ĩnare.

<sup>20</sup> ĩ ito yirocati yori yucũri cũcõri, ĩ rãca sũya wayijarã ĩna.

<sup>21</sup> Ito yija ito sõjũa bũsa wa remoyijũ Jesús. Jabeto wa remocõri tiyijũ Jesús, Santiago, ĩ ocabaji Juanre cuni. Zebedeo rĩa ñayijarã ĩna. ĩna jacũ rãca cumajũ yori yucũri sia queno ñayijarã ĩna. ĩnare ticõri ĩnare jiyijũ Jesús. <sup>22</sup> ĩ ito yija tuocõri, cumajuti ĩna jacũre wagoyijarã ĩna. Ito bajiri Zebedeo rĩa Jesús rãca wacoayijarã ĩna ĩja.

*Jãjarã masare Jesús ĩ riasore gaye*  
(Lc 6.17-19)

<sup>23</sup> Galilea sitajũ riaso ucu jeoyijũ Jesús. Co cuto rũyabeto judio masa minijuara wi sãjacõri oca quenarise, “ĩre tuorũnũrãre ĩ rotiroju miojugũ yiguũji Dios”, yire oca gotiyijũ Jesús masare. Ñajediro cõrãre ĩna cõrise bajiroti ĩnare yisioyijũ Jesús. <sup>24</sup> Ito bajiro cõrãre Jesús ĩ yisioja Siria sita gãna cuni tuo jediyijarã ĩna. Ito bajiri ñajediro cõrãre ãmi ejayijarã Jesús ĩ yisiotoni. Jeyaro ñarise cutirãre ãmi ejayijarã ĩna. Rũmũ sãjagoana, usi jedi quediana, ruduanare cuni ãmi ejayijarã Jesús ĩ yisiotoni. ĩna cõrise bajiroti ĩnare yisioyijũ ĩ. <sup>25</sup> No Jesús ĩ waro jãjarã masa ĩre

sɔya wayijarã. Tite. Galilea sita gãna, Decápolis cuto gãna, Jerusalén cuto gãna, Judea sita gãna ito yicõri Jordán wame cutirisa siduja gãna cuni Jesure sɔya wayijarã ñna.

## 5

*Tur*ia ñacõri masare Jesús ñ riasore gaye

<sup>1</sup> Jãjarã masare ticõri turia maja wayijũ Jesús. Itojũ maja wacõri rujijijũ Jesús. Ito yija ñ rãca riasotirã ñ tũ minijuyayijarã. <sup>2</sup> Ñna ejaja ticõri, ado bajiro ñnare riasoyijũ Jesús:

*Mani wanũ* quenaroca yiroti gaye

(Lc 6.20-23)

<sup>3</sup> —“Jaje rɔya Dios oca queno yũ masi jeoroti”, mũa yi tuoñaja, wanũ quenarã yirãji mũa. Ijajũ Dios ñ rotirojũ ejacõri ñ rãca rotirã yirãji mũa.

<sup>4</sup> ’Adocãta tuoña riorã mũa ñaja, wanũ quenarã yirãji mũa. Ijajũ mũa tuoña riorise rêtogũ yiguñji Dios.

<sup>5</sup> ”Gãjerã rêtoro ñasagũ meje ña yũ”, mũa yi tuoñaja, wanũ quenarã yirãji mũa. Ijajũ Dios ñ goticãdo bajiroti queno bũjarã yirãji mũa.

<sup>6</sup> ’Adocãta Diore cudi jeo ãmorã mũa ñaja, wanũ quenarã yirãji mũa. Mũare ejabuagũ yiguñji Dios, ñre mũa cudi jeo masitoni.

<sup>7</sup> Gãjerãre ti maicõri mũa queno yija, wanũ quenarã yirãji mũa. Dios cuni mũare ti maicõri mũare queno yiguñji ñ.

<sup>8</sup> ’Dios ñ ãmoro bajiro riti quenarise mũa tuoñaja, wanũ quenarã yirãji mũa. Ijajũ Diore tirã yirãji mũa.

<sup>9</sup> ’Adocãta oca quenori masa mũa ñaja, wanũ quenarã yirãji mũa. Ijajũ, “Yũ rĩa ña mũa”, yiguñji Dios.

<sup>10</sup> ’Diore mũa cudire ticõri, gãjerã mũa tõbũjaroca ñna yija, wanũ quenarã yirãji mũa. Ijajũ Dios ñ rotirojũ ejacõri, ñ rãca rotirã yirãji mũa.

<sup>11</sup> Yũre mua cũdire ticõri, gãjerã muare aja tudija, mua tõbujaroca ñna yija, ito yicõri muare ñna busitubojaja cuni, wanu quenarã yirãji mua. <sup>12</sup> Diore goti ñsiri masare cuni ito bajiroti ñeñaro yiyijarã masa jane mejeju cuni. Itire masicõri queno wanu quenaña mua. Ijaju Dios tu ejacõri ñajediro ñ seo ñsirisere queno bujarã yirãji mua, yiyiju Jesús ñ rãca riasotirãre.

*Moa oca quenarise robo bajiro bajirã ña mani, quenarise mani yija, yi Jesús ñ riasore gaye*

*(Mr 9.50; Lc 14.34-35)*

<sup>13</sup> Mucana ado bajiro gotiyiju Jesús ñ rãca riasotirãre:

—Moa ba ãmoama masa. Ito bajibojarocati iti ocabeja ñe waja ma moa. Juaji iti ocarise ejabeto yiroja. Iti ocarise jedija ticõri, itire cõacõrãji masa. Ito yicõri itire cũdarã yirãji ñna. Moa bajiro bajirã ña mani cuni. Mani queno yija ticõri, mani bajiro queno yi ãmorãji gãjerã cuni. Ito bajibojarocati mani queno yibeja, “Diore tuorũnuña mua cuni”, mani yi riasobojaja manire tuo ãmomenaji gãjerã, yiyiju Jesús.

<sup>14</sup> Mucana ado bajiro gotiyiju Jesús:

—Ñami buto rãitĩari ñami iti ñaja sõju jea iti busuja queno ruyuroja. Tũria joe mani cuto meniija masa jeyaro tirã yirãji jea iti busurise. Ito bajiroti mani queno yija masa jeyaro tirã yirãji ñna. <sup>15</sup> Sĩabusuorise mani sĩaja sotu rocaju cũmenaji mani. Sĩabusuorise sĩacõri ãmacũju cũrã yirãji mani ñajediro iti wi gãna ñna titoni. <sup>16</sup> Ito bajiroti queno yija mua “Queno yirã ñama Diore tuorũnrã”, yi ti masirã yirãji masa jeyaro. Mua queno yirise ticõri mani Jacu ãmacũju gagũre wanu rũcũbuorã yirãji masa, yiyiju Jesús ñ rãca riasotirãre.

*Moisés ñayoru ñ rotirise Jesús ñ riasore gaye*

<sup>17</sup> “Moisés ñayoru ñ rotirise ito yicõri Diore goti ñsiri masa ñna riasorisere cõarocu wadiñi Jesús”, yi tuoĩabesa

mua. Itire cōarocu meje wadia yu. Īna riasorisere mua queno tuoñatoni wadibu yu. <sup>18</sup> Riti muare gotia yu. Dios ĩ rotirise ñajediro ñatĩñaro yiroja. Adi macārucũro jediroto riojua co wame godo cutibeto yiroja. Ñajediro Dios ĩ gotiado bajiroti rētaru yiroja. <sup>19</sup> No Dios rotirisere jabeto cudibicu, “No yibea mani cudi jeobeja cuni”, yi riasogu quenabemi. Dios rotiroju ejacōri ñasagu meje bajiro ñagũ yiguĩji iocũ. No Dios rotirise cudicōri, “Jeyaro ĩ rotirise mani cudi jeoja quena”, yi riasogu ĩ ñami quenagũ. Ito bajiri Dios rotiroju ejacōri ñasagu ñagũ yiguĩji ĩama. <sup>20</sup> Riti muare gotia yu. Judio masa rotirise riasori masa ito yicōri fariseo gaye tuoñarã ĩna queno yibojado rētoro mua queno yibeja Dios rotiroju ejamenaji mua, yiyiju Jesús ĩ rãca riasotirãre.

*Gãjerãre junisini tibesa, yi Jesús ĩ riasore gaye  
(Lc 12.57-59)*

<sup>21</sup> Mucana gaje ado bajiro gotiyiju Jesús:

—Jane mejeju gãna ĩna rotigore tuogoana ña mua. Ado bajiro baja iti: “Gãjire sñabesa. No gãjire sñagũti ĩre waja senigũ yiguĩji Dios”, yi rotiyiju Moisés ñayoru. <sup>22</sup> Yũama ado bajiro muare goti remoa: No gãjire junisini tigure waja senigũ yiguĩji oca quenori masu. No gãjire busitugure waja senirã yirãji oca quenori masa. No, “Rocati mecuri masu ña mu. Jeame ãjuroju waruja mu”, yiguti ĩjuare waja senirocu ĩre cōagũ yiguĩji Dios jeame ãjuroju, ya yu muare.

<sup>23</sup> Itire masicōri, gaje ocare cuni tuoñaña mua. Diore rũcubũorã ĩna soe ĩsira casabojũ ejacōri, “Gãji rãca oca cutia yu”, mua yi tuoña bujaja Diore rũcubũorona ecarũre sñacōri soebeja maji. <sup>24</sup> Itire cũña maji. Itire cũcōri oca quenorona mua baba tu wasa. Ī rãca oca quenocōri Diore soe ĩsirona tũdi waja quena, ya yu muare.

<sup>25</sup> 'Gaje ado bajiro baja. Gãji mũare ã seti yija oca quenori masu tũju mũa ejaroto riojua oca quenõña mũa. Oca quenori masu tu ejamenati mũa oca quenobeja ã mũare poreciare ãsigũ yiguĩji. Ñna poreciaju mũare tubiarã yirãji. <sup>26</sup> Riti mũare gotia yu. Ññaro mũa yigore mũa waja yi jeobeto riojua budimena yirãji mũa. Iti robo bajiroti baja Dios waja seniri mũmũ ejaroto riojua ã rãca mũa oca quenobeja, ya yu mũare, yiyiju Jesús ã rãca riasotirãre.

*Gãji manojore rũcũbuoya, yi Jesús ã riasore gaye*

<sup>27</sup> Mũcana gaje ado bajiro gotiyiju Jesús:

—Jane mejeju gãna ñna rotigore tuogoana ña mũa. Ado bajiro baja: “Gãji manojore rãca ajebesa”, yi rotiyiju Moisés ñayoru. <sup>28</sup> Yũama ado bajiro mũare goti remoa: No romiore ãmotigu ã tuoõrisena isore ajegu bajiro yami ãocũ, ya yu mũare, yiyiju Jesús.

<sup>29</sup> 'Mũa ya riojocadũja cajeana ticõri ññaro mũa yi ãmoja iti cajeare ruacõña. Itire ruacõri cõatẽña. Manire co dũja cajea manija quenabetoja. Ito bajibojarocati jua cajea, cajea cutirã ñabojarãti jeame ãjũroju mani waja, rẽto busaro quenabeto yiroja. <sup>30</sup> Mũa ya ãmona ññarise mũa yija, itire jatacõña. Itire jatacõri cõatẽña. Manire co dũja ãmo manija quenabetoja. Ito bajibojarocati jua ãmo, ãmo cutirã ñabojarãti jeame ãjũroju mani waja, rẽto busaro quenabeto yiroja. “Mũa ññaro yirise jidicãña mũa”, yirocu ito bajiro yiyiju Jesús ã rãca riasotirãre.

*Manojore jidicãbesa, yi Jesús ã riasore gaye*

*(Mt 19.9; Mr 10.11-12; Lc 16.18)*

<sup>31</sup> Mũcana ado bajiro gotiyiju Jesús:

—Gaje ado bajiro gotia jane mejeju yigore: “Õmũgũ ã manojore ã cõa ãmoja papera ucarũja ãre: Adio rãca manojore cutibojaguti isore cõagũ ya yu. Yu manojore meje ñamo ãja, yi ucarũja ãre”, yi gotia jane mejeju yigore.

<sup>32</sup> Yũama ado bajiro mũare gotia: Sĩgũ ĩ manojõ gãji rãca ajebitigoro ñabojarocati isore ĩ cõaja, isore buto ñeñaro yami ĩocũ. Gãji rãca iso manũju cutibojaja ĩre ajego yigõji iso. Ito yicõri no iso rãca manojõ cutija isore ajegũ yiguũji ĩ, yi gotiyijũ Jesũs ĩ rãca riasotirãre.

*Riojo mani gotija quena, yi Jesũs ĩ riasore gaye*

<sup>33</sup> Mũcana gaje gotiyijũ Jesũs:

—Jane mejeju gãna ĩna rotigore tuogoana ña mũa. Ado bajiro bajia iti: “Riti ado bajiro yicũja yũ”, Diore mũa gotija mũa goticãdo bajiroti yiba, yi rotiyijũ Moisés ñayorũ. <sup>34</sup> Yũama ado bajiro mũare gotia: “Ado bajiro yicũja yũ”, yicõri, riojo yiba. “Yũ goticãdo bajiroti yicũja yũ”, yirocũ “Riti gotia yũ Dios ĩ ñaro riojo”, yibesa itioni. ĩ ñaro ña ĩ rotirojũ. Ito bajiri, “Riojo gotia yũ”, yibesa iti wame rãca. “Adi macãrucũro riojo cuni, riti gotia yũ”, yibesa itioni. <sup>35</sup> Adi macãrucũro ña Dios yaro. Ito bajiri, “Riojo gotia yũ”, yibesa iti wame rãca. “Jerusalén wame cutiri cuto riojo cuni riti gotia yũ”, yibesa itioni. Mani Ũju ñasagu cuto ña Jerusalén. Ito bajiri iti cuto wame rãca “Ado bajiro yicũja yũ”, yibesa. <sup>36</sup> “Yũ ya rijoganati riojo gotia yũ”, yibesa itioni. Ñirise, botirise mani ya rijoga joa godõ weo masibeã mani. Dios sũgũti ñami itioni godõ weo masigũ. Ito bajiri iti wame rãca, “Ado bajiro yicũja yũ”, yibesa mũa. <sup>37</sup> Mani riojo gotija quena. Mani cudibeja cuni riojo gotija quena. “Riti gotia yũ”, yirona gaje mani goti remoja rũmũã ũju ejabuarisena goti remoa mani, yi gotiyijũ Jesũs ĩ rãca riasotirãre.

*Sĩgũ ñeñaro manire ĩ yija gãmebeja quena, yi Jesũs ĩ riasore gaye*

*(Lc 6.29-30)*

<sup>38</sup> Mũcana gaje ado bajiro gotiyijũ Jesũs:



—Jane mejeju gāna ĩna rotigore tuogoana ĩna mua. Ado bajiro bajia iti: “Sĩgũ ĩ cajea jioja gājire cuni cajea jioja quena. Sĩgũ ĩ guji jabejasāja gājire cuni guji jabejasāja quena”, yiyijarā masa jane mejeju gāna. <sup>39</sup> Yũama ado bajiro mũare gotia. Sĩgũ ñeñaro mũare ĩ yija ĩre gāmebeja. Ado bajirojua yiba. Sĩgũ rio mũare ĩ jaja gaje dũja cuni rotiba. <sup>40</sup> Sĩgũ mũ ya camisa ĩ ĩma āmoja, rēobeja ĩre. ĩ āmoro āmicōto. Ito yicōri ĩre jai busaro ĩsi remoña. <sup>41</sup> Sĩgũ ĩ ya gajeoni coji cōrecō ĩ ũma rotija juaji cōrecō ĩre ũma ĩsima. “Ado bajiro yũre moa ĩsiña”, gāji mũare ĩ rotija, ĩ rotiro rēto busaro ĩre moa ĩsija quena. <sup>42</sup> Noa mũare gajeoni senirāreti ĩsicōaja quena. Sĩgũ mũare wasoa āmoja wasoaja quena. Ito yicōri “Mũre ĩsicũju yũ”, yija quena, yiyiju Jesús ĩ rāca riasotirāre.

*Mani wajanare* cuni mani ti maija quena, yi Jesús ĩ riasore gaye

(Lc 6.27-28,32-36)

<sup>43</sup> Jane mejeju gāna ĩna busigore tuogoana ĩna mua cuni. Ado bajiro bajia iti: “Mũa babare queno ti maiña. Ito yicōri mũa wajacũre ti teya”, yiyijarā masa jane mejeju gāna. <sup>44</sup> Yũama mũare ado bajiro gotia: “Mũa wajanare ti maiña. ĩnare queno yiya. Mũa tōbũjaroca yirāre yiari Diore busi ĩsiña”, ya yũ mũare. <sup>45</sup> Ito bajiro mũa yija mani Jacũ ũmacũju gagũ rĩa ñarā yirāji mũa, ĩ āmoro bajiro riti mũa yisotija. Masa ñajedirore queno ejabuami Dios. ĩre cūdimenare cuni ejabuami ĩ. ĩ ñami quenarā, ñeñarāre cuni ũmacañi busuroca yigũ. ĩ ñami riojo cūdirā, riojo cūdimenare cuni ide queo ĩsigũ. <sup>46</sup> Mũare ti mairāre riti mũa ti maija ñe waja ma iti. Ito bajiro mũa yija ticōri, mũare waja yibiquĩji Dios. Ujarāre yiari waja seni ĩsiri masa ĩnare mairāre riti ti mairāji ĩna cuni. ĩnare bajiro yibesa mũa. Mũare ti terāre cuni maija quena. <sup>47</sup> Mũa ñarāre riti mũa seniñaja, ñe waja ma. Diore masimena cuni

ito bajiroti yirāji ĩna cūni. <sup>48</sup> Mani Jacu ũmacũju gagu, coji ñeñaro yĩabici ñami ĩ. ĩre bajiroti yiya mua cūni, yiyiju Jesús ĩ rāca riasotirāre.

## 6

*Gājerāre mani ejabuaja* quena, yi Jesús ĩ riasore gaye

<sup>1</sup> 'Queno mua yija, "Queno yama ĩna", yijaro gājerā yirona meje, queno yiba mua. Masa tiro riojo riti, "Āni ñami queno Diore cudigu", mua yi ĩbojaja ñe waja bujamenaji mua, ũmacũju mani Jacu Dios tujū mua ejaja. <sup>2</sup> Ito bajiri bojoro bujarāre mua ejabuaja masa jeyarore goti batobeja. Ito bajiro yama minijuara wijū, marijū cūni, "Yiro robo yirā ña gua", yibojarāti yiro robo yimena. Bojoro bujarāre ĩna ejabuaja, "Queno yirā ñama", masa ĩna yitoni yama ĩnaōna. Riti muare gotia yu. Ito bajiro ĩna yirisenati waja bujacāma ĩna. Ñe gaje buja remomenaji Dios tujū. ĩnare masa rucubuojarocati Dioama ĩnare rucubobicu yiguĩji. <sup>3</sup> Mũama bojoro bujarāre mua ejabuaja, masa ĩna masibeto ito yicōri mua baba ñasagu ĩ masibeto masare ejabuaja quena. <sup>4</sup> Reco meje masa ĩna tibeto bojoro bujarāre ejabuaba mua. Masa ĩna tibeto bojoro bujarāre mani queno yija, ti masiguĩji Dios manire. Ito bajiri waja yigu yiguĩji manire, yiyiju Jesús ĩnare.

*Diore mani seniroti Jesús ĩ riasore gaye*

*(Lc 11.2-4)*

<sup>5</sup> 'Diore mua busija, "Yiro robo yirā ña gua", yibojarāti yiro robo yimena bajiro Diore busibeja mua. ĩnama minijuara wijū Diore ĩna busija rügōcōri busirāji. Ito yicōri ma tunima masa ĩna titoni Diore busirā yirāji ĩna. Ito bajiro ĩna yirisenati waja bujacāma ĩna. Ñe gaje buja remomenaji ĩna Dios tujū. ĩnare masa rucubuojarocati Dioama ĩnare rucubobicu yiguĩji. <sup>6</sup> Mũama Diore mua

būsija, mũa ya sũa sãjacõri soje biaya maji. Ito bajiro yicõri mani Jacũ rãca riti būsiba mũa. Ito bajiro masa mano mũa yija ticõri, mani Jacũ mũare waja yigũ yiguĩji, yiyijũ Jesús ñare.

<sup>7</sup> Diore masimena ñre ñna būsija, coji gayeti būsimumcutiama ñna. “Bũto mani būsimumcutija Dios manire tuogũ yiguĩji”, yi tuoĩa būsibojarãji ñna. <sup>8</sup> Ñnare bajiro yibeja mũaama. Ñe manire rũyarise mani senirototo riojũajũ masicãguĩji Dios. <sup>9</sup> Ito bajiri Diore mũa būsija, ado bajiro būsiba:

Gũa Jacũ, ãmacũjũ gagũ ña mũ. Mũ wame masicõri masa ñajediro rũcũbũojaro ñna.

<sup>10</sup> Masa jeyaro Ujũ mũ ñaroti rũmũ ejare ãmoa gũa. ãmacũjũga tuti cũi mũ ãmoro bajiroti ñayija. Ito bajiri adi tutijũ cũi mũ ãmoro bajiro riti ñare ãmoa gũa.

<sup>11</sup> Co rũmũ rũyabeto gũa baroticõti gũare naju ñsiña.

<sup>12</sup> Gũa ñeñaro yirisere ãcabojoya. Gũa cũi ito bajiroti gũare ñeñaro yirãre ãcabojoa.

<sup>13</sup> ¿No bajiro yũre cũdirã yirãjida ñna? yi tuoĩabesa gũare. Gũa ñeñaro yibititoni gũare ejabũaya. Mũ ña ẽjũ ñatĩñarocũ. Mũ ña bũto masitĩñare gaye rũcotĩñarocũ. Mũ ña masa jeyaro ñna rũcũbũotĩñarocũ. Itocõ ña. Amén. Ito bajiro Diore mũa būsija quena, yiyijũ Jesús ñ rãca riasotirãre.

<sup>14</sup> Mũare ñeñaro yirãre ñna ñeñaro yirisere mũa ãcabojoya, mani Jacũ ãmacũjũ gagũ mũa ñeñaro yirise ãcabojogũ yiguĩji ñ cũi. <sup>15</sup> Gãjerã ñna ñeñaro yirisere mũa ãcabojobeja mani Jacũ ãmacũjũ gagũ cũi mũa ñeñaro yirisere ãcabojocũ yiguĩji, yiyijũ Jesús ñnare.

*Bamena riti Diore mani bũsiroti Jesús ñ riasore gaye*

<sup>16</sup> Diore tuoĩa ãmorã bamena riti ñre mũa būsija, masa ñna tiro riojo bojori bũjabeja mũa. “Yiro robo yirã ñna

gua”, yibojarāti yiro robo yimena bamena riti Diore ĩna senija, masa ĩna tiro riojo bojori bujacā ĩna. Masa ĩna ti masitoni bojori bujabojacā ĩna. Riti muare gotia yu. Itinati waja bujacāma ĩna. Ne gaje buja remomenaji ĩna Dios taju. ĩnare masa rucububojarocati Dioama ĩnare rucububobicu yiguĭji. <sup>17</sup> Bamena riti Diore mua busija, joa cuni queno siro, rio cuni queno coe yiba muare masa ti masime yirona. <sup>18</sup> “Bamena riti Diore busirā ĩnama ĩna”, masa yibe yirona wanu quenama. Mani Jacu mani rāca ĩnagũ ĩ sĭgũti masitĩnagũ yiguĭji. Gājerā masibeto ĩ sĭgũti masigũ yiguĭji. Ito bajiri manire waja yigu yiguĭji ĩ, yiyiju Jesús ĩ rāca riasotirāre.

*Ũmacũju Dios tu quenarise mani bujaroti gaye  
(Lc 12.33-34)*

<sup>19</sup> ‘Adi sitaju gajeoni jairo mio cūbesa. Adoju gajeoni mua mio cūbojarisere mutarācā barā yirāji gajeoni bari masa. Gajeoni jogaro yiroja, ito yicōri riniri masa rinirā yirāji. <sup>20</sup> Yu tija ũmacũju mani Jacu taju quenarise miojuja quena. Itoju gajeoni bari masa manaji. Gajeoni jogabetoja. Ito yicōri riniri masa cuni ejamenaji. Ũmacũju manire yiaro queno yisotitĩnagũ yiguĭji Dios. Manire ĩ queno yirise jedibetoja. <sup>21</sup> Gajeoni mani rucoroju mani tuoĭarise ĩnaro yiroja manire. Ito bajiri ũmacũju mani Jacu taju quenarise mani miojuja quena, yiyiju Jesús ĩnare.

*Mani ya cajea busurica robo bajiro baja, yi Jesús ĩ riasore gaye*

*(Lc 11.34-36)*

<sup>22</sup> ‘Mani ya cajea queno iti ruyuja, mani tuoĭarise queno sosaroja manire. Ticōri queno mani tuoĭaja mani ya usi cuni quenaroja manire. <sup>23</sup> Ito bajibojarocati tibojarāti queno mani tuoĭabeja, mani ya usi cuni quenabetoja manire. Rāitĭaroju mani rŭgōro robo bajiro bajiroja

manire. “Ado bajiro ãmoami Dios”, yi masibojarãti Diore mani cudi beja, ãre masirã meje ña mani. Ito bajiri buto busa rãitãaroju mani rãgõro robo bajiro bajiroja manire, yiyijũ Jesús ãnare.

*Diore mani rãcũbuoja niyerure buto josare ma, yi Jesús ã riasore gaye*

*(Lc 16.13)*

<sup>24</sup> ‘Cocati mani ãjarã jãarãre cudi masibebe mani. Jãarã ãna ñaja sãgũre queno ti maicõri, gãjire ti tudirã yirãji mani. Sãgũre queno cudirã yirãji mani. Gãjire queno cudimena yirãji mani. Iti robo bajiroti Diore mani cudi ja, niyerujuare buto tuoãamenaji mani. Niyerure riti mani buto tuoãaja Diore queno cudisabebe mani, yiyijũ Jesús ãnare.

*Ã rã masare tirũnugũ yiguãji Dios, yi Jesús ã riasore gaye*

*(Lc 12.22-31)*

<sup>25</sup> ‘Gaje mũare ado bajiro gotia yũ: “¿Ñe bacõri catiguti yũ?” ito yicõri, “¿Ñe idicõri catiguti yũ?” yi tuoãabesa. “¿Ñejũ sãñacõri ñagũti yũ?” yi tuoãabesa. Manire rujeoru ñacõri mani baroti, mani idiroti cuni ãsi masiguãji Dios. <sup>26</sup> Minia ãmacũju wutirãre tuoãate mũa. No õno otemenaji ãna. Ito yicõri no õno bare miojumenaji ãna. ãna baroti seomenaji ãna. Ito bajiro ãna bajibojarocati mani Jacũ ãmacũju gagũ ãnare bare ecaguãji. “Minoa rãtoro ñasarã ña mani Dios ã tija”, ¿yi masibebe mũa? Minoare ã tirũnũja buto busa manire tirũnugũ yiguãji Dios. <sup>27</sup> “Yoa busari cati ãmoa yũ”, yi mũa oca jãja, ¿yoa busaro catirã yirãjida mũa? Meje, yoa busari catimenaji mũa, yiyijũ Jesús ãnare.

<sup>28</sup> “¿Ñe sãñagũ yigujada yũ?” yi tuoãa oca jãibesa mũa. Joa gaye gore tuoãate mũa. Iti go moabetoja. Ito yicõri iti sãñaroti suabetoja iti. <sup>29</sup> Ito bajibojarocati gore seyorise

iti ñaroca yami Dios. Ɖɔ̃ Salomón ñayorɔ̃ gajeoni jaigɔ̃ ñabojagɔ̃ti go robo sãña jeobitiyoñi ĩ. <sup>30</sup> Gore seyorise iti ñaroca yami Dios. Goama seyorise ñabojaroti yoari mejeti siniaroja ũmacañi jeana. Iti siniaja ticõri, itire soerã yirãji masa. “Manire yutabuju ĩsigũji Dios”, ¿yi masibeati mɔ̃a? ĩre queno tuorũnɔ̃sabea mɔ̃a. <sup>31</sup> Ito bajiri, “¿Ñe barãti mani? ¿Ñe idirãti mani? ¿Ñe sãñarãti mani?” yi tuoĩabitirãja manire. <sup>32</sup> Diore masimena itire tuoĩa oca jaicãbojama ĩna. Manireama mani Jacɔ̃ ũmacũju gagɔ̃ ñacãmi, “Iti rɔ̃ya ĩnare”, yiri masɔ̃. <sup>33</sup> “Dios ñami yɔ̃ Ɖɔ̃. ĩ yagɔ̃ ña yɔ̃”, mani yi tuoĩaja quena. Iti ña ñasarise. “ĩre bajiro quenarise riti yi ãmoa yɔ̃”, mani yi tuoĩaja quena. Ito bajiro mani yija, iti jeyaro manire rɔ̃yarise boca ãmirã yirãji mani. <sup>34</sup> “¿Jane busuri gaye ñe yigɔ̃ yigɔ̃jada yɔ̃?” yi tuoĩa oca jaibesa. Co rɔ̃mɔ̃ rɔ̃yabeto ricati riti bajiroja. Jane busuri oca ñaja mani rãca ñagũ yiguĩji Dios. Ito bajiri, “¿ñe yigɔ̃ yigɔ̃jada yɔ̃?” yi tuoĩa oca jaibesa, yiyiju Jesús ĩ rãca riasotirãre.

## 7

### *Gãjerãre seti yibesa, yi Jesús ĩ riasore gaye (Lc 6.37-38,41-42)*

<sup>1</sup> Gãjerãre seti yibesa, Dios mɔ̃are ĩ seti yibe yirona.  
<sup>2</sup> Gãjerãre mɔ̃a seti yiro bajiroti mɔ̃are cɔ̃ni seti yigɔ̃ yiguĩji Dios. “Itocõ seti ña ĩnare”, gãjerãre mɔ̃a yiro bajiroti mɔ̃are cɔ̃ni, “Itocõ ña seti”, yi masigũ yiguĩji Dios.  
<sup>3</sup> “Ãnire jabeto seti ña”, yibojarãti, “Guare jai busaro seti ña”, yi masibea mɔ̃a. Seti cutirã ña mɔ̃a cɔ̃ni. Ado bajiro bajirã ña mɔ̃a. Tuote. Mɔ̃a babare cajeajɔ̃ sũjuriacã iti ñaja ti masia mɔ̃a. Ito bajibojarocati mɔ̃a ya cajeajɔ̃ sita jaje iti sãña biaja, ti masibea mɔ̃a. <sup>4</sup> Mɔ̃a ya cajeajɔ̃ sita iti ñabojarocati mɔ̃a babare cajeajɔ̃ sũjuriacã ãmicãto yiboja mɔ̃a. Mɔ̃amasireti bajirisereama ti masibea mɔ̃a.

<sup>5</sup> “Yiro robo yirã ña gua”, yirã ñaboja mua. Mua ya cajeaju sita sãñarisere ãmicãña maji cajero. Iti sita mua ãmicãja berojua queno ti masirã yirãji mua. Ito yicõri mua babare cajeaju sũjuri ñarisere ãmicã masirã yirãji mua. Ado bajirojua baja. Buto ñeñaro yirise mua jidicãja berojua, “Mu ñeñaro yirise jidicãña mu”, yi masirã yirãji mua babare, yiyijũ Jesús ñnare.

<sup>6</sup> Buto quenarise ña Dios oca. Ñre ti terãre riaso josabeja. Yaiare quenarise ñsibeja mani. Ñnare mani ñsibojaja, manire curutirã yirãji ñna. Mua ya ñaque perla wame cutirisere yesea wato cõacũbeja. Mua cõacũja itire cõda aborã yirãji ñna. Ito bajiroti Dios oca quenarise ñre ti terãre riaso josabeja ñna tuo ãmobeja ticõri, yiyijũ Jesús ñnare.

*Diore mani senija cãdigũ yiguĩji, yi Jesús ñ riasore gaye (Lc 11.9-13; 6.31)*

<sup>7</sup> Diore mani senija ñsigũ yiguĩji. Ñre mani ãmaja bujarã yirãji. “Mũre busi ãmoa yũ”, mani yija, busi rotigu yiguĩji manire. <sup>8</sup> No senigũti boca ãmiguĩji. No ãmagũti bujagu yiguĩji. “Busi ãmoa yũ”, yigureti busi rotigu yiguĩji Dios, yiyijũ Jesús ñnare.

<sup>9</sup> “Naju ãmoa yũ”, yi mua macũ ñ senija, ¿gũtagã ñsirã yirãjida mua? Meje gũtagã ñsimenaji mua. <sup>10</sup> “Wai ãmoa yũ”, mua macũ ñ yija, ¿ãña ñsirãjida mua? Meje ãña ñsimenaji mua. <sup>11</sup> Mua ñeñaro yirã ñbojarãti mua ñnare queno yirãji mua. Ito bajiri itire masicõri mani Jacũ ñmacãjũ gagũ quenarise mani senija, “Manire ñsi masiguĩji ñ”, yi tuoia mani, yiyijũ Jesús ñnare.

<sup>12</sup> Gãjerã mũare queno yire mua ãmoja ñnare cõni queno yiyia mua. Ito bajiroti rotiyijũ Moisés ñayoru, ito yicõri Diore goti ñsiri masa ñna ucayore cõni, yiyijũ Jesús masare.

*Eyabiti ma ña Dios* tu wara ma, yi Jesús ï riasore gaye  
(Lc 13.24)

<sup>13</sup> 'Dios tuju mani eja ãmoja suari soje bajiri soje sãjarãji mani. Jeame ãjuroju wara ma jaja ma ñaroja, ito yicõri soje sãjaraju eyariju ñaroja. Ito bajiri jãjarã warãji itijure. <sup>14</sup> Catitiñarã wara ma eyabiti ma ñaroja. Ito yicõri iti soje sãjaraju jaibiti soje ñaroja. Ito bajiri coriarãti sãjarãji itojure, yiyiju Jesús ñnare.

*Ricana* sũori yucugure ti masia mani, yi Jesús ï riasore gaye

(Lc 6.43-44)

<sup>15</sup> "Dios oca goti ïsiri masa ña gũa", yibojarãre masiña mũa. Ruori masa ñama coriarã. Mũa tu ñna ejaja, oveja guamenare bajiro ejarãji ñna. Ito bajibojarãti bũto yaia guarãre bajiro ñnarãji ñna. <sup>16</sup> ñna yiriseju ticõri masirã yirãji mũa. Jota yucuriju rica manoja uyé. Jota mariju rica manoja higos wame cutirise. <sup>17</sup> Ito bajiroti yucu quenarise, quenarise rica cutiroja. Ito yicõri yucu quenabitigu quenabiti rica cutiroja. <sup>18</sup> Yucu quenabitigu quenarise rica cutibetoja. Ito yicõri yucu quenaricu ñeñarise rica cutibetoja. <sup>19</sup> Yucugũa queno rica manigũre itigũre quẽacõri jeameju soerã yirãji mani. <sup>20</sup> Ito bajiroti masare cuni ñna yirise ticõri ñnare ti masirã yirãji mũa, yiyiju Jesús ñnare.

*Dios ï rotiro ñasariju* eja jedimenaji masa, yi Jesús ï riasore gaye

(Lc 13.25-27)

<sup>21</sup> 'Jãjarã, "Gũa Uju ña mũ", yibojarãti coriarãti ãmacũju yũ Jacũ ï rotiroju ejarã yirãji ñna. Yũ Jacũ ï ãmoro robo bajiro yirã riti ejarã yirãji. <sup>22</sup> Iti rũmũ iti ejaroca jãjarã ado bajiro yibojarã yirãji: "Gũa Uju mũ rotire rãca riti Dios oca bũsisoticũ gũa. Mũ rotire rãca rũmũã sãnarãre bucõacu gũa. Ito yicõri mũ wame rãca jaje tiyamani ïocu



gua”, yibojarã yirãji ñna yũre. <sup>23</sup> Ito bajiro ñna yibojarocati ado bajiro ñnare yigũ yigũja yũ: “Yũ ñarã meje ña mũa. Mũare masibea yũ. Yũre wa camotadicoasa mũa. Ñeñaro yiana ña mũa”, yigũ yigũja yũ ñnare, yiyiju Jesús masare.

Yũre queno tuorũnurã sita butiroju wi menirã robo bajiro bajirã ñama, yi Jesús ñ riasore gaye

(Mr 1.22; Lc 6.47-49)

<sup>24</sup> Yũre tuocõri yũ rotiro bajiro yigũ, ñocũ ñami queno tuoĩagũ. Ñ ñami sita butiroju wi menirũocũ robo bajiro bajigũ. <sup>25</sup> Sita butiroju wi ñ menija bero ide quediyyiju. Riari jue jaiyyiju. Ito yicõri buto mino wẽayiju. Ito bajibojarocati sita butiroju ñacõri cadabisiju iti wi. <sup>26</sup> Yũre tuobojaguti yũ rotiro bajiro yibicu, tuoĩa masibicu ñami ñocũ. Ñ ñami sita jujuroju wi menibojaru robo bajiro bajigũ. <sup>27</sup> Iti wi ñ menija bero ide quediyyiju. Riari jue jaiyyiju. Ito yicõri mino wẽayiju. Ito bajiri sita jujuroju ñacõri wi jujayiju, yiyiju Jesús masare.

<sup>28</sup> Ito bajiro Jesús masare ñ busija bero rujũ ucayijarã ñna.

<sup>29</sup> Judio masa rotirise riasori masare bajiro meje queno busa riasoyiju Jesús. Dios ñ cũre rãca ñasarise ñ riasojare rujũ ucayijarã ñna masa.

## 8

Rujũ cami jogagũre Jesús ñ yisiore gaye

(Mr 1.40-45; Lc 5.12-16)

<sup>1</sup> Jesús ñ turia roja ejaroca jãjarã masa suyayijarã ñre.

<sup>2</sup> Ito ñ waroca sũgũ ñ ya rujũ cami jogagũ Jesure canamũoy-ijũ. Jesús riojo rijomunigãna ñini rũjũyiju. Ito yicõri ado bajiro yiyiju ñ Jesure:

—Yũ Uju, yũ ya cami mũ ya ñmoja, yagũja mũ, yiyiju ñ Jesure.

<sup>3</sup> Ñ ito yija tuocõri, ñ ya ñmona moa jeoyiju Jesús.

—Ămoa yu. Mu ya cami yacuja yu, yiyiju Jesús ĩ ya rujũ cami jogagure:

Ito bajiro Jesús ĩ yirocati ĩ ya cami yaticoayiju ĩre. <sup>4</sup> Ito yicõri ado bajiro rotiyiju Jesús ĩre:

—Tuoya, gãjerãre goti batobeja. Riojo wacõri paire ĩotẽña. Moisés ĩ rotiyoado bajiroti ecarure sãacõri Diore yiari soe ĩsima. Ito mu yija ticõri, “Cami yaticoañi”, yirã yirãji masa, yiyiju Jesús ĩ ya rujũ cami jogagogure.

*Surara* uju ya moari masure Jesús ĩ yisiore gaye  
(Lc 7.1-10)

<sup>5</sup> Capernaum wame cutiri cuto Jesús ĩ ejaroca sīgũ surara uju ĩ tujua wayiju. Romano masu ñayiju ĩ. Jesús tu ejaçõri ado bajiro ĩre josayiju:

<sup>6</sup> —Tuoya yu Uju mu. Yu ya wiju yu ya moari masu cõ yosami. Buto juni wisi yosami, yiyiju ĩ Jesure.

<sup>7</sup> ĩto yija tuocõri, ado bajiro cudi yiju Jesús ĩre:

—ĩre yisiogu wacu yiguja yu, yiyiju Jesús ĩre.

<sup>8</sup> Ito bajiro ĩyiroca ado bajiro cudi yiju surara uju, Jesure:

—Yu Uju, ñasagu meje ña yu, yu ya wi mu sãjabojaja cuni. Adojunati goti ñucaña mu. Ito yirocati yu ya moari masu caticoagu yiguĩji. <sup>9</sup> Gãjerã yu ujarã roca gagu ña yu. ĩna rotirise cudigu ña yu. Ito bajiri yu roca gãna yu ya surara yu rotirã ñama yure cuni. Sīgũre, “Wasa”, yu yija waguĩji ĩ. Gãjire, “Waya”, yu yija wadiguĩji ĩ. Ito yicõri yure ejaçuari masu ĩre yu rotija, ĩre yu rotiro bajiroti yiguĩji ĩ. Adojunati mu goti ñucaja yu ya moari masu caticoagu yiguĩji, yiyiju ĩ Jesure.

<sup>10</sup> Ito bajiro ĩ yija tuo ucacõri, “Yure tuorũnasacõami añi”, yi ti masiyiju Jesús ĩre. Ito bajiri ado bajiro yiyiju Jesús ĩ rãca riasotirãre:

—Riti muare gotia yu. Israel sita gãna wato ĩre bajiro yure tuorũnugũ tiãbiticu yu, yiyiju Jesús masare. <sup>11</sup> Riti muare gotia yu. Jãjarã ũmacañi ĩ quedi sãjaro gãna ĩ

joejearo gāna cuni ũmacũju Dios ĩ rotiroju ejacõri ba rujirã yirãji ĩna. Abraham, Isaac, ito yicõri, Jacob ñayoana rãca ba rujirã yirãji. <sup>12</sup> Israel sita gāna Dios rotiroju ejaboanare rãitĩaroju ĩnare cõagũ yiguĩji ĩ. Itoju ejacõri ñeñaro tõbujarã yirãji. Ito bajiri oticõri bũto tũoĩa oca jairã yirãji, yiyiju Jesús masare.

<sup>13</sup> Ito yija surara ujũre ado bajiro yiyiju Jesús:

—Mu ya wiju tũdi wasa. Yũre mu tuorũnũro bajiroti mũre moa ĩsiri masũ caticoagu yiguĩji, yiyiju Jesús ĩre.

Ito ĩ yirijũti surara ujũ ya moari masũ ĩ ya wiju caticoay-ijũ ĩ ĩja.

*Pedro mañicõre Jesús ĩ yisioire gaye*

*(Mr 1.29-31; Lc 4.38-39)*

<sup>14</sup> Pedro ya wiju wayiju Jesús. Iti wi ejacõri, Pedro mañicõre tiyiju Jesús. Cama joeju iso cõ jesaja tiyiju Jesús. Bũto ruju yayiju isore. <sup>15</sup> Isore ticõri ãmo ĩ moaĩarocati ruju yarise jedicoayiju isore. Ito bajiri wũmũcõri masare eca bocasũoyijo iso.

*Jãjarã ñarise cutirãre Jesús ĩ yisioire gaye*

*(Mr 1.32-34; Lc 4.40-41)*

<sup>16</sup> Iti rãioroca jãjarã rũmũ sãñarãre Jesús tũju ãmi ejayijarã masa. Ito ĩna bajija ticõri, coji ĩ bũsirisenati rũmũare bucõacõyiju Jesús. Ito yicõri ñarise cutirãre yisioyiju Jesús. <sup>17</sup> Ito bajiro rẽtayiju Isaías Diore goti ĩsiri masũ ñayorũ ĩ goticãdo bajiroti. Ado bajiro yiyiju Isaías ñayorũ: “Manire ruju gajajuarise ito yicõri mani ruju ñarise cutirise yisioogu yiguĩji”, yiyiju Isaías ñayorũ yũre tũoĩa yugu, yiyiju Jesús masare.

*Jesure tũo sũya ãmorã*

*(Lc 9.57-62)*

<sup>18</sup> Jājarā masa ī tujū īna gāni biaja ticōri, “Gaje dūjaju jēa wato mani”, yiyijū Jesús ī rāca riasotirāre. <sup>19</sup> Īna waroto riojua sīgū Moisés rotirise riasori masu, Jesús tū ejayijū:

—Riasori masu, no mū waroti mure sūya āmoa yu, yiyijū ī Jesure.

<sup>20</sup> Ado bajiro cūdiyijū Jesús ĩre:

—Buyairoare ĩna caniri goje űacu. Wutirāre cūni ĩna ya jibū űacu. Ito bajibojarocati Masa Rĳjorureama no cūñaraju ma ĩreama. Īti űa yu Masa Rĳjoru. Ito bajiri yure mū sūyaja josari űaroja mure, yiyijū Jesús ĩre.

<sup>21</sup> Ito yija gāji Jesús rāca riasotiri masu ado bajiro yiyijū ĩre:

—Yu jacure codegu űa yu maji. Ī godaja bero mure sūyacūja yu maji, yiyijū ī Jesure.

<sup>22</sup> —Adocātati yure sūyaja quena. Godarāma godarāmasiti gāmeri yujejaro. Jeyaro mū tūoĳa oca jairisere jidicācōri yure sūyaja quena, yiyijū Jesús ĩre. Yure tūorūnūmena godacānare bajiro bajirā űama. Īnamasiti godarāre yujerā yirāji.

*Minore, jacūrisere cūni Jesús ī rētoze gaye*

*(Mr 4.35-41; Lc 8.22-25)*

<sup>23</sup> Ī ito yija bero cumaju ī rāca riasotirā rāca sājayijū Jesús. <sup>24</sup> Itajura gūdareco ĩna tūjaroca mino buto wēayijū. Ito bajicōri cumaju jacūsāyijū. Ito iti bajibojarocati canigū yiyijū Jesús. <sup>25</sup> Ito iti bajija ticōri, ī rāca riasotirā ĩre yujioyijarā. ĩre yujiocōri ado bajiro yiyijarā ĩna ĩre:

—Gūa Ūju rujarā ya mani. Ito bajiri gūare masoña, yiyijarā ĩna Jesure.

<sup>26</sup> —¿No yija buto gūiati mūa? Yure queno tūorūnūbea mūa, yiyijū ī ĩnare. Ito yija wūmū rūgūyijū ī. Ito yicōri minore, “Wēabesa”, ito yicōri jacūrise, “Jacūbesa”, yiyijū Jesús.

Ī ito yija bero ñe godo manoti tujacoayijũ ĩja. <sup>27</sup> Ī rāca riasotiri masa itire ticōri ruju ucayijarā:

—¿Ñimũõcũ masũ ñatibe āni? Mino wēarise, ide jacūrise cuni ĩ rotija tuoā ĩre, yi tuoāyijarā ĩna.

*Gadara gāna rũmúa sãñarā oca*

*(Mr 5.1-20; Lc 8.26-39)*

<sup>28</sup> Itajura gaje dũjajũ Gadara wame cutiri sita ejayijarā ĩna. Ito ĩna ejaroca jũarā ũmua masari cumajũ budi wadiyijarā. Ito yicōri Jesús tũ eja rũgũyijarā ĩna. Jũarājuti rũmúa sãñarā ñayijarā ĩna. Buto guarā ñayijarā ĩna. Ito bajiri ĩna tũ rēta masia mañijũ. <sup>29</sup> Jesure ticōri ado bajiro awasāyijarā ĩnare sãñarā rũmúa:

—Jesús, Dios Macũ ña mũ. ¿No yija gũa tũ wadiati mũ? ¿Adocāta jeame ũjuroju gũare cōacōri gũa tōbũjaroca yigu wadiri mũ? yiyijarā ĩna Jesure.

<sup>30</sup> Ito sōjũa nocō mejeti jājarā ecana yesea āma ba ñayijarā. <sup>31</sup> Yeseare ticōri ado bajiro Jesure josayijarā rũmúa:

—Gũare mũ bucōaja, òa yeseare gũare sãja rotiya, yiyijarā ĩna Jesure.

<sup>32</sup> —Mũare roticā yũ. Wasa, yiyijũ Jesús rũmúare.

Ito ĩ yirocati ũmua jũarājũreti rũmúa budicoayijarā ĩja. Ito yicōri yeseajũare sãja wayijarā ĩna mũcana. Yeseare ĩna sãjarocati turia ũmaquedi roja wacōri itajurajũ quedi roacoayijarā ĩna. Ito bajiri ñarocōti ruja godacoayijarā ĩna ĩja.

<sup>33</sup> Yeseare tirũnubojana ito iti bajija ticōri, gũirā ũmaquedi wayijarā ĩna. Cũtoju ejacōri, “Ado bajiro rētamũ”, yirona goti jeoyijarā ĩna. Rũmúa sãñabojarāre ĩna rũmúa budigore gaye goti jeoyijarā ĩna iti cuto gãnare.

<sup>34</sup> ĩna ito bajiro gotija tũocōri, Jesús tũjũare minijua wayijarā masa, iti cuto gāna. Jesure gũirā ĩ ware āmorā ĩre josayijarā ĩna.

## 9

*Rudurure* Jesús ĩ yisioire gaye

(Mr 2.1-12; Lc 5.17-26)

<sup>1</sup> Ito yija m̄cana cumaju s̄ajayij̄u Jesús. Ito bajiri itajura gaje d̄aja j̄ea wac̄ōri ĩ ya c̄utoj̄u ejayij̄u. <sup>2</sup> Ito ĩ ejaroca rudurure c̄ōr̄are ĩna jeorona ĩre āmi ejayijar̄a Jesús t̄u. “Ȳure queno t̄uor̄ūn̄ur̄ā ñama ĩna”, yi ti masic̄ōri ado bajiro yiyij̄u Jesús rudurure:

—Oca s̄eōña ȳu mac̄u. M̄u ñeñaro yirise ma m̄ure ĩja, yiyij̄u Jesús ĩre.

<sup>3</sup> Ito ĩ yija t̄uoc̄ōri, ito ḡāna coriar̄a judio masa rotirise riasori masa ado bajiro t̄uōĭayijar̄a: “Ito bajiro ĩ busija, Diore r̄ūc̄ub̄uobic̄u yami ĩ”, yi t̄uōĭayijar̄a ĩna. <sup>4</sup> Ito bajiro ĩna t̄uōĭarise ti masic̄ōri ado bajiro yiyij̄u Jesús ĩnare:

—¿No yija ito bajiro ñeñaro t̄uōĭati m̄ua? <sup>5</sup> ¿Disej̄ua ñati josasabiti m̄ua tija? “M̄u ñeñaro yirise coecoaj̄u”, ȳu yija, ¿quena ñarajada m̄ua t̄uōĭaja? “W̄um̄uñ̄a, wasa”, ȳu yija, ¿quena ñarajada? ¿Disej̄ua ñati josasabiti m̄ua tija? <sup>6</sup> Ȳu ña Masa R̄ijor̄u. Ad̄i sitaj̄u Dios ĩ c̄ūre r̄āca ña ȳu. Ito bajiri masa ñeñaro ĩna yirisere ācabojo masia ȳu. “Riti Dios ĩ c̄ūr̄u ña m̄u”, ȳure m̄ua yi ti masitoni ado bajiro ya ȳu rudurure:

—W̄um̄uñ̄a. M̄u ya cama āmiñ̄a. M̄u ya wij̄u t̄udi wasa, yiyij̄u Jesús.

<sup>7</sup> Ito ĩ yirocati rudur̄u ñabojar̄u w̄um̄uyij̄u. Ito yic̄ōri ĩ ya wij̄u wacoayij̄u ĩ ĩja. <sup>8</sup> ĩ ito bajiro bajija tic̄ōri, ḡūiyijar̄a masa. “Ad̄i sita gaḡure ĩ masirise jidic̄āni Dios”, yi t̄uōĭac̄ōri, Diore r̄ūc̄ub̄uoyijar̄a masa.

*Mateore* Jesús ĩ jire gaye

(Mr 2.13-17; Lc 5.27-32)

<sup>9</sup> Itona wacōri yu Mateo ture ejaquĩ Jesús. Cuto ñari masare moa ñsigũ ñnare niyeru boca ãmirijũ ñacu yu. Yure ti bujacōri ado bajiro yiquĩ Jesús yure:

—Yu rãca waya, yiquĩ Jesús yure.

Jesús yure ito bajiro yija tuocōri, ñre suya wacu yu ñja.

<sup>10</sup> Yu ya wiju ejaquĩ gua. Ito ejacōri basuocu gua. Niyeru boca ãmi ñsiri masa, ññaro yiri masa ñacã ñna cuni gua rãca barona. Jesús rãca riasotirã cuni ñacã gua rãca barona. <sup>11</sup> Ito bajiro iti bajija ticōri, fariseo gaye tuoĩarã gua rãca riasotirãre ado bajiro seniĩacã:

—¿No yija muare riasori masu niyeru boca ãmi ñsiri masa ito yicōri ññaro yiri masa rãca bati? yicã ñna.

<sup>12</sup> Ito bajiro ñna yija tuoquĩ Jesús:

—Ñarise mana, cōmena cuni uco masare ãmomenaji ñna. Cōrã riti uco masare ãmarãji ñna. <sup>13</sup> Dios oca tuti gaye ticōri tuoĩaña mua. Ado bajiro gotia iti. “Gãjerãre mua tuo maire ãmoa yu. Gãjerãre tuo maibitibojarãti ecarure sãcōri yure mua soe ñsibojaja ñe waja ma iti”, yi gotia Dios oca tuti, yiyiju Jesús ñnare. Queno yirãre jirocu meje adi sita wadicu yu. Ññaro yirãre ññaro ñna yirise jidicãtoni gaje adi sitaju wadicu yu, yiquĩ Jesús ñnare.

*Bamenati Diore rucubore gaye*

*(Mr 2.18-22; Lc 5.33-39)*

<sup>14</sup> Ito ñana Juan idé guri masu rãca riasotirã Jesure seniĩarona ñ tu ejacã ñna:

—Gua ito yicōri fariseo gaye tuoĩarã cuni coji ruyabeto Diore rucuborã bamenati ñre rucubuocu gua. ¿No yija mu rãca riasotirãma bare bamenati ñre rucubobeati ñna? yicã ñna Jesure.

<sup>15</sup> ñna ito yija tuocōri, ado bajiro ñnare goti masioquĩ Jesús:

—¿Sĩgũ ñ ãmo siari rumu ñ rãca wanurona ñ ji ñucana ñ rãca ñbojarocati bojori bujarã yirãjida ñna? Bojori

bujamenaji. Yu baba mesa cuni bojori bujamenaji ina rāca yu ñarocama. Co rumu yure ina ñiaroti rumu ejaro yiroja. Yure ina ñiaja ticōri, bamenati yure yiari Diore senirā yirāji yu baba mesa, yiqui Jesús ñnare.

<sup>16</sup> 'Saya bucuro iti tadija, mamarona sere wōmenaji mani. Mamarona mani sere wōja tūatu wato bucuro tadiroja. Ito bajicōri jaja goje busa tadi waroja ija. Mame oca yu riasorise cuni bucurā oca rāca tuoia wisabesa. <sup>17</sup> Uyé mame ide wecu wirowo bucu baju jiomenaji mani. Bucu baju mani jiojama wirowo cuducoaroja. Ito yicōri idire wirowo cuni juajiju godaroja. Ito bajiro uyé mame ide wecu wirowo mama bajuna jiore ñaroja. Ito yicōri uyé ide, wecu wirowo cuni corocō ñaro yiroja, yiqui Jesús ñnare.

*Jairo macore Jesús i yisioire gaye*

*(Mr 5.21-43; Lc 8.40-56)*

<sup>18</sup> Ito bajiro Jesús i gotiroca riti sigā judio masa ujū ejaquī Jesús tu. Jesús riojo ñre rucubuoḡu ñini rūjūquī i. Ito yicōri ado bajiro yiqui i Jesure:

—Janeti yu maco usi jedicoamo. Iso tu ejacōri isore mu moañaja tūdi caticoago yigōji iso, yiqui i Jesure.

<sup>19</sup> Ito i yija tuocōri, ñre suya waquī Jesús. Ito bajiri gua i rāca riasotirā cuni wacu. <sup>20</sup> Ito bajiro gua waroca sigō romio cōḡō Jesús judojua eja rūḡūcō. Iso ñacō romia ñarise cōḡō. Itire juā gubojeno rodori cō ñayijo iso. Jesús judojua ejacōri i ya yutabuju gaja moañacō iso. <sup>21</sup> “I ya yutabuju gaja yu moañajati caticoago yigoja yu”, yi tuoñari seyocō iso. <sup>22</sup> Ito bajiro iso yija tuo masicōri, juda rūḡūquī Jesús. Ito yicōri ado bajiro isore gotiqui:

—Oca seōña yu maco. Yure tuorñuḡō ñacōri caticoaju mu ija, yiqui Jesús isore.

Ito bajiro i yirocati tujacoacō iso ija.



<sup>23</sup> Ito yija bero yoa busari wacōri ujū ya wijū ejacū gua. Yujerona basa ñna menija ticū gua. Ito yicōri ruje masa ñna oca cutirise ruyucū. <sup>24</sup> Jesús ado bajiro gotiquĩ ñnare:

—Adjure budigoya mua maji. Adio macoacā cōgō meje yamo. Canigō yamo, yiquĩ Jesús ñnare.

Ĩ ito yija tuocōri, ĩre ajacā ñna. <sup>25</sup> Masa ñna budigoja bero macoacā tu sāja wacōri isore āmo tūa ñiaquĩ Jesús. ĩ ito yirocati jaja rñjucō iso. <sup>26</sup> Ito bajiro Jesús ĩ yija ticōri, iti sita ñnarcōti oca batacū.

Jūarā cajea timenare Jesús ĩ yisioire gaye

<sup>27</sup> Itojū gua waroca cajea timena jūarā awasā sūyacā Jesure:

—Gūare ti maiña David ñayoru janerābatia janami mū, yicā ñna Jesure.

<sup>28</sup> Wijū gua sāja ejaroca ñna jūarā cajea mana cūni sāja ejacā. Ito bajiri ñnare ado bajiro seniñaquĩ Jesús:

—“Gua ya cajea tiroca yigu yiguĩji Jesús”, ¿yi tuoĩati mua? yiquĩ Jesús ñnare.

—Ito bajiroti tuoĩa yū Ūjū gua, yicā ñna Jesure.

<sup>29</sup> ĩna ito yijare, ñna ya cajeajū moa jeoquĩ Jesús:

—Yure mua tuorñnuro bajiroti mua ya cajea tiroca ya yū, yiquĩ Jesús ñnare.

<sup>30</sup> Ito ĩ yirocati ñna ya cajeari ticoacā ñna. Ito yicōri sēoro ado bajiro gotiquĩ Jesús:

—Queno tuoĩama. Gājerāre goti batobeja, yiquĩ Jesús ñnare.

<sup>31</sup> Ito bajiro ĩ yibojarocati yoari mejeti wacōri goti batoyjarā ñna iti sita gānare Jesús ĩ yigorere.

Busibicure ĩ busiroca Jesús ĩ yire gaye

<sup>32</sup> Itijūna ñna wasuoroca coriarā ejacā masa busibicure āmi ejarā. Rūmú sãñagū ñaquĩ ĩ. <sup>33</sup> Jesús rūmure ĩ bucōaja bero busibicū ñbojarū busisuoquĩ ĩja. Itire ticōri rujū ucacā masa. Ito bajicōri ado bajiro yicā ñna:

—Israel sitaju ado bajirise tiĭabiticu gua maji, yicã ĩna.

<sup>34</sup> Fariseo gaye tĕoĭarãma ado bajiro yicã:

—Āniōcũ rũmúa uju ĩ masirisena rũmũare bucõami āni, yicã ĩna.

*Masare Jesús ĩ tuo maire gaye*

<sup>35</sup> Co cuto ruyabeto gua ejarocõ curi cõturi, mutari cõturi cuni minijuara wiju masare riasoquĩ Jesús. “Īre tĕorũnrãre ĩ rotiroju miojugu yiguĩji Dios”, yire gaye masare riasoquĩ Jesús. Masa jeyaro ĩna ñarise cõtirisere yisioquĩ Jesús. <sup>36</sup> Masa ĩna cõja, ĩna bojori bajaja ticõri, ĩnare ti maiquĩ Jesús. Jesús ĩ tija oveja uju mana robo bajiro bajirã ñacã ĩna. <sup>37</sup> Ito yija guare ado bajiro yiquĩ Jesús:

—Riti muare gotia ya. Jaje ote bucua. Ito bajibojarocati coriarãti ñama itire ãmiri masa. <sup>38</sup> Ito bajiri ote ujure seniña, moari masare ĩ cõatoni, yiquĩ Jesús guare. Ito bajiro ĩ gotija ado bajiro yireoni yiri seyoquĩ Jesús: Jãjarã ñama maji coji Dios ocare tĕoĭa yimena. Ito bajibojarocati coriarãti ñama ĩnare ĩ oca gotirona. Ito bajiri Diore seniña jãjarã busa gotiri masare ĩ cõatoni.

## 10

Jua gubojeno apóstol mesare Jesús ĩ besere gaye

*(Mr 3.13-19; Lc 6.12-16)*

<sup>1</sup> Ito yicõri gua jua gubojeno ñarãre jimiojuquĩ Jesús. Ito bajiro guare jimiojucõri rũmúa sãñarãre bucõa rotiquĩ ĩ. Ito yicõri masa jeyaro ĩna ñarise cõrisere guare yisio rotiquĩ ĩ. Ito bajiro yicõri cõrãre gua yisio masiroca yiquĩ Jesús.

<sup>2</sup> Adocõ ña gua jua gubojeno ñarã Jesús oca riaso ucutoni ĩ cũana. Tite mua. Cajero Simón Pedro wame cutigu ito yicõri ĩ ocabaji Andrés, ito bero Santiago, ito bero ĩ ocabaji Juan, Zebedeo rĩa ñama ĩna. <sup>3</sup> Bero Felipe,

bero Bartolomé, bero Tomás, ito bero yu Mateo ujaräre yiari waja seni isibojacacu, ito bero Santiago, Alfeo macu ñami. Ito bero Tadeo. <sup>4</sup> Ito bero Simón, celote gaye tuoïagoru ñami ï, ito bero susari Judas Iscariote. ï ñami Jesure ñna ñiatoni gotiru.

*Dios oca ñna goti ucutoni ï rãca riasotiräre Jesús ï cõare gaye (Mr 6.7-13; Lc 9.1-6)*

<sup>5</sup> Ado bajiro gua juu gubojeno ñaräre riaso ucu rotiquï Jesús:

—Judio masa meje ñna ñari cutori riaso ucubeja mua. Samaria sita cutori cuni wabeja mua. <sup>6</sup> Quenogoroama Israel sita gãna tu wasa. Ñna ñama oveja wisana robo bajiro bajirã. <sup>7</sup> “Yoari mejeti ïre tuorünuräre miojugu yiguïji Dios”, yi riaso ucuba mua. <sup>8</sup> Ruju jogaräre mua ti bujaja ñnare yisioba mua. Gãjerã gaje ñarise cutiräre cuni yisioba mua. Godanare cuni ñna catiroca yiba. Rũmua sãnaräre cuni ñnare bucõama mua. Ito bajiro mua yi masitoni waja manoti muare jidicã yu. Ito bajiro muare yu jidicãjare mua yirise waja, waja senibeja mua cuni, yiquï Jesús guare.

<sup>9</sup> 'Mua waja niyeru kujiri, oro kujiri, cobre kujiri ãmi wabeja mua. <sup>10</sup> Ito yicõri gajeoni sãra bajuri ãmi wabeja mua. Coro mua sãnarõ riti ãmi waja. Gaje guboco mua wasoaroti ãmi wabeja. Gajegu turigu ãmi wabeja. Diore moa isirã mua ñajare mua riasorãjuu muare bare ñna ecaja quena, yiquï Jesús guare.

<sup>11</sup> 'Jaja cuto jaibiti cuto cuni mua ejaja, yiro bajiro tuoïagũre ãmama. ïocũ mua bujaja ï tu canima mua. Iti cuto gãnare mua riasoja ï tu riti ñama maji, mua waroto riojuu. <sup>12</sup> Wiju mua ejaja, ¿ñati mua? yi seniãcõri, “Queno ñaña mua”, yiba. <sup>13</sup> Masa queno muare ñna boca ãmija, ito bajiroti, “Queno ñaña mua”, yi jidicãma ñnare. Muare ñna queno boca ãmibeja, “Queno ñaña mua”, yi jidicãbeja ñnare. <sup>14</sup> Muare ñna boca ãmi ãmobeja, ito yicõri muare

ĩna tuo ãmobeja, iti wire ñabeja mua. Ito yicõri iti cutore ñabeja mua. Iti cutore jidicã warã mua ya gubori sũjuri wãrisere ja batecãma mua. Ito bajiro mua yija ticõri, “Ĩnare queno boca ãmibeja mani”, yi tuoĩa masirã yirãji ĩna iti cuto gãna. <sup>15</sup> Riti muare gotia yu. Sodoma ito yicõri Gomorra gãna rëto busaro ñeñaro tõbujarã yirãji ĩna masa ĩna ñeñaro yirise waja Dios ĩ seniri rumu, yiquĩ Jesús guare.

*Dios oca* mua gotija tuo junisinicõri ñeñaro mua tõbujaroca yirã yirãji, Jesús ĩ yire gaye

<sup>16</sup> Yu muare riaso ucu rotija, oveja robo bajiro yaia wato guijoroju muare cõa yu. Queno ãñare bajiro ñacãña mua. Ito bajibojarocati bujare bajiro queno yirã ñama mua. Itoju mua waroto riojua, “Ado bajiro mani yija quena”, yirona queno tuoĩama maji. Ito bajiri ito gãna mua ejaroca ñeñaro ĩna yibojarocati queno yiba muama ĩnare. <sup>17</sup> Queno tuoĩama mua. Muare ñiacõri ñjarã riojo ãmi warã yirãji ĩna. Ito yicõri minijuara wi cuni muare bajerã yirãji ĩna. <sup>18</sup> Yu ocare mua riasojare gobierno masa ito yicõri cuto gãna ñjarã riojo muare ãmi warã yirãji ĩna. Ito bajibojarocati ĩna riojo yu gaye busirã yirãji mua. Ito yicõri judio masa meje ñarãre cuni gotirã yirãji mua. <sup>19</sup> Oca quenori masu riojo muare ĩna ãmi ejaja. “¿No bajiro tuoĩa busigutibe yu, yigu yigujada yu?” yi tuoĩa oca jaibeja mua. Mua busiriju iti ejaja, mua busiroti muare gotigu yiguĩ Dios. <sup>20</sup> Mua busija muario meje busirãji mua. Mani Jacu ĩ ya usi mua rãca ñajare busirã yirãji mua, yiquĩ Jesús guare.

<sup>21</sup> Guijorise iti rëtaja tirã yirãji mua. Masa ĩna ñarãreti gãjerã ĩna sãtoni ñia rotirã yirãji ĩna. Ito yicõri jacu mesa gãjerã ĩna sãtoni ĩna rĩare ñia rotirã yirãji. Ito yicõri ĩna rĩaju ĩnare ti junisinicõri gãjerãre sãa rotirã yirãji ĩna. <sup>22</sup> Yu ocare mua goti ucujare, masa jeyaro muare ti tudirã yirãji.

Noa yure jidicãmenati jeame ãjuroju ãna waborere ãnare, masogũ yiguĩji Dios. <sup>23</sup> Cutoju mua tõbujaroca ãna yija, gaje cutoju rudi waja. Riti muare gotia yu. Jeyaro Israel sita gãna cãtori mua wa ucu jeoroto riojuaju, yu Masa Rijoru ejagu yiguja yu, yiquĩ Jesũs guare.

<sup>24</sup> 'Sĩgũ riasotiri masu ãre riasoru rãto busaro masigũ mami. Ito yicõri sũgũ moari masu ã uju rãtogũ mami. <sup>25</sup> Sũgũ riasotiri masu ãre riasorure bajiroti yija quena. Ito yicõri moa ãsiri masu ã ujure bajiroti yija quena. Yu mua ujure Beelzebũ ãna wame yi tudija, yu ñarã mua ñajare buto busa muare busiturã yirãji ãna, yiquĩ Jesũs guare.

*Diore mani gũija quena, Jesũs ã yire gaye*

*(Lc 12.2-7)*

<sup>26</sup> Ito bajiro ãna busitubojarocati ãnare gũibeja mua. Ñejuã yeyo busire ma Dios ã tiro riojo. Ñejuã masa ãna yeyo masirise ma. Jeyaro ti masiguĩji Dios. <sup>27</sup> Masa jeyaro tuobeto yu muare gotirise jeyaro masa ãna tuotoni goti batoba mua. Muare yu yeyo gotirisere masare jimiojucõri ãnare gotiba. <sup>28</sup> Mua ya rujure sãrãre gũibeja mua. Mua ya usijure sãa masimenaji ãna. Diore mua gũija quena. ã ñami mua ya rujure sãacõri mua ya usire jeame ãjuroju cõa masigũ. ãre mua gũija quena, yiquĩ Jesũs guare.

<sup>29</sup> 'Minia jũarãcã waja niyeru cotiacã senirãji ãna. Waja mana ãna ñabojarocati ãna quedi godaja ti masiguĩji mani Jacu. <sup>30</sup> Manire cuni queno tirũnũami Dios. Mani ya rijoga joa co joa ruyabeto cõãa masiguĩji Dios. <sup>31</sup> Ito bajiri tuoãa oca jaibituruja manire. Minia rãtoro ñasarã ña mani Dios ã tija, yiquĩ Jesũs guare.

*“Jesure masigũ ña yu”, mua yi bojobeja quena, Jesũs ã yire gaye*

*(Lc 12.8-9)*

<sup>32</sup> 'Masa tiro riojo, “Jesure tuorũnurã ña gua”, yirãreama yu cuni yu Jacu ũmacũju gagure, “ãna ñama

yu ñarã”, yi masigũ yigũja yu. <sup>33</sup> Ito bajibojarocati masa tiro riojo, “Jesure masibea yu”, ñna yija, yu cuni yu Jacu ãmacũju gagure, “Yu ñarã meje ñama ñna”, yi masigũ yigũja yu, yiquĩ Jesús guare.

Yure mua tuorũnũja ticõri, muare ti junisinirã yirãji, Jesús ã yire gaye

(Lc 12.51-53; 14.26-27)

<sup>34</sup> “Sĩgũre bajiro tuoĩacõri masa ñna queno wanu quenatoni wadiñi Jesús”, yi tuoĩabesa mua. Ñeñaro yi ãmorã yu oca tuomenati junisinirã yirãji masa. <sup>35</sup> Sĩgũ yure ã tuorũnũja ã jacũjua ãre tudigu yiguĩji. Ito yicõri sĩgõ yure iso tuorũnũja iso jacojua isore tudigo yigõji. Ito yicõri sĩgõ yure iso tuorũnũja iso mañicõ isore tudigo yigõji. <sup>36</sup> Ito bajiri sĩgũ yure tuorũnũgũ ã ñajare, ã ñarã ñabojarãti ãre ti tudirã yirãji ñna. Ito yicõri ñna ñarã yirãji ã wajana, yiquĩ Jesús guare.

<sup>37</sup> No ã jacore ã jacure yure rëto busaro maigũ, yu yagu ñado mami ãocũ. No ã macore ã macure yure rëto busaro maigũ yu yagu ñado mami ãocũ. <sup>38</sup> “Jesure yu sũyaja yucutëoju yure jaju sãarã yirãji”, yi tuoĩa gũigu, yu yagu ñado mami ãocũ. <sup>39</sup> No ã catirise maibojaguti godagu yiguĩji. Ito bajibojarocati yure tuorũnũgũ, yu oca ã gotija tuo junisinicõri ñna sãagũama catitĩñare gaye bujagu yiguĩji, yiquĩ Jesús guare.

Dios tu waja bujare gaye

(Mr 9.41)

<sup>40</sup> No muare boca ãmirãti yure cuni boca ãmirã yirãji ñna. Ito yicõri no yure boca ãmirãti yure cõarure cuni boca ãmirã yirãji ñna. <sup>41</sup> No, “Diore goti ãsiri masu ñami”, yi masicõri ãre boca ãmirã Dios tu ã bujado bajiroti waja bujarã yirãji ñna cuni. No, “Queno yigu ñami”, yi masicõri ãre boca ãmirã, Dios tu ã bujado bajiroti waja bujarã yirãji

ĩna cuni. <sup>42</sup> Riti mũare gotia yu. No yure suyarãre ñasarã meje ĩna ñabobarocati ĩnare boca ãmicõri ĩnare ĩna ide ioja, waja bũjarã yirãji ĩnaõna. “Jesure suyagu ñami”, yi masicõri ĩre ĩna boca ãmija, waja bũjarã yirãji ĩnaõna, yiquĩ Jesús guare.

## 11

“Jesure titẽña”, Juan idé guri masu ĩ yi ñucare gaye  
(Lc 7.18-35)

<sup>1</sup> Gua ĩ rãca riasotirã jua gubojeno ñarãre ito bajiro riaso rotiquĩ Jesús. Ito bajiro ĩ goti tĩoja bero iti sita cãtori masare riaso ucurã wacu gua, Jesure suyarã.

<sup>2</sup> Iti rãmũ masare idé guri masu Juan tubiara wijũ ñaĩ. Itojũ ĩ ñaroca Jesús ĩ masare riaso ucure, ito yicõri tiyamani ĩ ĩore gaye oca ejayijũ ĩre. Ito bajiri Jesure ĩna seniĩtoni ĩ rãca riasotirã jũarãre cõañi Juan. <sup>3</sup> Gua tũ ejacõri ado bajiro Jesure seniĩacã ĩna:

—¿Mũti ñati Cristo Dios ĩ cõarũ? Gãji mũ ñajama, ¿gãjijũare bocatirãtite gua? yi seniĩacã ĩna Jesure.

<sup>4</sup> ĩna ito yija tuocõri:

—Wasa, Juan tũ tũdi wasa. ĩ tũ ejacõri mũa tigare, mũa tuogore cuni gotiba ĩre. <sup>5</sup> Ado bajiro ĩre mũa gotire ãmoa yu: “Timena cuni ticoa. Wamena cuni wacoa. Rujũ camĩ jogarã cuni camĩ yatico. Tuomena cuni tuocoama. Godana cuni tũdi caticoama. Ito yicõri bojoro bũjarã cuni Dios oca quenarise gaye tuo, baji ñaĩ ĩna Jesús ĩ masirise ĩ ĩojare”, yi gotiba, Juan tũ mũa ejaja. <sup>6</sup> No yure tuorũnugũ ĩ jidicãbeja wanũ quenagũ yiguĩji, yiquĩ Jesús ĩnare.

<sup>7</sup> ĩna waja bero Juan idé guri masu gaye masare gotisuoquĩ Jesús:

—¿Yucu manojũ warã ñimure tuoĩa wacati mũa? ¿Sĩgũ ãmũgũ mino iti waja, ue rũgõgũre tuoĩa wacatite mũa?

<sup>8</sup> ĩocũre mũa tuoĩa wabeja, ¿ñari masa ya yutabujuri

sãñagũre tuoĩa wacatite mua? “Quenarise yutabu-juri sãñarã ñacã ñna ɯjarã tu ñarã”, yi masia mani. <sup>9</sup> ¿Ñimũjuare tuoĩa wasacati mua? ¿Diore goti ñsiri masure tuoĩa wacatite mua? Riti muare gotia yu. Gãjerã Diore goti ñsiri masa rëtoro ñagũre tiyija mua. <sup>10</sup> Dios oca tutiju Juan idé guri masu gaye ado bajiro gotia:

Mu riojua oca goti yuri masu cõagũ yiguja yu. Ñti ñami mu ejaroto riojua queno yuri masu, yi gotia Dios oca tuti.

<sup>11</sup> Riti muare gotia yu. Nijua gãji masu, masa jeyaro wato Juan idé guri masure bajiro ñasagu maquĩji. Ito bajibojarocati Dios ñ rotiroju ñasarã meje ñabojarocati ñna ejaja Juan rëto busaro ñasari masa ñarã yirãji ñna, yiquĩ Jesús masare.

<sup>12</sup> ‘Cajero Juan ñ riasosurocaju, ito yicõri adi rumuriju cuni jãjarã ñama Dios ñ rotiroju sãja ãmorã. Jãjarã ñabojama ñna ñëñaro yirise jidicãmenati jore sãja ãmbojarã.

<sup>13</sup> Juan ñ ejaroto riojua, “Ñre tuorũnurãre ñ rotiroju miojugu yiguĩji Dios”, yi tuoĩa yurã busiñi Diore goti ñsiri masa. Dios rotirise ucari masu Moisés ñayoru cuni ito bajiroti busiñi. <sup>14</sup> “Diore goti ñsiri masu Elías wame cutigu goaĩogũ yiguĩji”, yi goti yuyjarã ñna. “Juana suoriti goaĩoami ñna tuoĩa yuru”, mua yi tuoĩa quena. <sup>15</sup> “Gãmo goje cutirã tuoia mua”, yiquĩ Jesús masare.

<sup>16</sup> ‘¿Ñena cõiacõri no bajiro bajiatibe adi rumuri gãna masa, yi cõagũtibe yu? Rĩaca cuto gudareco ñna baba rãca aje rujicõri busi rujirãre bajiro bajiamã ñna. <sup>17</sup> “Seru jutia gũa. Ito bajibojarocati borobea mua. Bojori bujare basa gũa sãbojaja otibea mua”, rĩaca yi ajerã robo bajiro bajirã ñama adi rumuri gãna. <sup>18</sup> Ito bajiro ya mua cuni. Mua ãmoro bajiro gãji ñ yibeja, junisia mua. Juan ñ ejaja ticõri, jeyaro ñ babeja, ɯyé ide ñ idibeja ticõri, “Rũmã sãñaru ñami ãni”, yicu mua. <sup>19</sup> Ñ bero ejacu yu, Masa Rĩjoru. Yu baja,



yū idija ticōri, “Jairo bagu ñami ĩ. Ito yicōri idiri masu ñami. Ñeñaro yiri masa baba ñami ãni. Ujaräre yiri waja seni ĩsiri masa baba ñami ĩ”, yicu mua yure. Ito bajiro mua yibojarocati Dios masirise mua tuo masi āmoja, ĩre masiräre ĩna yigore ticōri tuo masirā yirāji mua, yiquĩ Jesús masare.

Cutori gāna riojo cudimena oca  
(Lc 10.13-15)

<sup>20</sup> Ito bajiro ĩ yija bero tiyamani ĩ ĩora cutori gānare tuoĭacōri ĩnare tudisuoquĩ Jesús. Ñeñaro yirisere ĩna jidicābejare ito bajiro ĩnare tudiquĩ Jesús:

<sup>21</sup> —Bujato bujarā yirāji mua Corazín gāna. Bujato bujarā yirāji mua Betsaida gāna cuni. Tiro cuto gāna ito yicōri Sidón cuto gānare cuni muare tiyamani yū ĩocato bajiro ĩnare yū ĩoja iti rumuju ĩna ñeñaro yirisere tuoĭa bojori bujacōri jidicāboana ĩna. “Gua ñeñaro yirise jidicā gua”, yirona yutabuju bojori baju sãñaboana ĩna. Ito yicōri, “Bojori buja gua”, yirona ĩna ya rijogaju oja jeoboana ĩna. <sup>22</sup> Riti muare gotia yū. Ñeñaro yirisere mua jidicābeja, Dios ĩ waja seniri rumu Sidón gāna, Tiro gāna rēto busaro ñeñaro tōbujarā yirāji mua. <sup>23</sup> Mua Capernaum gāna, “Umacuju Dios ĩ ñaroju ejacoana mani”, yi tuoĭaboja mua. Ejamenaji mua. Jubeju godana tuju jeame ũjuroju ejarā yirāji mua. Sodoma gānare tiyamani yū muare ĩocato robo bajiro yū ĩnare ĩoja, ĩna ñeñaro yirisere jidicāboana ĩna. Ito bajiri adi rumuriju cuni ñaboadoja ĩna cuto maji. Tiyamani yū muare ĩbojarocati ñeñaro mua yirise jidicā āmobeja mua. <sup>24</sup> Riti muare gotia yū, Dios ĩ waja seniri rumu Sodoma gāna rēto busaro ñeñaro tōbujarā yirāji mua, yiquĩ Jesús masare.

Yure mua suyaja tujacãre gaye bujarã yirãji mua, Jesús ï yire gaye

(Lc 10.21-22)

<sup>25</sup> Iti rumuri Diore ado bajiro basiquĩ Jesús:

—Cuna, ùmacũju gagu Uju ña mu. Adi tuti gagu cuni Uju ña mu. Mure rúcubuoá yu. Yu riasorise ñasari masa, bato tuo masirãre cuni ña masibitiroca ya mu. Ito yicõri yu riasorise bato ñasari masa meje, bato tuo masimenare cuni ña tuo masiroca ya mu. Ito bajiri mure rúcubuoá yu.

<sup>26</sup> Ito bajiro ya Cuna mu, mu ãmoro robo bajiro yigu, yiquĩ Jesús Diore.

<sup>27</sup> Jeyaro yu yirise, yu ñogorise cuni yu yi masiroca yami yu Jacu. Yu Jacu sigũti yure masiami. Gãjerãma yure masibeama. Yu sigũti yu Jacure ti masia. Gãjerãma ñre ti masimenaji. Ñre masitoni yu gotirã riti yu Jacure masirãji ña. <sup>28</sup> Moare bogarã, rúcure ãmiboja bogarãre bajiro bajirã ña mua yu tija. Ito bajiri yure tuorã waya. Mũare tujacã rotigu yiguja yu. Ito yicõri yure mua tuorũnuja mua tuoia oca seoroca yigu yiguja yu. <sup>29</sup> Yu rotiro robo bajiro cudiya mua. Ito yicõri yu gaye riasoya. Masare ti maigũ ñari seoro mũare rotibicuja yu. Usirioro yigu meje ña yu. Ito bajiri yu rotiro robo bajiro mua cudiya ticõri, mua tujacãroca yigu yiguja yu. Ito yicõri mua ya usiju sajari oca cutiro yiroja mũare. <sup>30</sup> Yu mũare rotirise josari meje ña. Ito bajiri yu gaye mua cudiya bojori bujamenati queno wanu quenarã yirãji mua. Rúcubiti ùmarã bajiro wanu quenarã yirãji mua, yiquĩ Jesús masare.

## 12

*Jesús rãca riasotirã trigo ajeri beja ãmicõri ña bare gaye*  
(Mr 2.23-28; Lc 6.1-5)

<sup>1</sup> Iti rumuri tujacãra rumu ñaroca ote wato wacu gua Jesús rãca. Gua í rãca riasotirã ñiocõcu. Ito bajiri trigo

ajeri beja ãmicõri bacu gua. <sup>2</sup> Iti gua baja ticõri, fariseo gaye tũoĩarã ado bajiro yicã Jesure:

—Tite. Mu rãca riasotirã tujacãra rumu moare gaye mejeti moama ãna, yicã ãna Jesure.

<sup>3</sup> Ito bajiro ãna yija tuocõri, ado bajiro cudiquĩ Jesús:

—Co rumu David ñayoru ĩ rãca gãna ñiocõ wana ãna yigore, ¿Dios oca tuti tiĩabiticati mua? <sup>4</sup> Ñiocõ wana ñari Dios ya wiju sãjacõri, ĩre rucubũorã gãjerã ãna cũre naju bayjarã ãna. Paia mesa riti ãna baroti ñabojayiju iti. David mesa ãna baroti meje ñabojayiju. <sup>5</sup> “Paia mesa tujacãra rumu Dios ya wiju ãna tujacãbeja ñeñaro yirã meje yiana ãna”, yi Moisés ñayoru ĩ ucare gaye, ¿tiĩabiticati mua? <sup>6</sup> Riti muare gotia yu. Dios ya wi rẽto busaro ñasagu ña yu. <sup>7</sup> Dios oca tuti gaye queno tũoĩa masibea mua. Ado bajiro gotia iti: “Masa gãjerãre queno ti maija quena yure. No yibea ecaru sãcõri yure ãna soe ĩsija”, yi gotia Dios oca. Itire mua tũoĩa masija, gãjerãre ti maicõri, “Īnare seti ña”, yibitiboana mua. <sup>8</sup> Masa Rĩjoru, Dios ĩ cũru ña yu. Ito bajiri tujacãra rumu gaye yu rotiroti cuni cũquĩ Dios yure, yiquĩ Jesús masare.

*Ãmo digaru*re Jesús ĩ yisiore gaye

(*Mr 3.1-6; Lc 6.6-11*)

<sup>9</sup> Ito yija bero judio masa minijuari wiju wacõri sãjacu gua Jesús rãca. <sup>10</sup> Iti wiju ñaquĩ sũgũ co duja ãmo digaru. “Jesure seti ña”, yirona fariseo gaye tũoĩarã ado bajiro Jesure seniãcã ãna:

—¿Moisés ñayoru rẽobisijari tujacãra rumu cõrãre yisiore gaye? yi seniãcã ãna Jesure.

<sup>11</sup> ãna ito yija tuocõri:

—¿Sũgũ mua ya ecaru ĩ rujaraju ĩ quedi roaja ãmirã wamenajida mua? Tujacãra rumu ñabojarocati mua ya ecaru ĩ quedi roaja ĩre ãmirã warãji mua. <sup>12</sup> Ecaru rẽto busaro ñasagu ñami masu. Ito bajiri tujacãra rumure

cuni gājire mani ejabuaja quena, yiquĩ Jesús fariseo gaye tñoĩarãre.

<sup>13</sup> Ito yija ãmo digagure ado bajiro yiquĩ Jesús:

—Mu ya ãmo ñujoya ïja.

Ï ñucõarocati jajacoacu ïja, gaje duja ricare bajiroti.

<sup>14</sup> Ito ï yija ticõri, budi wacã fariseo gaye tñoĩarã. “¿No bajiro yicõri Jesure sĩarujati mani?” yi tñoĩa busiri seyocã ñna.

*Ado bajiro ñagũ* yiguĩji Jesús, yi tñoĩa yure gaye

<sup>15</sup> Ito bajiro ñna tñoĩaja, tuo masicõri gajerojua waquĩ Jesús mucana. Gua cuni ï rãca wacu. Jesús ï waja ticõri, jãjarã masa suya wacã gua rãca. Ito ï waroju ñajediro masa cõrãre yisioquĩ Jesús. <sup>16</sup> Ito yicõri, “Ñniti guare yisioquĩ”, yibeja mua, yiquĩ ï ñnare. <sup>17</sup> Isaías ñayoru Diore goti ïsiri masu ï goticãdo bajiroti rãtacu iti. Ado bajiro goti ucayoñi Isaías ñayoru:

<sup>18</sup> Ñni ñami yure moa ïsiri masu yure cudigu. Ìre besecu yu. Ìre maia yu, ito yicõri Ìre wanua yu. Yu ya usi Ìre queo sãgũ yiguja yu. “Masa ñna ñeñaro yirise waja senigũ yiguĩji Dios”, yi masare goti batogu yiguĩji ï.

<sup>19</sup> Masare oca josabicu yiguĩji ï. Ito yicõri masare ma gudareco eja rũgũcõri awasã gotibicu yiguĩji ï.

<sup>20</sup> Yure queno tuorũnusamenare cuni ñnare cõabicu yiguĩji. Yure queno tuorũnusamenare ñnare ejabuagu yiguĩji ï, yure ñna queno tuorũnũtoni. Ito bajiro ñagũ yiguĩji ï, masa jeyarore yu ti beseri rũmũ iti ejarocaju.

<sup>21</sup> “Ïti ñami masare masorocu Dios ï cõaru”, yi tñoĩa wanu yurã yirãji masa jeyaro, yi gotia Dios oca tuti, yiquĩ Jesús fariseo gaye tñoĩarãre.

Rūmúa ɯɟu rotirise boca āmicōri yami Jesús, ĩna yire gaye

(Mr 3.20-30; Lc 11.14-23; 12.10)

<sup>22</sup> Ito yija bero sīgũre Jesús tu āmi ejacā ĩna. Ī ñaquĩ tibicu, busibicu cuni. Rūmú sãñagũ ñari ito bajiro ñabojarquĩ ĩ. Īre yisioquĩ Jesús. Ito bajiri tibicu ñabojaru tiquĩ ĩja. Ito yicōri busibicu ñabojaru busicoaquĩ ĩja. <sup>23</sup> Itire ticōri masa jeyaro ɯcacā:

—¿David ñayoru janerābatia janamiti ñati āni? yi tuoĩacā masa.

<sup>24</sup> Ito bajiro masa ĩna yija tuoōri, ado bajiro yicā fariseo gaye tuoĩarā:

—Rūmúare ĩ bucōaja rūmúa ɯɟu Beelzebú wame cutigu ĩ masirisena rūmúare bucōami ĩ, yicā ĩna.

<sup>25</sup> Ito bajiro ĩna yi tuoĩarise ti masicōri ado bajiro yiquĩ Jesús ĩnare:

—Cutori gāna ɯjarā gāmeri ĩna junisinija queno cuto ña rujeabetoja. Co cuto gāna, co wi gāna cuni ĩna gāmeri junisinija, queno ña masimenaji ĩna. <sup>26</sup> Ito bajiroti rūmúa ɯɟu rūmúare ĩ bucōaja queno ña masibiquĩji ĩ. Ito bajiro ĩ yija queno roti masibiquĩji ĩja. <sup>27</sup> “Beelzebú wame cutigu ĩ ejabuarisena rūmúare bucōami ĩ”, yiboja mua yure. Ito bajiro mua yure yi tuoĩabojaja, “Rūmú ĩ ejabuarise rāca bucōama gua rāca gāna”, yirāre bajiro ya mua. “Tuoĩa wisarā ya gua”, yi tuoĩarɯja muare. <sup>28</sup> Rūmúre yu bucōaja Espiritu Santona suoriti bucōa yu. Ito bajiro yu yija, “Diore tuorūnurāre ĩ miojuri rumu eja waju ĩja”, yi masirā yirāji mua, yiquĩ Jesús ĩnare.

<sup>29</sup> Sīgũ gāji sēogũ ya wi sājacōri ĩre siabicuti gajeoni ĩma masibiquĩji ĩ. Īre ĩ siaja beroɟu gajeoni ĩma masiguĩji ĩ. Rūmúa ɯɟu rētoro masigũ ña yu. Ito bajiri rūmúare bucōa yu, yiquĩ Jesús fariseo gaye tuoĩarāre.

<sup>30</sup> ʼYɯ robo bajiro tʼoĩamena yure tʼo terã ñama ñaõna. Yure ejabuabicu yure ñeñaro yami ñocũ, yiquĩ Jesús ñinare.

<sup>31</sup> ʼRiti muare gotia yɯ. Masa ña ñeñaro yija, ito yicõri ñeñaro ña busija cuni, ñinare ãcabojo masiguĩji Dios. Espiritu Santore ña busituja, itireama ñinare ãcabojo masibiquĩji Dios. <sup>32</sup> Yɯ ña Masa Rĩjorɯ. No yure ñ busituja, ñocũre ãcabojo masiguĩji Dios. Ito bajibojarocati, no Espiritu Santore ñ busituja itireama ñre ãcabojo masibicu yiguĩji Dios. Adi tutire ãmacãjɯ Dios ñ ñarojɯ cuni ãcabojo masibicu yiguĩji Dios, Espiritu Santore masa ña busituja, yiquĩ Jesús fariseo gaye tʼoĩarãre.

*Ricana* suoriti yucugure ti masia mani, yi Jesús ñ riasore gaye

(Lc 6.43-45)

<sup>33</sup> ʼYucugɯ quenaricu iti ñaja, quenarise rica cutiro yiroja. Yucugɯ ñeñaricu iti ñaja, ñeñarise rica cutiroja. Ricajɯ ticõri, “Adigu ña quenarise rica cutiricu, adigu ña ñeñarise rica cutiricu”, yi ti masia mani. <sup>34</sup> Ñeñaro busirã mua ñajare ãña juniro bajiro baja mua ya rise. Ñeñaro riti yirã ñari quenarise busi masimenaji mua. Mani ya usi iti tʼoĩaro bajiroti busia mani. <sup>35</sup> Sĩgũ queno yigu quenarise busigu yiguĩji, ñ ya usi iti tʼoĩaro bajiroti. Ito yicõri ñeñaro yigɯ, ñ ya usi ñeñaro iti tʼoĩaro bajiroti ñeñarise busigu yiguĩji ñ. <sup>36</sup> Riti muare gotia yɯ. Dios ñ waja seniri rumu rocati mani busiado bajiroti manire waja senigũ yiguĩji. <sup>37</sup> Mani busi wado bajiroti waja senigũ yiguĩji Dios. Queno yirã mani ñaja, “Queno yirã ñama ña”, yigu yiguĩji Dios manire. Ito yicõri ñeñaro yirãreama, “Seti cutirã ñama”, yigu yiguĩji Dios, yiquĩ Jesús fariseo gaye tʼoĩarãre.

*Tiyamani* mu ñore ãmoa gɯ, yi ña senire gaye

(Mr 8.12; Lc 11.29-32)

<sup>38</sup> Ito ñ yija bero, ado bajiro seniãcã fariseo gaye tʼoĩarã, ito yicõri judio masa rotirise riasori masa cuni:

—Riasori masu, tiyamani mu ïore ãmoa gua, yicã ïna Jesure.

<sup>39</sup> Ito yija ado bajiro ïnare cãdiquĩ Jesús:

—Ñeñaro yirã ito yicõri yure tuorũnumena cuni, tiyamani yu ïore ãmoama ïna. Ito ïna yibojarocati ïnare ïoado ma yu. Jonás ñayoru Diore goti ïsiri masu ïre rêtare gaye riti ïnare goticuja yu. <sup>40</sup> Ado bajiro rêtayiju Jonásre: Udia rumu, udia ñami wai jaigu totiju ñabojayiju. Ito bajiroti yu cuni Masa Rïjoru ñami udia ñami ãmua udia rumu ñagũ yiguja yu sita watoju. <sup>41</sup> Nínive cuto ñayoana Dios ï waja seniri rumu mucana tãdi catirã yirãji. Tãdi caticõri, “Muare seti ña”, yirã yirãji adi rumuri gãnare. Nínive cuto gãna ñayoana Jonás ñayoru Dios oca ï gotija tuocõri, ñeñaro ïna yirisere jidicãyijarã ïna. Ito yicõri mama usi wasoayijarã ïna. Jonás ñayorure ïna tuorũnũjare, tãdi caticõri, “Muare seti ña”, yirã yirãji ïna adi rumuri gãnare. Yu ado mua rãca ñagũ Jonás ñayoru rëto busaro ñasagu ña yu. Ito bajibojarocati yure tuorũnũbea mua. <sup>42</sup> Rocaju gago ujo ñayoro Dios ï waja seniri rumu mucana tãdi caticõgo yigõji iso. Mucana tãdi caticõri adi rumuri gãnare, “Muare seti ña”, yigo yigõji iso. “Salomón queno masigũ ñayiju”, yija tuocõri, sõju gago wadicõri ï tu ejayijo iso. Ito bajiri adi rumuri gãnare, “Muare seti ña”, yigo yigõji iso. Yu ado mua rãca ñagũ Salomón rëto busaro ñasagu ña yu. Ito bajibojarocati yure tuorũnũbea mua, yiquĩ Jesús fariseo gaye tuoïarãre.

*Masure budigocõri mucana tãdi rãmú ï sãjare gaye*

*(Lc 11.24-26)*

<sup>43</sup> Rãmú sigũre ï budija, ide manojũ tuja ãmogũ ãma ucuguĩji. ï bujabeja ado bajiro tuoïagũ yiguĩji: <sup>44</sup> “Yu budigoadojũ tãdi waruja yure”, yi tuoïaguĩji. ï budigorure mucana tãdi ï ejaja, queno wi ueri mani wi, queno carari wi robo bajiro ti ejagu yiguĩji. <sup>45</sup> Ito bajiro ïre ti ejacõri

juã ãmojeno rũmúa ĩ rêto busaro ñeñaro yirãre ãmi ejaɣu yiguĩji ĩ. Ito yicõri ĩna ñarocõti ãmugũre sãjarã yirãji ĩna. Ito bajiro ĩna sãjajare buto busa ñeñaro yigu ñagũ yiguĩji ãmugũ ĩja. Ito bajiroti rêtaro yiroja adi rumuri gãna ñeñaro yirãre cuni, yiquĩ Jesús fariseo gaye tuoĩarãre.

*Jesús ĩ ñarã ado bajiro bajiana, yire gaye*

*(Mr 3.31-35; Lc 8.19-21)*

<sup>46</sup> Jesús masare ĩ busiroca riti ĩ jaco ĩ ocabaji mesa rãca macũju eja rũgũcã ĩna. Jesure busirona ĩre ji bucõabojacã ĩna. <sup>47</sup> Sĩgũ ĩre jigũ ado bajiro yiquĩ ĩ Jesure:

—Mũ jaco, mũ ocabaji mesa rãca ado macũju ñama. Mũ rãca busi ãmoama ĩna, yiquĩ ĩ Jesure.

<sup>48</sup> Ito ĩ yijare ado bajiro cãdiquĩ Jesús:

—¿Ñimo ñati yũ jaco, ito yicõri noa ñati yũ ocabajirã? yiquĩ Jesús ĩre.

<sup>49</sup> Ito yija gũã ĩ rãca riasotirãre ticõri:

—Ãna ñama yũ ñarã, ito yicõri yũ jacore bajiro bajirã.

<sup>50</sup> Noa yũ Jacũ ãmacũju gagũ ĩ rotiro bajiro yirã, ĩna ñama yũ ocabajirãre bajiro bajirã, ito yicõri yũ jacore bajiro bajirã, yiquĩ Jesús ĩre.

## 13

*Oteri masũ gaye Jesús ĩ goti masiore oca gaye*

*(Mr 4.1-9; Lc 8.4-8)*

<sup>1</sup> Iti rumuti wire budi wacõri, itajura tunima rujicu gũã Jesús rãca. Ito bajiro yicõri masare riasoquĩ Jesús. <sup>2</sup> Masa jãjarã busa ĩna minijua wadija ticõri, cumajũ sãjacõri rujiquĩ Jesús. Masa minijuacãna jajujũ riti tujacã ĩna. <sup>3</sup> Ito yija goti masiore ocana masare riasoquĩ Jesús.

Ado bajiro riasoquĩ ĩ:

—Sĩgũ wesecajũ ĩ ya ote ajeri otegu wayiju ĩ. <sup>4</sup> Weseca ejacõri iti ajerire ĩ wẽjabateroca, gaje ajeri majũ quedi queayiju. Ito bajiri minia ejacõri itire ba batecõyijarã.



<sup>5-6</sup> Ito yicōri gaje ajeri gūta watojū quedi queayijū. Queno sita mañijū. Ito bajiri judiboja, yoari mejeti siniacoayijū iti ūmacañi jeana, sita jōrecōri. Ito yicōri ñemari iti manijare siniacoayijū iti. <sup>7</sup> Ito yicōri gaje ajeri jota watojū quedi yijū. Ito bajiri jota mari itire ðurea śiacōyijū. <sup>8</sup> Gaje ajeriana sita quenaro quedi queayijū. Iti judi mūjacōri queno rica cutiyijū. Coria sarari cien ñari ajeri rica cutiyijū. Gaje sarari setenta ñaricari, gaje sarari treinta ñaricari rica cutiyijū. <sup>9</sup> Mua gāmo goje cutija, yu busirisere tuo masiña mua, yiqui Jesús masare.

*¿No yija goti masiore ocana masare riasoati mu? ñna yi seniñare gaye*

*(Mr 4.10-12; Lc 8.9-10)*

<sup>10</sup> Ito bajiro Jesús i yija tuocōri, ado bajiro seniñacu gua i rāca riasotirā:

—¿No yija goti masiore ocana masare riasoati mu? yicu gua ire.

<sup>11</sup> Ado bajiro guare cudiqui i:

—“Ïre tuorñnarāre i rotirojū miojugū yiguñi Dios”, yi gājerā ñna tuoñabitire mua masiroca yami i. Gājerāreama ñna masiroca yibeami Dios. <sup>12</sup> No ñre tuorñnugūre jai busaro tuo masire gaye jidicāgū yiguñi Dios ñre. Ito bajiri jai busaro masigū yiguñi i. No ñre tuorñnubicure jabetacā i tuoñabojarisere emacōgū yiguñi Dios ñre. Ito bajiri ñe tuoñare mano tujagu yiguñi i. <sup>13</sup> Ito bajiri masare tuo masire ocana ñnare riasoa yu. Tibojarāti timenare bajiro ñama ñna. Ito yicōri tuobojarāti tuomenare bajiro ñama ñna. Ito bajiri Dios ocare tuobojarāti, “Ito bajiro yireoni ñaroja iti”, yi tuoñ masibeama ñna. <sup>14</sup> Ito bajiro ñna bajija Diore goti ñsiri masu Isaías ñayoru i gotiado bajiroti rēta. Dios oca gotigu ado bajiro ucayoñi Isaías ñayoru: Yure tuobojarāti itire tuo masimena yirāji mua. Tibojarāti, “Ito bajia”, yi masimena yirāji mua.

<sup>15</sup> Adocãta gãna yu tuoïaro bajiro ñna ya usina yure tuoïa ãmobeama ñna. Tuobojarãti ñeñaro tuo godo we-orãji. Ito yicõri tibojarãti bibicãna bajiro bajiamã ñna. Yu ñobojarise ti ãmobeama. Ñna ya gãmo gojena tuo ãmobeama ñna. Ñna ya usina tuo masi ãmobeama ñna. Ito yicõri yure yisio rotirã ejamena yirãji ñna, yi gotiami Dios, yi ucayoñi Isaías ñayoru, yiquí Jesús guare.

<sup>16</sup> 'Queno wanurã ña mua. Yure ticõri ti masia mua. Ito yicõri yure tuocõri tuo masia mua. <sup>17</sup> Riti muare gotia yu. Jãjarã Diore goti ñsiri masa ñayoana, queno yirã ñagoana cuni mua tirisere ti ãmobjayijarã ñna. Ito bajibojarocati tibisijarã ñna. Mua tuorise cuni tuo ãmobjayijarã. Ito bajibojarocati itire tuobisijarã ñna, yiquí Jesús guare.

*Ado bajiro baja oteri masu ye, yi Jesús ñ goti quenore gaye*

*(Mr 4.13-20; Lc 8.11-15)*

<sup>18</sup> "Oteri masu sīgũ ado bajiro bajiyijũ", yirocu muare gotibu yu. Ito bajiri adocãta muare goti rëtobugũ ya yu, mua queno tuo masitoni. Queno tuo ya mua. <sup>19</sup> "Ñre tuorũnrãre ñ rotiroju miojugũ yiguñi Dios", yire gaye oca tuobojarãti, itire queno tuo masimenaji gãjerã. Ñna ñama ñ otegu waroca majũ quedira ajeri robo bajiro bajirã. Dios oca tuobojarocati ñna ãcabojaroca yami rũmũ. <sup>20</sup> Coriarã Dios oca tuocõri queno wanure rãca boca ãmibojarãti yoari mejeti jidicãrãji ñnaõna. Ñna ñama gũta watoju sita jõreroacã quedira ajeri robo bajiro bajirã. <sup>21</sup> Queno Dios oca tuo ñiabiticõri, yoari mejeti jidicãrã yirãji ñna. "Dios ocare yu tuorũnũja ticõri, yu tõbũjaroca yama gãjerã. ¿No yija Dios ocare tuorũnuatibe yu?" yi tuoïa bojori bũjarã yirãji ñna. Ito bajiri ñ ocare jidicãrã yirãji ñna. <sup>22</sup> Gãjerãma Dios oca tuo ñiabojarãti bũto adi sita gaye tuoïa usirioama ñnaõna. Ñna ñama jota wato quedira ajeri robo bajiro

bajirã. Buto gajeonire tuoña ãmosacõri queno Dios ocare tuo suyabeama ãnaõna. Ito bajiri Dios ã ãmoro bajiro queno yi masimena yirãji ãna, ito yicõri ãre queno moa ãsimenaji ãna. <sup>23</sup> Gãjerãma Dios oca tuoõcõri queno tuo ñiarã yirãji. ãna ñama sita quenariseju quedira ajeri robo bajiro bajirã. Ito bajiri Dios ã ãmoro bajiro yirã yirãji ãna. ãna ñarã yirãji cien rica cutiri sara robo bajiro bajirã. Ito yicõri gãjerã sesenta rica cutiri sara robo bajiro bajirã, gãjerãma treinta rica cutiri sara robo bajiro bajirã yirãji ãna, yiquĩ Jesús guare.

*Ote quenarise wato ta widirise judire oca*

<sup>24</sup> Mucana gaje goti masiore ocana masare gotiquĩ Jesús:

—“ãre tuoõnũmenare ruyuriogu yiguĩji Dios. ãre tuoõnũrãre riti ã rotiroju miojugu yiguĩji”, yirocu goti masiore ocana masare gotiquĩ Jesús: “ãre tuoõnũrãre ã rotiroju miojugu yiguĩji Dios”, yire oca masare mani riasoja, ado bajiro bajia iti. Tuote mua. Sĩgũ ã ya wesecaju ã ya ote ajeri quenarise oteyiju. <sup>25</sup> ã oteja bero ã caniroca ã ya weseca ejacõri ta widirise oteyiju ã wajacu. Ito yicõri wacoayiju ã. <sup>26</sup> Ito bajiri ote bucua mua wato ta widirise cani goayiju. <sup>27</sup> Ito bajija ticõri, ã ya moari masa ãre gotirã wayijarã. ã tu ejacõri ado bajiro yiyijarã ãna: “¿Gua uju ote quenarise riti otebojacati mu? ¿No yija ito bajibojarocati ta widirise wusari?” yiyijarã ãna ujure. <sup>28</sup> Ito ãna yijare: “Sĩgũ yu wajacu oteru”, yiyiju ã ãnare. Ito ã yijare: “¿Adocãta ta widirise gua wãjagore ãmoati mu?” yi seniãyijarã ãna ujure. <sup>29</sup> “Wãjabeja. Mua wãjaja, ote rãcati wãjarã yirãji mua. <sup>30</sup> Adocãta ote rãca cocati bucucacõjaro maji. Iti rica cutiroca muare wãja roticuja yu maji. Ito yicõri itire soeja quenaroja. Ito bero rica ãmicõri rica cãadoju muare seo roticuja yu”, yiyiju oteri masu ã ya moari masare, yi riasoquĩ Jesús masare.

*Ado bajiro baja mostaza ajeri, yi Jesús ï riasore gaye*

*(Mr 4.30-32; Lc 13.18-19)*

<sup>31</sup> Mũcana gaje goti masiore ocana ado bajiro masare gotiquĩ Jesús:

—“Ïre tuorũnrãre ï rotiroju miojugu yiguĩji Dios”, yire oca masare mani riasoja, ado bajiro baja iti. Tuote mua. Sĩgũ ï ya weseca mostaza ajeri oteyiju. <sup>32</sup> Gaje ote ajeri rëtoro mũtacã busa ña iti mostaza ajeri. Ito bajiro mũtacã ñabojaroti bũcua wato gaje ote yucuri rëto busaro jajocu ñaroja itigu. Jajocu itigu ñajare itigu rujuuriju minia jibu menirãji ñna. Itire bajiroti Dios mani Hju ï ñaja, gãjerãre goti ãmorãji mani, jãjarã busa ïre masirã ñna ñatoni, yi riasoquĩ Jesús masare.

*Ado bajiro baja naju wadarise uco, yi Jesús ï riasore gaye*

*(Lc 13.20-21)*

<sup>33</sup> Mũcana gaje ado bajiro goti masiore ocana riasoquĩ Jesús:

—“Ïre tuorũnrãre ï rotiroju miojugu yiguĩji Dios”, yire oca masare mani riasoja, ado bajiro baja iti. Tuote mua. Romio pan menigõ waco udia coacõ pan menire gaye ãmiyijo iso. Ito yicõri wadarise uco wũoyijo iso. Ito bajiri iso wũoja jairo wadayiju iti. Itire bajiroti bajiro yiroja, “Ïre tuorũnrãre ï rotiroju miojugu yiguĩji Dios”, masare mani yi riaso ucuja. Ito bajiri jãjarã busa ïre tuorũnu warã yirãji ïja, yi riasoquĩ Jesús masare.

*Goti masiore ocana Jesús ï riasore gaye*

*(Mr 4.33-34)*

<sup>34</sup> Masare riasogu goti masiore ocana riti ñnare riasoquĩ Jesús. <sup>35</sup> Ito bajiro masare ï riasoja Diore goti ïsiri masu ï goticãdo bajiroti rëtacu. Ado bajiro gotiyoñi ï:

Goti masiore ocana riti masare gotigu yiguĩji ï. Ito yicõri adi macãrucũro rujeoroto riojua gaye masa ñna

masibitire gotigu yiguñji, yi ucañi Diore goti ñsiri masu ñayoru yare tuoña yugu, yiquñ Jesús masare.

*Ote quenarise wato ta widirise judire oca, Jesús ñ goti quenore gaye*

<sup>36</sup> Ito bajiro masare yi goti tñocõri, “Waju”, yiquñ Jesús. Ito bajiro yicõri wiju maja ejacõri sãja waquñ Jesús. Wiju sãja ejacõri ado bajiro seniãacu gua ñ rãca riasotirã:

—Ta widirise gaye mu goti quenore ãmoa gua, yicu gua Jesure.

<sup>37</sup> Ito bajiro gua yija, ado bajiro guare gotiquñ Jesús:

—Ote quenarise otegu yuti ña Masa Rĩjoru. <sup>38</sup> Ñ otero ñ ya weseca bajiro bajia ado mani ñarõju. Ote quenarisere bajiro bajirã ñama masa Diore tuorũnurã. Ta ñeñarisere bajiro bajirã ñama masa rũmũ ñarã. <sup>39</sup> Ta widirise ote rudiru ñti ñami rũmũ. Ote bucuariju ñna ãmireoniti ñna adi macãrucũro iti jediriju. Ote bucuaroca miorãõnati ñama ángel mesa. <sup>40</sup> Ta widirise ãmicõri ñna soeado bajiro bajia macãrucũro iti jediriju. <sup>41</sup> Yu ña Masa Rĩjoru. Ángel mesare cõagũ yiguja yu, ñajediro ñeñarisere ñna besecõtoni. Ñeñaro yirãre cuni besecõrã yirãji ñna, Dios ñ rotiroju ñna ejabe yirona. <sup>42</sup> Ñnare besecõri jeame ãjuroju ñnare cõarã yirãji ñna. Ito jeame ãjuroju ejacõri ñeñaro tõbujarã yirãji. Ito bajiri oticõri buto tuoña oca jairã yirãji ñna. <sup>43</sup> Dios ñ rotiro bajiro yirã mani Jacu ñ rotiroju ejacõri, ãmacañi busuro bajiro busu ñarã yirãji ñna. Mua gãmo goje cutija, yu busirisere tuo masiña mua, yiquñ Jesús guare.

*Dios ñ rotiroju mua eja ãmoja ado bajiro tuoñaja quena, yi Jesús ñ riasore gaye*

<sup>44</sup> “Dios ñ rotiroju mua eja ãmoja, ñeñaro yirise jidicãcõri ñre riti tuorũnurã yirãji mua”, yirocu ado bajiro riasoquñ Jesús guare: Sĩgũ gãji ye buto waja cutirise sita

watoju ĩ yeyobojare bujayiju. Itire bujacōri m̄cana itijuti t̄adi yeyocū remoyiju ĩ. Ito bajiri itire wanugū, ĩ gajeoni cutirise ñarocōti gājerāre ĩsi jeocōyiju ĩ niyeru bujarocu. Iti niyeru bujacōri iti sita ujure waja yirocu yiyiju ĩ. “Sita bujacōri sita wato yeyore c̄uni bujagu yiguja yu”, yirocu iti sita ujure waja yiyiju ĩ. Dios gaye quenarise mua buja āmosaja, ĩre riti tuorūnurā yirāji mua, yi riasoquĩ Jesús guare.

*Dios ye quenarise mua* āmoja ĩre riti tuorūnu suyaja quena, yi Jesús ĩ riasore gaye

<sup>45</sup> “Dios ĩ rotiroju mua eja āmoja, ñeñaro yirise jidicācōri ĩre riti tuorūnurā yirāji mua”, yirocu ado bajiro riasoquĩ Jesús guare: Sīgū ñaque buto waja cutirisere āmagū ñayiju. Iti ñaque perla wame cutirise ñayiju. <sup>46</sup> Iti ñaquere buto āmoyiju ĩ. Ito bajiri, ĩ gajeoni cutirise ñarocōti ĩsi jeocōyiju ĩ, gājerāre niyeru bujarocu. Ito yicōri iti ñaquere āmosacōri waja yirocu yiyiju ĩ. Dios gaye quenarise mua buja āmoja, ĩre riti tuorūnu suyaja quena, yi riasoquĩ Jesús guare.

*Wai quenarāre ado bajiro beseama wai jori masa, yi Jesús ĩ gotire gaye*

<sup>47</sup> “Ado bajiro bajia Dios rotiroju ĩre tuorūnurāre ĩ miojuri rumu”, yirocu guare riasoquĩ Jesús: Gājerā wai wayari masa yorigu cōacōri wai jeyarore āmiyijarā ĩna. <sup>48</sup> Jājarā wai bujacōri jajuju ĩnare mocūyijarā ĩna. Jajuju ĩnare mocūcōri ĩnare beseyijarā ĩna. Quenarāre jibuju miosāyijarā ĩna. Gājerā ñeñarāreama cōa roacōyijarā ĩna. <sup>49</sup> Ito bajiroti bajiro yiroja macārucūro iti jediri rumu. Ángel mesa quenarāre beserā yirāji ĩna. <sup>50</sup> Besecōri ñeñarāreama jeame ũjuroju cōarā yirāji ĩna. Ito jeame ũjuroju ejacōri ñeñaro tōbujarā yirāji. Ito bajiri buto tuoia oticōri oca jairā yirāji ĩna, yiquĩ Jesús guare.

## SAN MATEO 13:51 55 SAN MATEO 13:57

Bucú oca, mame oca Dios gaye bese masirã ña mua, yi Jesús ï riasore gaye

<sup>51</sup> Ito yija ado bajiro seniñaquĩ Jesús guare:

—¿Iti jeyaro muare yu gotirise tuo masicuati mua? yiquĩ Jesús.

—Tuo masia, yicu gua ñre.

<sup>52</sup> Gua ito bajiro yija, ado bajiro cudiquĩ ï guare:

—Mua coriarã iti rumuju maji, bucúrã oca riasori masa ñayijarã. Adocãtama yu rãca riasotirã ña mua. “Ñre tuorũnũrãre ï rotiroju miojugu yiguĩji Dios”, yire oca yu rãca riasoticõri juaji masire gaye ña muare. Dios oca, bucú mua tuogore cuni ña muare. Bucú oca, Dios oca mame cuni masia mua. Ito bajiri gajeoni seoraju bucú gaye mame gaye cuni bese masirã bajiro bajirã ña mua, yiquĩ Jesús guare.

*Nazaretju* Jesús ï ware gaye

(*Mr 6.1-6; Lc 4.16-30*)

<sup>53</sup> Ito bajiro guare goti masiore ocana ï gotija bero Jesús rãca wacu gua mucana. <sup>54</sup> Wacõri ï ya sita ejacu gua. Minijuara wiju ejacõri masare riasoquĩ Jesús. Queno ï riasoja tuocõri, ucacã masa. Ñre tuocõri ado bajiro yicã ña:

—¿Iti ï riasorise noju riasotiyijaribe ñani? ¿Ito yicõri no bajiro tiyamani gaye ñoati? <sup>55</sup> Adi sita gagu cumu jã moari masu macu ñami ñani. Ito yicõri María macuti ñami ñani. Santiago, José, Simón, Judas rĩjoruti ñami ñani. <sup>56</sup> Ito yicõri ï ñarã romia ado mani wato ñama ña. ¿No bajiro iti gaye masiati ñani? yicã ña ï ya cuto gãna.

<sup>57</sup> Ña ya sita gaguti ï ñajare queno ñre tuorũnũbiticã ña. Ado bajiro ñnare gotiquĩ Jesús:

—Dios oca goti ñsiri masure rucubũorã yirãji masa. Ito bajibojarocati ï ya sita gãna, ï ya wi gãna cuni ñre rucubũomena yirãji, yiquĩ Jesús masare.

<sup>58</sup> Ī ya sita gāna ĩre ĩna queno tuorũnũbejare, jaje tiyamani ĩo jeobitiquĩ iti cutore.

## 14

*Juan idé guri masu* ĩ godare gaye

(Mr 6.14-29; Lc 9.7-9)

<sup>1</sup> Iti rumuriti Galilea gagu uju, Herodes wame cutigu Jesús gaye oca tuoyiju. <sup>2</sup> Ī rāca ñarāre ado bajiro yiyiju Herodes, Jesure tuoĩa wacu:

—Juan idé guri masuti ñaguĩji macana. Godabojaguti tãdi catiguĩji. Ito bajiri tiyamani gaye ĩoguĩji ĩ, yi tuoĩabojayiju Herodes.

<sup>3-4</sup> Ī Herodes ĩ ocabaji Felipe manojore ĩmayiju. Iso ñayijo Herodías wame cutigo. Ado bajiro yiyiju Juan Herodesre:

—Isore manajo cutibitiruja mure, yibojayiju Juan Herodesre. ĩre tuo amobisiju ĩ. Ito bajiri Juanre tubia rotiyiju Herodes. Ito yicõri come misina ĩre sia rotiyiju ĩ.

<sup>5</sup> Juanre sĩa amobojayiju Herodes. “Diore goti ĩsiri masu ñami Juan”, masa ĩna yi rãcubũoja tuocõri, güiyiju ĩ. Ito bajiri Juanre sĩa rotibisiju Herodes. <sup>6</sup> Herodes ĩ joeara rodo gāni bia ejayiju. Ito bajiri masare oca cõayiju ĩ, ĩna basa titoni. Iti rumu rujarumu Herodías maco masa riojo basayijo. Iso basaja ticõri, buto wanuyiju Herodes. <sup>7</sup> Ito bajiri: “No amõrise mu senija, yiro roboti mure jidicãcujaju”, yiyiju Herodes isore. <sup>8</sup> Ito bajiro ĩ yija tuocõri, “¿No bajiro amõati cana mu?” yigo wayijo iso jacore. Jaco iso gotija tuocõri, ado bajiro yiyijo iso Herodesre:

—Juan idé guri masu ya rijoga jatacõri somotẽroju jeocõri ĩsiña yure, yiyijo iso Herodesre.

<sup>9</sup> Ito bajiro iso yija tuocõri, bojori bujayiju Herodes. Masa ĩna tuoro riojo, “Yiro bajiroti mure ĩsicujaju u”, ĩ yire



ñajare, ito bajiroti rotiyijũ ã ya moari masare. <sup>10</sup> “Tubiara wijũ Juanre rijoga jata ãmitẽña”, yiyijũ Herodes ã ya moari masare. <sup>11</sup> Ñ ya rijoga jata ãmicõri somotẽrojũ jeocõri mamore ãsiyijarã ãna. Ito yicõri isoju jacore rẽto ãsiyijo ãja.

<sup>12</sup> Iti oca tũocõri Juan rãca riasotiana masa ejayijarã. Ito yicõri ã ya rujũ ãmi wacõri yujeyijarã. Ito bajiro ãna yija bero Jesure gotirã gũa tũ ejacã ãna.

*Cinco mil ñarãre Jesús ã ecare gaye*

*(Mr 6.30-44; Lc 9.10-17; Jn 6.1-14)*

<sup>13</sup> Juan idé guri masure ãna siare tũocõri bojori bujaquĩ Jesús. Ito bajiri cuma sãjacõri ricati waquĩ ã. Ito bajiro Jesús ã waja masicã masa. Gãjerã boejũna Jesure sũya wacã. <sup>14</sup> Majado ejacõri Jesús ã tija masa jãjarã ñayijarã. Ito bajiri ãnare ti maiyijũ ã. Cõrãre ãna ãmi ejaro bajiroti ãnare yisio ãsiyijũ Jesús. <sup>15</sup> Iti rãioja ticõri, gũa ã rãca riasotirã ã tujũa wacũ. Ñ tũ ejacõri ado bajiro yicũ gũa:

—Ñamijũ ña ãja. Queno masa mama adoju. “Wasa”, yiya masare cutorijũ bare ãna waja yi masitoni, yibojacũ gũa Jesure.

<sup>16</sup> —Itoju ware ma ãnare. Muati bare ecaya ãnare, yiquĩ Jesús guare.

<sup>17</sup> —Bare ma guare. Naju riti co dũjamocõacã ña guare. Ito yicõri wai jũarãti ñama guare, yicũ gũa Jesure.

<sup>18</sup> —Adojũa yũre ãmi waya maji, yiquĩ Jesús guare.

<sup>19</sup> Itire boca ãmicõri ta quenarise joe masare ruji rotiquĩ Jesús. Ito yicõri naju co dũjamocõ ñarisere ito yicõri wai jũarã ñarãre ãmi rũcoquĩ Jesús. Itire rũcocõri ãmacũju ti mũoquĩ Jesús. Ito ti mũocõri, “Queno ya Cũna mũ”, yiquĩ ã. Itire igajea batocõri guare ãsiquĩ Jesús. Ito ã yija bero gũajũ masare batocũ ãja. <sup>20</sup> Masa ñarocõti ba jedicã itire. Ito yicõri sũgũ ruyabeto yaji quenaro riti tujacã ãna. Ñna ba ruarise jũa gũbojeno jibũri dajacũ gũa. <sup>21</sup> Gũa itire

bagoana cinco mil ñmua ñacu gña. Romiare ito yicōri rñacare cñni cōñabiticu gña.

*Ide joe Jesús ï ware gaye*

*(Mr 6.45-52; Jn 6.16-21)*

<sup>22</sup> Cumaju gñare sãja rotiquĩ Jesús ï riojua gña jãa watonĩ. Gña waroca riti masare ware gotiñi Jesús. <sup>23</sup> Masare ware goti tiogũ turiaju muja wañi Jesús. Itoju sīgũti muja ejacōri ï Jacure busiñi ï. Rãio jedija bero itoju ï sīgũti ñañi Jesús maji. <sup>24</sup> Itajura gñadareco tujacu gña. Ito gña tujaroca jacũtucu gñare, mino buto iti wējare. <sup>25</sup> Busu muja wadiroca Jesús gña tu ejaquĩ ide joena wadicōri. <sup>26</sup> Ide joe ï wadija ucacu gña. Ito bajija ticōri:

—Wujo cutiro ya, yi awasãcu gña.

<sup>27</sup> —Oca sēoña, güibesa yuti ña, yiquĩ Jesús gñare.

<sup>28</sup> Ito ï yija tuocōri, gña rãca gagu Pedro ado bajiro busiquĩ ïre:

—Yũ Uju, muti mu ñajama, ide joe yu mu tu waroca yiya yure, yiquĩ Pedro Jesure.

<sup>29</sup> Ñ ito yijare:

—Wadite mu, yiquĩ Jesús ïre.

Ito ï yija tuo, wãgãcōri ide joe wasuoquĩ Pedro Jesús tu ejaquũ wacu. <sup>30</sup> Buto mino iti wējaja tuocōri, itire güiquĩ Pedro. Ito bajiri jacũrisena ruja wasuoquĩ Pedro:

—Yũ Uju yure masoña mu, yi awasãquĩ Pedro.

<sup>31</sup> Ito ï yirocati Pedro ya ãmoju ñiacōri ado bajiro yiquĩ Jesús ïre:

—Queno yure tuorũñsabea mu. “Ide joe yu waroca yami Jesús”, ¿yi tuoña jidicãri mu? yiquĩ Jesús Pedrorre.

<sup>32</sup> Cumaju Jesús rãca ñna muja sãjarocati mino wēata rojocoacu. <sup>33</sup> Gña cumaju ñacãnama Jesús riojo rijomu-nigãna ñini rñjũcu, ïre rñcũbuorã:

—Riti Dios Macu ña mu, yicu gña Jesure.

*Genesaret sita gānare Jesús ĩ yisiore gaye*

*(Mr 6.53-56)*

<sup>34</sup> Ito jēa wacōri Genesaret wame cutiri sitaju ejacu gua.  
<sup>35</sup> Iti cuto gāna Jesús ĩ ejaja tuo masicōri, masa jeyarore oca batoñi. Ito bajiri masa ñarise cutirāre āmi ejacā Jesús tu. <sup>36</sup> “Mu ya yutabuju tunima guare moaña rotiya”, yicā masa Jesure. No moñarācōti cati quenarā tujacā mūcana.

## 15

*Ñeñaro tuoñacōri ñeñarise yama masa, yi Jesús ĩ riasore gaye*

*(Mr 7.1-23)*

<sup>1</sup> Ito ĩna yiroca fariseo gaye tuoñarā ito yicōri judio masa rotirise riasori masa cūni ejacā Jesús tu. Jerusaléna wadiana ñacā ĩna. Jesús tu ejacōri ado bajiro seniñacā ĩna:

<sup>2</sup> —¿No yija bucurā ĩna yisotire bajiro yiro robo cudibea mu rāca riasotirā? Mu rāca riasotirā ĩna baroto riojua āmo coebeamā ĩna. Bucurā ĩna rotiado bajiro yiro robo yibeama ĩna, yicā ĩna Jesure.

<sup>3</sup> Ito bajiro ĩna yijare, ado bajiro ĩnare cūdiquĭ Jesús:

—Bucurā masa ĩna rotirejua cūdirona Dios ĩ rotirisejuare cudibea mūa. <sup>4</sup> Ado bajiro rotia Dios oca: “Mu jacu, mu jacore cūni queno rucubuoya mu. No ĩ jaco, ĩ jacure cūni ñeñaro busitugu godacoajaro”, yi rotia Dios oca. <sup>5</sup> Mūama ricati bajiro rotia. Ado bajirojua rotia mūa: “No, ‘Jeyaro gajeoni yu rucorise Diore yu ĩsiroti riti ña. Ito bajiri yu jacusabatiare ejabua masibeā yu’, ĩ yija, ĩ jacusabatiare ejabuabeja quena”, yi tuoña rotiboja mūa. <sup>6</sup> Ito bajiro mūa yija, bucurā masa ĩna rotirisejua cūdirona, Dios ĩ rotirisejuare cudibea mūa. Ito bajiro mūa yija, “Ñe waja ma Dios oca”, yirā bajiro ya mūa. Ĩ ocare jidicārā ña mūa. <sup>7</sup> Mūa yiro bajiro yirā meje ña mūa. Diore goti ĩsiri

masu Isaías ñayoru muare tuoña wacu queno ucañi ñ. Ado bajiro ucañi ñ:

<sup>8</sup> Maa ya risena riti yure rucubuojoja maa. Ito bajibojarocati maa ya usina soju bajiro tuoña maa. Yure rucubuojoja maa.

<sup>9</sup> Minijuacōri yure maa rucubuojojaja, burāti ya maa. Maa riasorise masa ñna tuoña rujeore ña iti. Itireti, “Dios ñ rotire ña”, yiboja maa. Dios ñ gotirise tuoña wacu ito bajiro ucañi Isaías ñayoru, yi gotiqui Jesús.

<sup>10</sup> Ito ñ yija bero masare jicōri ado bajiro yiqui Jesús ñnare:

—Yure tuocōri queno tuo masiña maa. <sup>11</sup> Mani ba sārise meje mani ñeñaro yiroca yiroja iti. Ñeñaro tuoñacōri mani busirise, iti ña mani ñeñaro yiroca yirise, yiqui Jesús masare.

<sup>12</sup> Ito yija gua ñ rāca riasotirā ñ tu minijuacōri ado bajiro yicu gua ñre:

—Ito bajiro masare mu gotija tuocōri, fariseo gaye tuoñarā tuo bujatomenaji ñna, yicu gua Jesure.

<sup>13</sup> Ito bajiro gua yija, ado bajiro yiqui Jesús guare:

—Dise rocati judire ñ otere meje iti ñaja, ñe rācati wājacōagū yiguñi iti ote wese uju. Ito bajiroti yigu yiguñi yu Jacu cuni. Gaje oca ñasarise mejeti ricati bajiro ñna riasobojaja iti jedi waroca yigu yiguñi yu Jacu. <sup>14</sup> Dios ocare riasomena ñna ñajare, ñnare tuorūnubeja. ñna ñama cajea mana gājerā cajea manare tūa wabojarā robo bajiro bajirā. Sīgū cajea macu gāji cajea macure ñ tūa wabojaja, goje ñaro ñna ejaja, jūarājuti queda sājacoarā yirāji, yiqui Jesús guare.

<sup>15</sup> ñ ito yija ado bajiro seniñaquí Pedro Jesure:

—Iti riasore oca gaye queno guare goti rētobuya, yiqui Pedro Jesure.

<sup>16</sup> —¿Tuo masibeati mua cuni? <sup>17</sup> Mani ba sãrise jeragaju waro yiroja iti. Ito bero rēta buديو yiroja iti. ¿Itire queno tuo masibeati mua? <sup>18</sup> Mani ya usina tuoĩacōri risena busia mani. Iti ña mani ñeñaro yiroca yirise. <sup>19</sup> Ña ya usina tuoĩacōri ñeñaro yama masa. Tite mua. Gãjerãre sãama ña. Manoyo cutirã ñabojarãti gãjerã romiare ajeama. Jeyaro ña tuoĩaro bajiroti romia rãca ñeñaro ajeama ña. Riniama ña. Socama ña. Rocati oca gotiama ña. Ito bajiro yama masa. <sup>20</sup> Ito bajiro ñeñarise tuoĩacōri iti ña masa ña ñeñaro yiroca yirise. Mani baroto riojua mani ãmo coebeja, bucũrã ña rotiro bajiro mani yibeja iti gaye meje ña mani ñeñaro yiroca yirise. Ñeñaro tuoĩacōri ñeñaro ya mani. Iti ña mani ñeñaro yiroca yirise, yiquĩ Jesús guare.

*Gaje maso Jesure iso tuorũnũ sũyare gaye*

*(Mr 7.24-30)*

<sup>21</sup> Ito bajiro ñi yija bero itijuna, wacu gua Jesús rãca. Ito wacōri Tiro ito yicōri Sidón wame cutiri cutoriju ejaču gua. <sup>22</sup> Ito gua ejaja bero sigõ Canaán gago itiju ñaro Jesús tujua awasã wadicõ:

—Yũ Uju David ñayoru janami ña mũ. Yũre ti maiña. Yũ maco rũmũ sãñagõ ñamo. Ito bajiri buto ñeñaro tōbujamo iso, yi goticõ iso Jesure.

<sup>23</sup> Ito bajiro iso yibojarocati isore cudibitiquĩ Jesús. Ito bajiri ñi rãca riasotirã gua ado bajiro roticu Jesure:

—Isore wa rotiya. Usirioro guare awasã sũyamo, yibojacu gua Jesure.

<sup>24</sup> Ito bajiro gua yija ado bajiro yiquĩ guare:

—Oveja wisanare bajiro bajirã ñama judio masa. Ito bajiri ñnare yũre cũquĩ Dios, yiquĩ Jesús.

<sup>25</sup> Ito bajiro ñi yiroca ñi riojo wacōri rijomunigãna ñini rũjũcõ romio:

—Yũ Uju yũre ejabuaya, yicõ iso Jesure.

<sup>26</sup> Ito bajiro iso yibojarocati ado bajiro yiquĩ Jesús isore:  
—Judio masa riojuaju gãjeräre yu ejabuaja, no masia ma yure. Ito bajiro yu yija, ríacare naju êmacõri yaiare ecado bajiro baja, yiquĩ Jesús isore.

<sup>27</sup> —Riti ya yu Uju. Ìna ujarã ba bate queorise bacã yaia. Yu gaje maso ñabojarocati mu ñarã bero yure jabeto mu ejabuaja quena ñaro yiroja yure, yicõ iso Jesure.

<sup>28</sup> Ito bajiro iso yija tuocõri, ado bajiro yiquĩ Jesús isore:  
—Mu romio queno yure tuorãnuğõ ña mu. Ito bajiri mu ãmoro bajiroti bajiro yiroja iti, yiquĩ Jesús.

Ito bajiro ï yirocati iso maco tujacoacõ.

*Jãjarã ñarise* cutiräre Jesús ï yisioire gaye

<sup>29</sup> Ito yija bero Galilea wame cutirita tunima wacu gua. Itoju ejacõri turiaju muja wacu gua. Itoju gua joejearoca rujiquĩ Jesús. <sup>30</sup> Jãjarã masa ejacã Jesús ï rujiroju. Wa masimena, cajea mana, busimena, ruduana, ito yicõri jãjarã cõräre ãmi ejacã ña Jesús tujũ. Ì tu ña ãmi ejaroca ñare yisioquĩ Jesús. <sup>31</sup> Busimena busicã. Ruduana wacã. Cajea mana ticã. Rujũ ñeñarã quenari rujũ, rujũ cuticã. Ito bajija ticõri, ti ucacã masa. Ito bajiri Diore wanu rucubucocã ña. “Judio masa ña rucubucoru Dios ï ñami quenagũ”, yi rucubucocã masa.

*Cuatro mil ñaräre* Jesús ï ecare gaye

(Mr 8.1-10)

<sup>32</sup> Ito yija gua ï rãca riasotiräre ado bajiro yiquĩ ï:

—Ado gãnare ti bujatobea yu. Udia rumu tija ïja, adocãta yu rãca ña ñaroca. Ito bajiri queno bare ma ñare. Ìna babetoti ña ya wiriju wa roti ãmobeaa yu. Ìnare yu wa rotija majũ boga quedirã yirãji ña, yiquĩ Jesús guare.

<sup>33</sup> Guajua ado bajiro yicu ïre:

—Ado masa manojũ no bajiro masa tãjaro bare buja masia ma, yicu gua Jesure.

<sup>34</sup> —¿Nocõ jaje naju rucõati mua? yiquĩ Jesús guare.

—Jua ãmojeno naju ña guare, ito yicõri wai jabetacã ña, yicũ gua ãre.

<sup>35</sup> Ito yija masare jacajũ ruji rotiquĩ Jesús. <sup>36</sup> Ñ ya ãmona naju jua ãmojeno ñarisere ito yicõri wai rãca ãmi rucocõri, “Queno ya Cuna mũ”, yiquĩ ã Diore. Ito ã yija bero gua ã rãca riasotirãre ãsiquĩ masare gua batotoni. <sup>37</sup> Masare batocũ gua. Ña jeyaro bacã. Ito bajiri sigũ ruyabeto yaji quenaro ñacã ña. Ña baja bero jua ãmojeno jiburi gua ba ruarise dajocũ gua. <sup>38</sup> Gua itire bagoana cuatro mil ãmua ñacũ gua. Romiare ito yicõri rãacare cuni cõĩabiticũ gua. <sup>39</sup> Ito bero masare ware gotiquĩ Jesús. Ito bajiri cumana Magadãn wame cutiri sitajũ wacũ gua.

## 16

*Tiyamani ãõña guare, ña yire gaye*

*(Mr 8.11-13; Lc 12.54-56)*

<sup>1</sup> Fariseo gaye tuoĩarã ito yicõri saduceo gaye tuoĩarã cuni Jesure tirona ejacã ña. “ ‘Riti Dios ã cõarũ ña mũ’, gua yi masitoni ãmacũju gaye tiyamani ãõña guare”, yi ejabojacã ña.

<sup>2</sup> Ito ña yibojarocati ado bajiro cudiquĩ Jesús:

—Rãiocõro ãmacũju iti sũaja ticõri, “Quenari rumbũ ñari seyoa”, ya mua. <sup>3</sup> Busuri jĩju iti sũaja mua tija, wajũ bueri rãca iti ñaja. “Adi rumbũ quenado ma”, ya mua. ãmacũju ticõri, “Ito bajiro rẽtaro ya adi rumbũ”, yi masia mua. Ito bajibojarocati adi rumbũ rẽtarise gaye, “Ito bajiro bajiro wado ya”, yi masibea mua. <sup>4</sup> Ñeñaro yirã ña mua ito yicõri yure tuorũnũmena. Tiyamani ãore yure seniboja mua. Ito bajiro mua yibojarocati jũaji tiyamani mũare ãobicũja yũ. Jonás ñayorũre tiyamani rẽtare gaye riti mũare goticũja yũ, yiquĩ Jesús fariseo gaye tuoĩarãre.

Ito bajiro Jesús ã yija bero ñnare wagocũ gua.

*Fariseo gaye* tʉoĩarã ya naju wadare gaye

(Mr 8.14-21)

<sup>5</sup> Itajura gaje dʉajaju jãa ejacõri, “Mani baroti naju ãcabojacoayija mani”, yicʉ gua. <sup>6</sup> Ito yija Jesús ado bajiro guare gotiquĩ:

—Fariseo gaye tʉoĩarã, saduceo gaye tʉoĩarã ãna ya naju wadarise ʉco gaye queno tʉo masiña mua, yiquĩ Jesús guare.

<sup>7</sup> Jesús ito bajiro ã yija guamasiti gãmeri tʉoĩa basicʉ gua:

—Mani naju ãcabojajare ito bajiro busiami Jesús, yi tʉoĩabojacu gua.

<sup>8</sup> Ito bajiro gua tʉoĩabojaja tʉo masicõri, ado bajiro yiquĩ Jesús guare:

—¿No yija, “Naju ma manire”, yati mua? Queno yʉre tʉoĩũnubea mua. <sup>9</sup> Queno tʉo masibebe maji mua. Canʉ busati co dʉjamocõ naju ñarisere co dʉjamocõ mil masa ñarãre eca jeocʉ yʉ. ãnare yʉ eca jeoja bero jaje jibũri dajocʉ mua. ¿Itire ãcabojati mua? <sup>10</sup> Ito bero canʉ busati mʉcana jua ãmojeno naju ñarisere juaria mil masa ñarãre eca jeocʉ yʉ. ãna masare yʉ eca jeoja bero jaje jibũri dajocʉ mua rʉyarisere. ¿Itire ãcabojacoati mua? <sup>11</sup> ¿No yija queno tʉoĩa masibeati mua maji? Jĩjʉ, “Fariseo gaye tʉoĩarã, saduceo gaye tʉoĩarã ãna ya naju wadarise ʉco gaye queno tʉo masiña”, yʉ yija, naju gayere meje busibu yʉ, yiquĩ Jesús guare.

<sup>12</sup> Ito ã yijare tʉo masicʉ gua. “ ‘Fariseo gaye tʉoĩarã, saduceo gaye tʉoĩarã naju wadarise ʉco gayere tʉoĩarã ya mua’, guare ã yija, ‘ãna riasorisere queno tʉoĩa masiña mua’, yireonire guare gotiyijari Jesús”, yi tʉoĩacu gua ãja.

*Cristo Dios ã cõaru* ña mʉ, yi Pedro ã goti quenore gaye

(Mr 8.27-30; Lc 9.18-21)



<sup>13</sup> Mucana ito sōjua wacōri, Cesarea Filipo wame cutiri cuto tu ejacu gua Jesús rāca. Itoju ejacōri ado bajiro guare seniāquī Jesús:

—Yu ña Masa Rījoru. ¿Yure masa ña busija, no bajiro yati ña? yiquī Jesús guare.

<sup>14</sup> Ado bajiro cudicu gua ñre:

—Coriarā ña busija, “Juan idé guri masu ñami”, yama ña mure. Gājerāma, “Elías ñami”, yama ña. Gājerāma, “Jeremías ñami”, yama ña. Gājerāma, “Diore goti isiri masu ñaguīji gajea”, yama ña mure, yicu gua Jesure.

<sup>15</sup> —¿Mucama ñimū ñami yati mūa yure? yiquī Jesús guare.

<sup>16</sup> Ito ī yija tuocōri, ado bajiro yiquī Simón Pedro:

—Muti ña Cristo Dios ī cōaru. Dios catitīñagū Macu ña mū, ya yu mure, yiquī Simón Pedro Jesure.

<sup>17</sup> —Riti ya Simón, Jonás macu mū. Ito bajiro mū busija wanū quenagū ña mū. Itire mū busija, masare tuocōri meje busia mū. Itire mū busija, ūmacūju gagu yu Jacure tuocōri busia mū. <sup>18</sup> Ado bajiro mure gotia yu. Iti mū wame ña Pedro, “gūtagā”, yireoni ña iti Pedro. Riti ña mū busirise. Iti oca mū busirise jedibetoja. Gūtagā batirica robo bajiro bajirise ña iti mū busirise. Iti oca tuocōri yure tuorūnurā yirāji mū bero gāna. Ito bajiri yu ñarā, ñarā yirāji ña. Yure ña tuorūñujare godana ūju ñnare rētocūbicu yiguīji. Godabojarāti mucana tūdi catirā yirāji ña. <sup>19</sup> Ado bajiro mure gotia Pedro yu. Soje janado rucogure bajiro mure cūgū yiguja yu. Ito bajiri, “Ñre tuorūnurāre ī rotiroju miojugū yiguīji Dios”, yire oca masa ña tuo masiroca yigu yiguja mū. Ito bajiro mure cūgū yiguja yu. Adi sitaju mū rēorise, ūmacūju itoju cūni rēore ñaro yiroja. Adi sitaju, “Ito bajiroti yiya”, mū yija, ūmacūju cūni ito bajiroti yire ñaro yiroja, yiquī Jesús Pedre.

<sup>20</sup> Ito bajiro Pedrore ĩ yija bero ado bajiro yiquĩ Jesús guare: “Īti ñami Cristo Dios ĩ cõaru, yi masare goti batobesa mua”, yiquĩ Jesús guare.

Yure sĳarã yirãji, Jesús ĩ yire gaye

(Mr 8.31–9.1; Lc 9.22-27)

<sup>21</sup> Ito ĩ yija bero itijunati guare goti rĕtobuquĩ Jesús:

—Jerusalĕnju ware ña yure. Itoju yu ejaroca bucũrã, paia ujarã ito yicõri judio masa rotirise riasori masa cuni quenabeto yu tõbujaroca yirã yirãji ĩna. Itoju yure sĳarã yirãji ĩna. Ito bajibojarocati udia rumu beroti yu catiroca yigu yiguĩji Dios mucana, yiquĩ Jesús guare. <sup>22</sup> Ī ito yija tuocõri, ricati busa camotadi rŭgũcõri, oca sĕoro ĩre busisubojaquĩ Pedro:

—Yu Uju ito bajiro mure rĕtare amobiquĩji Dios. Ito bajiro mure rĕtabeto yiroja, yiquĩ Pedro Jesure.

<sup>23</sup> Ito ĩ yija tuocõri, juda rŭgũcõri, ado bajiro busiquĩ Jesús Pedrore:

—Rũmũa uju Satanásre moa ĩsia mu. Yure camotadiya mu. Dios ĩ amoro bajiro yu yija, yure camota codea mu. Dios bajiro meje tuoĩa mu. Masa ĩna tuoĩaro bajiro tuoĩa mu cuni, yiquĩ Jesús Pedrore.

<sup>24</sup> Ito ĩ yija bero ado bajiro yiquĩ Jesús guare ĩ rãca riasotirãre:

—Sĳũ yure ĩ suyã amoja, ĩ ye ñaroti tuoĩabiticõri yujuare tuo mai suyagu yiguĩji. Yucutĕo gajagure bajiro tõbujabojaguti yure riti suyagu yiguĩji ĩ. <sup>25</sup> No ĩ catirise maibojaguti godagu yiguĩji. Ito bajibojarocati yure tuorũnũgũ, yu oca ĩ gotija tuo junisinicõri ĩna sĳagũama catitĩhare gaye bujagu yiguĩji. <sup>26</sup> Sĳũ adi macãrucũroju gajeoni jeyaro ĩ bujabajaja, ĩ ya usi jeame ũjuroju iti waja, ĩ ya gajeoni ĩ bujajobare ñe waja ma. Ñe mani ya usi rĕto busaro waja cutirise manoja. Catirãjuti Dios rãca mani oca quenobeja, mani godaja bero ĩ rãca

oca queno masimenaji ĩja. <sup>27</sup> Yũ Masa Rĩjorũ ñacõri, yũ Jacũ Dios ĩ busurisenã tãdi ejagũ yigũja yũ. Ito yicõri ĩ tũ gãna ángel mesa rãca ejagũ yigũja yũ. Tãdi ejacõri masa ĩna yigoado bajiroti waja senigũ yigũja yũ. <sup>28</sup> Riti mũare gotia yũ. Mũa coriarã adijũ ñarã mũa godaroto riojũa, ĩre tũorũnrãre Masa Rĩjorũ ĩ mioju ejaroca tirã yirãji mũa. ĩti ña yũ Masa Rĩjorũ, yiquĩ Jesũs guare.

## 17

*Ĩna tiro riojo Jesũs ĩ godõ wedire gaye*  
(Mr 9.2-13; Lc 9.28-36)

<sup>1</sup> Co ámojeno mũmũari bero Pedro, Santiago, ĩ ocabaji Juanre cũni mũmũari turia joejũ ĩnare ámi waquĩ Jesũs. <sup>2</sup> Itojũ ĩna ejaroca ĩna riojo Jesũs ĩ ya rio gajero bajiro godõ wediyijũ. Mũa gagũ mũmacañire bajiro yoyijũ ĩ ya rio. Ito yicõri ĩ ya yutabuju butõ boticõri yoyijũ. <sup>3</sup> ĩna tiroca Moisés ñayorũ, Elías ñayorũ rãca Jesũs tũ goãoyijarã. Ito bajicõri Jesũs rãca ĩna gãmeri busija, tiyijarã ĩna. <sup>4</sup> Ito bajija ticõri, ado bajiro yiyijũ Pedro Jesure:

—Yũ Hju adojũ mani ñaja quenasacõa. Mũa ámoja mũare yiari wi meni ĩsirũja gũa. Mũre co wi, Elásre co wi, Moisésre co wi meni ĩsirũja gũa, yiyijũ Pedro Jesure.

<sup>5</sup> Ito bajiro Pedro ĩ busibojaroca riti ide bueri butõ yorise ĩnare gũma rũgũyijũ. Iti ide bueri watonati oca ruyuyijũ:

—Ániti ñami yũ Macũ, yũ maigũ. ĩre butõ wanũa yũ. ĩre queno tũoya mũa, yire oca ruyuyijũ.

<sup>6</sup> Iti oca tũocõri butõ gũiyijarã ĩna. Ito bajiri butõ gũirã ĩna ya rio sitajũ muqueayijarã ĩna. <sup>7</sup> Ito bajiro ĩna bajija ticõri, ĩna tũ wacõri ĩnare moãayijũ Jesũs. ĩnare moãacõri ado bajiro yiyijũ ĩ:

—Wũmũña. Gũibesa mũa, yiyijũ Jesũs ĩnare.

<sup>8</sup> Ito ñna ti mwoja, gãjerãre tibusijarã ñna. Jesús sīgũti ï ñaja tiyijarã ñna ïja.

<sup>9</sup> Ito tũria ñna roja waroca ado bajiro ñnare gotiyijũ Jesús:  
—Janeti mua tirise masare goti batobeja maji. Yũ ña Masa Rĩjorũ. Yũre sĩarã yirãji masa. Yũre ñna sĩabojarocati tũdi catigũ yigũja yũ. Yũ mũcana tũdi catiroto riojũa, jĩjũ mua tigorise gãjerãre goti batobeja mua, yiyijũ Jesús ñnare.

<sup>10</sup> Ito yija ado bajiro Jesure seniĩayijarã ñna:

—¿No yija judio masa rotirise riasori masa, “Elíasjũa ejasũogu yiguĩji”, yicati ñna? yi seniĩayijarã ñna Jesure.

<sup>11</sup> Ito yija ado bajiro ñnare cãdiyijũ Jesús:

—Riti yiĩni judio masa rotirise riasori masa. “Elíasjũa ejasũogu yiguĩji. Ejacõri jeyaro quenogũ yiguĩji ï”, ñna yija riti gotiĩni. <sup>12</sup> Ito bajiro ñna gotibojarocati Elías ï ejaja ñre ti masibisĩ masa. Riti mũare gotia yũ. Elías ejacãñi. ï ejaja ñre ti masibisĩ masa. Ñna ãmoro bajiroti yiĩni masa ñre. Ito bajiroti yũ Masa Rĩjorũre, tõbũjaroca yirã yirãji masa yiyijũ Jesús ñnare.

<sup>13</sup> Ito bajiro ï yija tũocõri, “Juan idé guri masure busiami ãni”, yi tũo masiyijarã ñna Pedro mesa.

*Rãmú sãñagũre rãmũre Jesús ï bucõare gaye*

*(Mr 9.14-29; Lc 9.37-43)*

<sup>14</sup> Roja wadicõri gũa tũ ejacã ñna mũcana. Jãjarã masa ñacã gũa rãca. Jesús ï tũdi ejaja ticõri, ï riojo rijomunigãna ñini rũjũquĩ sīgũ. Ito yicõri ado bajiro yiquĩ ï Jesure.

<sup>15</sup> —Yũ Ũjũ yũ macũre ti maiña mũ. Ñnama cõre cõsotiami ï. Ito bajiri ruje tõbũjasotiami ï. Biyaro usi jedi quedisotiami yũ macũ. Coji ruyabeto jeame ãjũroju usi jedi quedisotiami ï. Ito yicõri riacajũ cũni usi jedi quedisotiami. <sup>16</sup> Mũ rãca riasotirã tũjũ ñre ãmi ejabojabũ yũ. Ñre yisio masibeama ñna, yiquĩ ï Jesure.

<sup>17</sup> Ito ï yija ado bajiro yiquĩ Jesús masare:

—Queno yure tuorünubea mua maji. Masa ñeñaro yirãre bajiro bajia mua maji. ¿Nocõ yoari mua rãca ñagũ yigujada yu maji? ¿Nocõ yoari yugu yigujada yu, mua masitoni? Adojuã ãmi waya, usi jedi quedisotigure, yiquĩ Jesús guare.

<sup>18</sup> Usi jedi quedisotigu ï ejaja ticõri, rãmúre budi rotiquĩ Jesús. Rãmú ï budirocati, cati quenagũ ñacõaquĩ macuacã mucana.

<sup>19</sup> Ito yija bero ricati Jesús rãca busicu gua mucana:

—¿No yija rãmúre bucõa masibiti gua? yicu gua Jesure.

<sup>20</sup> —Yure queno tuorünubiticõri rãmúre bucõa masibea mua maji. Riti muare gotia yu. Jabetacã yure mua tuorünuja, jaibiti aje mostaza aje robo bajiro yure mua tuorünuja, mua rotiro bajiroti bajiroja. I turiare, “Gajeroju cuní rügũña”, mua yija, mua rotiro bajiroti bajiroja iti. Ñejuã mua yi masibiti mano yiroja, queno yure mua tuorünuja. <sup>21</sup> Ito bajiro masare ña rãmúa sãñaja, bamena riti Diore mua senija, rãmúare bucõa masirãji mua, yiquĩ Jesús guare.

Yure sãrã yirãji, mucana Jesús ï tãdi gotire gaye

(Mr 9.30-32; Lc 9.43-45)

<sup>22</sup> Galilea sitaju coju gua waroca ado bajiro yiquĩ Jesús guare:

—Masa Rĩjoru ña yu. Yure ña ñiatoni gotigu yiguĩji sīgũ. <sup>23</sup> Yure ñiacõri sãrã yirãji ña. Ito bajibojarocati udia rumu beroti yu catiroca yigu yiguĩji Dios, yiquĩ Jesús guare. Ito bajiri iti tuocõri buto bojori bujacu gua.

*Dios ya wi ñaroti ña waja yire gaye*

<sup>24</sup> Ito yija bero Capernaum wame cutiri cuto ejacu gua Jesús rãca. Itoju gua ñaroca minijuara wi coderã waja seniri masa Pedrore oca seniãrona ejayijarã. Ï tu ejacõri ado bajiro ñre seniãyijarã ña:

—¿Mure riasogu Dios ya wi waja yibeati ī? yi seniñayijarā ĩna Pedrore.

<sup>25</sup>—Waja yigu yiguīji, yi cūdiyiju Pedro.

Jesure busirocu wiju ī sājaroca, Jesujua ado bajiro ĩre busigoquī:

—¿No bajiro tuoīati Simón mu? ¿Adi sita gāna ujarā noare waja seniatite? ¿Īna ñarāre seniatite? ¿Gājerājuare seniatite? yi seniñaquī Jesús Pedrore.

<sup>26</sup>—Gājerāre waja seniamā ĩna, yi cūdiquī Pedro.

Ī ito yija, ado bajiro yiquī Jesús:

—Riti ya mu. Dios Macu ya ñajare yure waja seniado mama ĩna. <sup>27</sup> Ito bajibojarocati ñeñaro manire ĩna busitube yirona waja yija quena. Itajuraju wasa. Itoju wai joba. Cajero basuoguti ĩre sīacōri ī ya riseju niyeru cuji bajagu yiguja mu. Iti niyeru cujina manire ĩna waja senija, ñarocōti tījacoaro yiroja iti. Iti cuji āmicōri ĩnare waja yiya, yiquī Jesús Pedrore.

## 18

*¿Ñimu ñati ñasagu ñarocu? ĩna yi seniñare gaye  
(Mr 9.33-37; Lc 9.46-48)*

<sup>1</sup> Iti ramuriti, gua Jesús rāca riasotirā ĩre seniñacu:

—¿Ūmacūju Dios ī rotiroju ñimu ñati ñasagu ñarocu? yi seniñacu gua Jesure.

<sup>2</sup> Ito bajiro gua yija tuocōri, sīgū macuacāre āmicōri gua wato cūquī. <sup>3</sup> Ado bajiro yiquī Jesús guare:

—Riti muare gotia yu. Mua ñeñaro yirise mua jidicābeja, ito yicōri bucārāre rīaca ĩna tuorūnuro bajiro yure mua tuorūnubeja, ūmacūju Dios ī rotiroju ejaмена yirāji mua. <sup>4</sup> Ado bajiro bajigu yiguīji ūmacūju Dios ī rotiroju ñasagu ñarocu. Āni macuacāre bajiro, “Ñasagu ña yu”, yi tuoīabicu yiguīji ī. <sup>5</sup> Noa yure tuorūnacōri āni

macnacãre ñna boca ãmiro bajiro yure cuni boca ãmirã yirãji ñna, yiquí Jesús guare.

*Ñeñaro mua* yi uyaja guijorise ña, yi Jesús í riasore gaye  
(Mr 9.42-48; Lc 17.1-2)

<sup>6</sup> Mucana ado bajiro gotiquí Jesús guare:

—No macnacã yure tuorũnũsũogure ñeñaro yiroca gãji í yija, ñre buto waja senigũ yiguíji Dios. Quenogoroama ito bajiro yigure í ya ãmãmaju gũtagã jajoca sia yocõri riaca ãcarõju rucõaja quenaroja. <sup>7</sup> Bujato bujarã yirãji adi macãrucũro gãna ñeñaro yiri masa. Masare ñeñaro ñna yiroca yirise ito bajiro riti bajitĩñaro yiroja. Ito bajibojarocati, gãjerã ñna ñeñaro yiroca ñnare yigure bujato baja ñre, yiquí Jesús guare.

<sup>8</sup> Mua ya ãmo, mua ya gubo, mua ñeñaro yiroca muare iti yija, itire jatacõri sõju cõacõña. Manire co duja ãmo manija quenabetoja. Ito bajibojarocati juã ãmo, ãmo cutirã ñabõjarãti jeame ãjuõju manire Dios í cõaja, rëto busaro quenabeto yiroja. <sup>9</sup> Mua ya cajea mua ñeñaro yiroca iti yija, ruacõri sõju cõacõña. Manire co duja cajea manija quenabetoja. Ito bajibojarocati juã cajea, cajea cutirã ñabõjarãti jeame ãjuõju manire Dios í cõaja, rëto busaro quenabeto yiroja. Dios í ñaroju mani ejaja, buto busa wanũ quenarã yirãji mani. “Mua ñeñaro yirise jidicãña”, yirocũ ito bajiro yiquí Jesús guare.

*Oveja wisarũre* ãmagũ yiguíji coderi masũ, yi Jesús í riasore gaye

(Lc 15.3-7)

<sup>10</sup> Mucana ado bajiro gotiquí Jesús guare:

—Mutarã yure masisũorãre sũgũjuare tibo yibesa. Ñmacũju ángel mesa ñarãji ñnare tirũnrã. Co rumũ ruyabeto yũ jacũ tũ ñacãma ñna. <sup>11</sup> Yũ ña Masa Rĩjõrũ.

Jeame Ëjuroju waboanare masorocu wadicu yu, yiquí Jesús guare.

<sup>12</sup> Guare riasorocu ado bajiro yiquí Jesús mucana:

—Adocāta yu muare riasorisere queno tuoīaña mua. Sīgū ñayiju cien oveja rucogu. Co rumu gājerāre wagicōri sīgū wisayiju oveja. ¿No bajiro tuoīati mua? ¿Gājerā ruyarā, ta weseju noventa y nueve ñarā wisarure āmagū waguñida i? <sup>13</sup> Ire āmagū wacu yiguñi i. Wisarure i bujaja, bato wanugū yiguñi i. Riti ña. Gājerā wisamena noventa y nueve ñarā rētoro wisarure i bujaja wanugū yiguñi i. <sup>14</sup> Mani Jacu ũmacūju gagu ito bajiroti bajiami i cuni. Sīgū yare masisucogu i wisare āmobiquiñi Dios, yiquí Jesús guare.

*Mani yagu* i ñeñaro yirise mani ācabojaja quena, yi Jesús i riasore gaye

(Lc 17.3)

<sup>15</sup> Mucana guare ado bajiro riasoquí Jesús:

—Sīgū mua yagu muare i ñeñaro i yija, i rioti oca quenoma, “Riti ya mua, muare ñeñaro yicu yu”, i yi masitoni. “Riti ya mua”, i yija oca quenocāna ña mua. Ito bajiri mua yagu rāca queno baba cutirā yirāji mua mucana. <sup>16</sup> “Bajibea burāti ya mua”, i yija, gājerā jūarāre ji ñucama. Ito bajiri mua busirise ina tuoja. “Riti baja ito”, yi masirā yirāji ina. <sup>17</sup> Ñnare riojo i tuorūnubeja, jājarā Diore masirā riojo gotiba mua. Ina jājarāre i tuorūnū āmobeja, Diore masibicu robo bajiro ire mua rucuja quena. Sīgū ñeñaro yigu, ujarāre yiari waja seni isiri masure bajiro rucuja quena mua ire, yiquí Jesús guare.

<sup>18</sup> Riti muare gotia yu. ũmacūju gagu Dios i cūana ña mua. Adi macārucūroju mua rēoja, ũmacūju Dios tujū cuni rēore ñaro yiroja. Gajere cuni, “Ito bajiroti bajiya



mũ”, mũa yiro bajiroti ũmacũju cãni bajiro yiroja, yiquĩ Jesũs guare.

<sup>19</sup> 'Gaje ado bajiro mũare gotia yũ. Mũa jũarã sũgũre bajiro tũoĩacõri Diore mũa seni ãmoja, mũa ãmoro bajiroti ãsigũ yiguĩji yũ Jacũ ũmacũju gagũ. <sup>20</sup> No jũarã ũdiarã yũre tũorũnrã ãna minijuaaja, ãna rãca ñagũ yigũja yũ, yiquĩ Jesũs guare.

<sup>21</sup> Ito ã yija bero Pedro ado bajiro seniãaquĩ Jesure:

—Yũ Ʋju sũgũ yũ yagu yũre ñeñaro ã yija, ¿nocõjiri ãre yũ ãcabojoja quenati? ¿Jũa ãmojeno ãre yũ ãcabojoja quenati? yiquĩ ã Jesure.

<sup>22</sup> ã ito yija tũocõri, ado bajiro cũdiquĩ Jesũs ãre:

—Jũa ãmojeno rẽtoro, coji ruyabeto mũre ã senirocõ ãre mũ ãcabojoja quena, yiquĩ Jesũs Pedrore.

*Gãji ã ñeñaro yirise ãcaboja ãmobicũ yire oca*

<sup>23</sup> Mũcana Jesũs guare ado bajiro riasoquĩ:

—“¿Dios ũmacũju rotigu no bajiro bajiatĩ ã?” mũa yi masĩ ãmoja, sũgũ Ʋjũre tũoĩate mũa. Ado bajiro yiyijũ ã. ã ya moari masare ji ñucacõri, ãre ãna waja ruyuriorisere cõtayijũ. <sup>24</sup> ã cõĩasũoroca sũgũ ãre jairo niyeru waja ruyuriongũre ãre ãmi ejabojayijarã ãna. <sup>25</sup> ã Ʋjũre waja yi masibisijũ ã. Ito bajiri, “Gãjerãre yũre ãsi ãsitẽña”, yiyijũ Ʋjũ. ãre, ã rĩare, ã manojore, ã ya gajeoni jeyaro gãjerãre yũre ãsi ãsitẽña. ãna waja mũa bũjarise yũre mũa ãsija, ã yũre waja ruyuriorise tĩjaro yiroja, yiyijũ Ʋjũ ãre ãmi ejanare. <sup>26</sup> Ito ã yija tũocõri, ãre waja ruyuriongũ ã riojo rijomunigãna ñini rũjũyijũ. Ito yicõri ãre josayijũ ã: “Yũ Ʋjũ jabeto yuya maji. Mũre yũ waja ruyuriorise waja tĩogũ yigũja yũ maji”, yiyijũ ã, ã Ʋjũre. <sup>27</sup> Ito ã yija tũocõri, ãre ti maiyijũ ã: “Baũ, no yibeati”, yi ãre jidicãyijũ ã, ã Ʋjũ.

<sup>28</sup> 'Ito bajiro ã Ʋjũ yija tũocõri, budi wayijũ ã. Budi wacõri ã baba ãre waja ruyuriongũre ti bũjayijũ ã cãni. Ito

bajiri ï babare ï ya ãmuma ñia rûgûcõri, “Yure mu waja ruyuriorise cojiti waja tïõña mu”, yiyiju ï ïre. <sup>29</sup> Ito ï yija tucõri, ï ya rijomunigãna ñini rûjûyiju ï: “Jabeto yure yuya maji. Mure yu waja ruyuriorise mure waja tiogû yigûja yu maji”, yibojayiju ï. <sup>30</sup> Ito ï yibojarocati tuobisiju ï. Ito bajiri tubiara wiju ãmi wacõri ïre cûyiju ï. “Yure mu waja ruyuriorise mu tïobeja, budibicu yigûja mu”, yiyiju ï. <sup>31</sup> Gãjerã moari masa ito bajiro ï yija ticõri, bujatobisijarã ïna. Ito bajiri ujû tu wacõri ñarocõti gotiyijarã ïna. <sup>32</sup> Ito bajiri ïre ïna gotija tucõri, “Ïre yure ji ïsitẽña”, yiyiju ujû. Ï ejaja ticõri, ado bajiro ïre yiyiju ï: “Yure moa ïsiri masu quenabisija mu. ‘Yure mu waja ruyuriorisere ito bajicõato mure’, yibojacu yu, yure mu josajare. <sup>33</sup> Mure yu ti maicato bajiroti gãji mu babare ti mairujaboyija mu”, yiyiju ujû ïre moa ïsiri masure. <sup>34</sup> Buto junisinicõri ïre ï waja ruyuriorise ï waja tïotoni ïre tubia rotiyiju ï ujû: “Yure ï waja ruyuriorise ï tïobeja budibicu yiguïji ï”, yiyiju ujû, yi gotiquï Jesús guare, gua tuo masitoni.

<sup>35</sup> Bajiroti gaye guare riasoquï Jesús. Ado bajiro guare gotisusaquï Jesús:

—Ito bajiro riti yigu yiguïji yu Jacu ûmacûju ñagû cuni, gãjerã mua ñarãre ñeñaro ïna yirisere mua ãcabojobeja, yiquï Jesús guare.

## 19

*Manojore jidicãre ma, yi Jesús ï riasore gaye  
(Mr 10.1-12; Lc 16.18)*

<sup>1</sup> Ito bajiro Jesús ï yija bero Galilea sitana wacõri, Judea sitaju ejacu gua. Jordán wame cutirisa tu ûmacañi ï joeja mûja wadiri sitajua ñacu iti sita. <sup>2</sup> Jãjarã masa Jesure suya wacã. Cõrã ïna ñaja ïnare yisioquï Jesús.

<sup>3</sup> Itoju gua ñaroca fariseo gaye tuoïarã ejacã Jesús tu. “Mani seniñaja, queno cudi masibicũ yiguñji ï”, yirona seniñabojacã ñna Jesure:

—¿Sĩgũ ï manojore ï cõaja, ï ãmoro bajiroti ï manojore ï cõaja quenati? yi seniñacã ñna.

<sup>4</sup> —¿Dios oca tuti tiñabiticati mua? Ñ oca gotia, “Cajero rujeoñi ãmugũre ito yicõri romiore cuni”, yi gotia ï oca.

<sup>5</sup> Gaje ado bajiro gotia ï oca: “Ñ manojore rãca ñarocũ ï jacure ï jacore jidicãgũ yiguñji ï. Manojore cuticõri jũarã ñabojarãti sũgũre bajiroti bajirã yirãji ñna”, yi gotia Dios oca. <sup>6</sup> Ito bajiroti bajia iti gaye. Jũarã ñabojarãti sũgũre bajiro ñarãji ñna ñja. Ito bajiri Dios ï babocãre ñajare manojore jidicã masia ma, yiquĩ Jesús fariseo gaye tuoïarãre.

<sup>7</sup> Ito ï yija tuocõri, ado bajiro seniñacã ñna:

—Riti mu gotija, ¿no yija ricati rotiyijari Moisés ñayoru? Ado bajiro rotiyõni ï: “Isore mu jidicã ãmoja, jidicãre papera isore ñsiña”, yiyõni Moisés ñayoru, yicã ñna Jesure fariseo gaye tuoïarã.

<sup>8</sup> Ito bajiro ñna yija tuocõri, ado bajiro cudiquĩ Jesús:

—Diore ñna cudi ãmobejare, manojore jidicãre gaye rãobisĩ Moisés ñayoru. Ito bajibojarocati cajeroama ito bajiro meje bajiyija. <sup>9</sup> Riti muare ado bajiro gotia yu. Sũgũ ï manojore gãjire iso ajebitibojarocati ï jidicãja, ñeñaro yigũ yami ñocũ. Isore jidicãcõri gajeore ï manojore cutija, ajegũ yami ñocũ. Gãji cõaro rãca ï manojore cutija, ajegũ yami ñocũ cuni, yiquĩ Jesús fariseo gaye tuoïarãre.

<sup>10</sup> Ito ï yija tuocõri, gua ï rãca riasotirã ado bajiro yicu ñre:

—Riti ito bajiro iti bajijama manojore cutire ma, yicu gua ñre.

<sup>11</sup> Ado bajiro yiquĩ Jesús guare:

—Ñarocõgoroama tuo masi jedi yimenaji adire. Ñna tuo masiroca Dios ï yiana riti tuo masirã yirãji. <sup>12</sup> Coriarã ñna

manajo cuti masibeja, ricati riti baja ina ya rujuri. Coriarã ito bajironati rujeana ina. Gãjerãma, gãjerã ãmua ñnare ñeñoja bero manajo cuti masimenaji ñnaõna. Gãjerãma ãmacũju gagu Diore riti rucubũorona manajo manaji ñnaõna. No itioni gaye cudi ãmogũti cudiguĩji, yiquĩ Jesús guare.

*Rĩacare queno yijaro Dios, Jesús ñ yire gaye*  
(Mr 10.13-16; Lc 18.15-17)

<sup>13</sup> Ito yija bero gãjerã rĩacare Jesús tu ãmi ejacã. Ñna joe ãmo jeocõri Diore ñnare busi ñsitioni, ñnare ãmi ejacã ñna. Ñna ãmi ejaja ticõri. “Ãmi wadibesa maji. Usirioro ya mua”, yicu gua ñnare. <sup>14</sup> Ito bajiro gua yibojarocati Jesuama ado bajiro yiquĩ:

—Rĩacare rẽobesa, yu tu wadijaro ñna. Rĩaca ñnana yure queno tuorũnurã. Ñna robo yure queno tuorũnurãre ñ rotiroju miojugu yiguĩji Dios, yiquĩ Jesús guare.

<sup>15</sup> Ito ñ yija bero ñnare yiari Diore busi ñsirocũ ãmo moa jeoquĩ Jesús. Ito ñ yija bero gajerojua wacu gua Jesús rãca mũcana.

*Gajeonire buto maisabeja quena, Jesús ñ yire gaye*  
(Mr 10.17-31; Lc 18.18-30)

<sup>16</sup> Co rumũ sũgũ mamũ Jesure seniĩagũ ejaquĩ:

—¿Queno riasogu catitiñnare gaye yu buja ãmoja, no bajiro yigũjada yu? ¿Ñe quenarise gaye yigu yigũjada yu? yiquĩ ñ Jesure.

<sup>17</sup> —¿No yija quenagũ yure yati mu? Sũgũ ñnami queno yigu. Ñti ñnami Dios. Catitiñnare gaye mu ãmoja, Dios ñ rotirisere cadija quena, yiquĩ Jesús mamũre.

<sup>18</sup> —¿Ñe rotire gaye yigũjada yu? yiquĩ ñ Jesure.

—Gãjire sãbeja. Gãji manojore ajebeja. Romia cuni gajeo manujure ajebeja. Rinibeja. Gãjerãre ruo gotibeja.

<sup>19</sup> Mũ jacure, mu jacore cuni rucubũoba. Ito yicõri mu ya

rujøre m̄ mairo bajiroti, m̄ ñarãre c̄ni maima, yiquĩ Jesús mamure.

<sup>20</sup> —Macuacã ñagũjuti itire ito bajiro yisuc̄u ȳ. ¿Ñe gaje ruyati yure queno ȳ yiroti? yiquĩ ĩ Jesure.

<sup>21</sup> Ito ĩ yija, ado bajiro c̄diquĩ Jesús:

—Ñaroc̄oti m̄ c̄di jeo ãmoja, ado bajiro yiya. Jeyaro m̄ r̄corise gãjerãre ĩsi jeocõña. Ito yic̄ori iti waja bu-jac̄ori bojoro bujarãre ĩsima. Ito bajiro m̄ yija, ũmacũju queno bujagu yigũja m̄. Ito bajiro m̄ yi jeoja bero ȳ rãca waya, yiquĩ Jesús ĩre.

<sup>22</sup> Jesús ito bajiro ĩ yija tuoc̄ori, buto bojori buja t̄di waquĩ ĩ, ĩ ya gajeonire maigũ. Buto gajeoni jaigu ñayiju ĩ.

<sup>23</sup> Ito yija bero gua ĩ rãca riasotirãre ado bajiro yiquĩ Jesús:

—Riti m̄are ado bajiro gotia ȳ. Sīgũ gajeoni jaigu Dios rotiroju ĩ eja ãmoja josari ña. <sup>24</sup> M̄cana m̄are goti quenoa ȳ. Sīgũ camello gawa jota susuriju ĩ r̄eta budi ãmoja, josari ña. Ito bajiroti buto busa josari ña Dios ĩ rotiroju niyeru jaigu ĩ eja ãmoja, yiquĩ Jesús guare.

<sup>25</sup> Ito ĩ yija tuoc̄ori, buto ucacu gua. Ito yic̄ori guamasiti gãmeri seniĩacu gua:

—¿Ito yija noajua Dios ĩ ñaroju ejagu yiguĩjida? Sīgũ ejabiquĩji gajea, yi gãmeri busicu gua.

<sup>26</sup> Guare tic̄ori ado bajiro yiquĩ Jesús:

—Masamasiti yiado ma itire. Dios sīgũti jeyaro yi masiguĩji. Ñejuã josarise manoja ĩre, yiquĩ Jesús guare.

<sup>27</sup> Ito ĩ yija tuoc̄ori, Pedro ado bajiro yiquĩ:

—Ȳ Ūju jeyaro gua r̄corisere jidicãcu gua. Iti jeyaro jidicãc̄ori m̄ rãca s̄ya gua. ¿Ito gua yijama ñe bujarã yirãjida gua? yiquĩ ĩ Jesure.

<sup>28</sup> Ito ĩ yija tuoc̄ori, ado bajiro gotiquĩ Jesús ĩnare:

—Riti mware gotia yu. Co rumu mucana mame menigũ yiguĩji Dios. Ito bajiro ã yiri rumu yu Masa Rijoru rotiroju yori cumuroju rujigu yiguja yu. Mwa cuni yure sayarã, jua gubojeno ñari cumurori rotiroju rujirã yirãji mwa cuni. Israel sita gãna jua gubojeno masa buturi gãnare rotirã yirãji mwa. <sup>29</sup> Noa yure cudi ãmorã ãna ya wiri, ãna ñarã, ãna jacusabatia, ãna manojosãromia, ãna rãa, ito yicõri ãna ya wesecare cuni ãna cũ waja, ãna rucobojarise rëto busaro queno bujarã yirãji ãna mucana. Ito yicõri catitiñare bujarã yirãji ãna. <sup>30</sup> Jãjarã adoju ñasari masa ñarã, itoju ãmacũju ñasarã meje ñarã yirãji. Ito bajicõri adoju ñasamena ñarã, itoju ãmacũju ñasarã ñarã yirãji, yiquĩ Jesús guare.

## 20

### *Moari masa gaye Jesús ã goti masiore oca*

<sup>1</sup> “Ïre tuorũnurãre ã rotiroju miojugu yiguĩji Dios”, gua yi masitoni ado bajiro goti masioquĩ Jesús guare:

—Sĩgũ uyé wese co wese rucogu ñayiju. Busuri jĩju ãre moa ãsironare ãmagũ wayiju ã. <sup>2</sup> ãnare bujacõri ãnare busi quenoyiju ã. “Co rumu ãmwasaro yure mwa moa ãsija, coji denario niyeru cuji mware waja yicuja yu”, yiyiju ã ãnare. ãna cudija tuocõri, “Yu ya sita moa ãsitẽña yure”, yiyiju ã ãnare. <sup>3</sup> Ito bero yoa busari nueve tujaroca, gãjerã moa ãmorã cuto gudareco ãna rũgõja ti bujayiju ã. <sup>4</sup> “Wasa, mwa cuni. Yu ya ote wese moa ãsitẽña. Yiro robo queno mware waja yigu yiguja yu”, yiyiju ã ãnare. Ito bajiri ãna cuni ãre moa ãsirã wayijarã. <sup>5</sup> Mucana ito bajiroti ãmwa gudareco ñaroca, tres ñaroca cuni moari masa bujayiju ã. <sup>6</sup> Mucana cinco ñaroca cuto gudareco ejacõri gãjerã moa ãmorã ãna rũgõja ti bujayiju ã. Ito yicõri ãnare ado bajiro yiyiju ã: “¿No yija adi rumu moamenati ãmwasaro rũgõ ucuati mwa?” yiyiju ã ãnare. <sup>7</sup> “Ñimujua

guare, ‘Moa ĩsiña mua’, yibeama. Ito bajiri ñacõa gua”, yiyijarã ĩna ĩre. “Wasa mua cuni. Yu ya ote wese moa ĩsitẽña. Yiro robo queno muare waja yigu yiguja yu”, yiyiju ĩ ĩnare. <sup>8</sup> Rãiocũro ñaroca ĩ ya moari masare coderi masure ji ñucayiju ĩ, ĩ ya moari masare ĩ waja yitoni. “Bero moare sãjacãnajuare waja yisũoya. Ito yicõri moare sãjasuocãnajuare waja yi gajanoaña”, yiyiju ĩ, ĩ ya moari masare coderi masure. <sup>9</sup> Ito yija bero moare sãjasusana ejasũoyijarã. Ito bajiri ĩna jeyarore coji denario niyeru cuji ĩnare waja yiyiju ĩ. <sup>10</sup> Itocõacã ĩna bujaja ticõri, cajero moare sãjasũoana: “Maniama jai busaro bujarã yirãji”, yi tũoĩabojayijarã ĩna. Ito bajiro ĩna tũoĩare ñabojarocati. Co cujiti niyeru cuji boca ãmiyijarã ĩna cuni. <sup>11</sup> Ito bajiri itocõacã bujacõri ujure tudisũoyijarã ĩna. <sup>12</sup> “Gua berõju moasũorã coji cõreti moama ĩna. Ito bajibojarocati ĩnare mu waja yirocõacãti guare waja yia mu. Guama ũmacañi asiro bujaĩbojabu gua”, yi tudiyijarã ĩna ujure. <sup>13</sup> Ito bajiro ĩna yibojarocati sigũre ado bajiro cudiyiju uju: “Yu baba mũre rinibea yu. ‘Yicuja’, yu yiado bajiroti ya yu. Jĩju oca quenocãmu mani. ‘Co rumu moare waja co cuji niyeru cuji waja cutia’, yari mũre busicãmu yu. <sup>14</sup> Mu moare waja ãmicõri wasa. Mũre yu waja yiro bajiroti bero moasũagure cuni itocõti ĩsi ãmoa yu. <sup>15</sup> Yu ya niyeru ña. Ito bajiri yu ãmoro bajiroti ya yu itire. ¿ĩnare queno yu waja yija, itire ti junisiniati mu?” yiyiju ĩ cajero moare sãjasũorũre, yiquĩ Jesús guare.

<sup>16</sup> Gaje ado bajiro yiquĩ Jesús guare:

—Ito bajiroti adoju jãjarã ñasarã ñarã, itoju ũmacũju Dios ĩ ñaroju ñasamena ñarã yirãji ĩna. Gãjerã adoju ñasamena ñarã, itoju Dios ĩ ñaroju ñasarã ñarã yirãji. Masa jeyarore jibojaguti coriarãreti bese ãmigũ yiguĩji Dios, yisũsaquĩ Jesús guare.

Yure sīarā yirāji, Jesús ī yi būsīsusare gaye

(Mr 10.32-34; Lc 18.31-34)

<sup>17</sup> Jerusalénjū gūa wasuoroca, gūa jūa gūbojeno ñarāre būsīrocū ricatī jī ñucaquī Jesús:

<sup>18</sup> —Jerusalénjū ejarā warā, mūja wasuoa mani. Jerusalénjū mani ejaroca Masa Rījorūre ñiarā yirāji masa. Ito yicōri paia ũjarāre, judio masa rotirise riasori masare cūni ĩre ĩsirā yirāji ĩna. ĩnajū ĩre sīa rotirā yirāji. ĩti ña yū Masa Rījorū. <sup>19</sup> Ito yicōri gaje masa yūre ĩna aja tuditoni, yūre ĩna bajetoni, ito yicōri yucutēojū yūre ĩna jaju sīatoni ĩnare yūre ĩsirā yirāji ĩna. Yūre sīacōri godana wato yūre yujebojarā yirāji ĩna. Ito ĩna yibojarocati ũdia rūmū bero yū catiroca yīgū yiguīji Dios yūre, yiquī Jesús gūare.

*Santiago mesa jaco Jesure iso seniā āmore gaye*

(Mr 10.35-45)

<sup>20</sup> Ito yija bero Zebedeo rīa jaco ejacō Jesús rāca būsīroco. Iso rīa Santiago, Juan rāca ejacō. “Yūre queno yiya mū”, yiroco Jesús riojo rijomunigāna ñini rūjūcō iso.

<sup>21</sup> Ito bajiro iso yija ticōri:

—¿No bajiro yū yire āmoati mū? yiquī Jesús isore.

Ito ĩ yijare ado bajiro cūdicō iso:

—Mū rotirojū mū ejaja, yū rīare sīgū mū ya riojocadūja, gājire mū ya gācodūja rojoba ĩnare, yicō iso Jesure.

<sup>22</sup> Ito bajiro iso rīare ado bajiro yiquī Jesús:

—Mūa yūre senibojarisere queno tuo masibeā mūa. Quenabeto yū tuoīaroca yirā yirāji masa yūre. ¿Yūre bajiroti quenabeto tuoīa ñemecuti masirā yirājida mūa cūni? yiquī Jesús ĩnare.

—Ñemecuticōrāji gūa, yicā ĩna Jesure.

<sup>23</sup> ĩna ito yija tuocōri, ado bajiro cūdiquī Jesús:

—Riti mūare gotia yū. Mūa cūni yūre bajiroti tōbujarā yirāji. Ito bajibojarocati yū ya riojocadūja, yū ya gācodūja



mũare rojo masibea yũ. “Āna yũ Macũ tũ rujirã yirãji”, yũ Jacũ ĩ yicãdo bajiroti, ĩnare rojogu yiguĩji, yiquĩ Jesús ĩnare.

<sup>24</sup> Gũa Jesús rãca riasotirã jũa dujamocõ ñarã, “Ito bajiro ãmoa gũa”, ĩna yija tuocõri, tuo junisinicũ gũa. <sup>25</sup> Ito bajiro gũa bajija ti masicõri, ado bajiro yiquĩ Jesús gũare:

—Sita ɛjarã ñasari masa ĩna roca gãnare rotirã yirãji. Ito yicõri mũcana ĩnare moa ĩsiri masa, ĩna roca gãnare bũto bũsa sẽoro rotirã yirãji ĩna. “Ito bajiro yicã masa”, yĩ tuo masia mũa. <sup>26</sup> Mũama ito bajiro bajimena yirãji. Gajero bajirojũa baja. No ñasagu ña ãmogũ, gãjerãre ejabuagu yiguĩji. <sup>27</sup> Ito yicõri cajero gagũ ñasũo ãmogũ, gãjerãre moa ĩsigũ yiguĩji. <sup>28</sup> Yũ cũni ito bajiroti ya. Gãjerã yũre moa ĩsijaro yigu meje wadicũ yũ. ĩnajuare ejabuagu wadicũ yũ. Jãjarãre masorocũ wadicũ yũ. ĩna ñeñaro yirisere waja yĩ ĩsirocũ goda ĩsigũ wadicũ yũ, yiquĩ Jesús gũare.

Jũarã cajea manare Jesús ĩ yisiore gaye

(Mr 10.46-52; Lc 18.35-43)

<sup>29</sup> Jericó wame cutiri cuto gũa budi waroca, jãjarã masa sũyacã, Jesure ti ãmorã. <sup>30</sup> Itoju gũa waroca jũarã cajea timena rujicã ma tũju. Jesús ĩ rõtaja tuocõri, ado bajiro ĩre ji awasãcã ĩna:

—Gũa ɛju, David ñayoru janerãbatia janamiti ña mũ. Gũare ti maiña mũ, yĩ awasãcã ĩna.

<sup>31</sup> Ito bajiro ĩna yibojarocati, “Awasãbesa maji”, yicã masa. Ito bajiro ĩna yibojaroca riti, bũto bũsa awasãcã ĩna mũcana:

—Gũa ɛju, David ñayoru janerãbatia janami ña mũ. Gũare ti maiña, yĩ awasãcã ĩna bũto bũsa.

<sup>32</sup> Ito ĩna yija tuocõri, tuja rũgũquĩ Jesús. Ito yicõri cajea manare ji ñucaquĩ ĩ:

—¿No bajiro yũ yire ãmoati mũa? yiquĩ ĩ ĩnare.

<sup>33</sup> —Gũa ɛju, cajea ti ãmoa gũa, yicã ĩna Jesure.

<sup>34</sup> Ito ñna yija tʉocõri, ñnare ti maiquĩ Jesús. Ito yicõri ñna ya cajeari moañaquĩ ñ. Ito bajiro ñ yirocati timena ñabojana ticoacã ñna ñja. Ito ñ yija bero ñna cʉni Jesure sʉyacã.

## 21

*Jerusalén*ñu Jesús ñ ejare gaye

(*Mr 11.1-11; Lc 19.28-40; Jn 12.12-19*)

<sup>1</sup> Jerusalén cõña warã Betfagé wame cutiri cuto ejacu gʉa. Jabeto cõñasʉocu Jerusalén ñja. Olivos wame cutiri turia judo ñacu iti cuto. Jũarã gʉa rãca gãnare ñ rãca riasotirãre, <sup>2</sup> ado bajiro rotiquĩ Jesús:

—Mani waroto riojo ñari cutore wasa maji. Itoñu ejacõri burro sia rügõrʉre bujarã yirãji mʉa. Ito yicõri ñ macu cʉni ñagũ yiguĩji ñ rãca. Ñnare õjacõri ãmi wadi ñsima yʉre. <sup>3</sup> Sĩgũ mʉare ñ busija. “Mani ʉju ñnare ãmoami”, yiba. “Yoari mejeti mʉcana mʉre judacõarã yirãji gʉa”, yiba. Ito bajiro mʉa yija tʉocõri, “Baʉ wasa”, yigʉ yiguĩji mʉare, yiquĩ Jesús ñnare.

<sup>4</sup> Ito bajiro yiquĩ Jesús, sĩgũ Diore goti ñsiri masʉ ñ ucado bajiroti yigʉ. Ado bajiro ucayoñi Diore goti ñsiri masʉ:

<sup>5</sup> Jerusalén gãnare ado bajiro yiba: “Tiya mʉa. Mʉa ʉju wadiami. ‘Ñasagu ña yʉ’, yirocu meje ejami ñ. Burro gajeoni ñmari masʉ macu ñ joe jesacõri wadiami ñ”, yiba, yi ucañi Diore goti ñsiri masʉ ñayorʉ.

<sup>6</sup> Jesús ñ rotija tʉocõri, ñ rotiro bajiroti yicã ñna. <sup>7</sup> Burro ñ macu rãcati ãmi wadiñi ñna. Ñna ya yutabujurire ruacõri burro joere jeocã ñna. Ito ñna yija bero mʉja jeaquĩ Jesús ñja. <sup>8</sup> Ito iti bajiroca masa jãjarã ñnacã. Ñna ya yutabujuri ruacõri mare eyocũ yucã ñna. “Gʉa ʉju ña mʉ”, yirona ito bajiro yiyijarã masa Jesure rʉcʉbʉorã. Gãjerã yucʉguri jatacõri mare cũ yucã ñna. <sup>9</sup> ñ riojʉa gãna, ñ berojʉa gãna cʉni ñre wanʉrã ado bajiro awasã wacã ñna:

—Mu ña David ñayoru janerãbatia janami. Mu ña gwa Uju. Rêtoro masigũ ña mu. Dios ã cõaru ña mu. Queno yijaro Dios mure. Quenasacõa Dios ã ito bajiro ã cõaja, yi awasã wacã masa.

<sup>10</sup> Ito bajiro Jesús masa rãca ã ejaja, tuo batocõri tuoia oca jaicã masa. Jãjarã ñnamasi gãmeri seniãcã ñna:

—¿Ñimũõcũ ñati ãni? yicã ñna.

<sup>11</sup> Gãjerã ado bajiro yicã:

—Ïti ñami Jesús Diore goti ãsiri masu. Galilea sita Nazaret wame cutiri cuto gagu ñami ã, yicã masa.

*Dios ya wiju niyeru wasoari masare Jesús ã bucõare gaye (Mr 11.15-19; Lc 19.45-48; Jn 2.13-22)*

<sup>12</sup> Ito ã yija bero Dios ya wi minijuara wiju sãja wacu gwa Jesús rãca. Iti wiju waja gãme ñari masare ticõri ñnare bucõaquĩ Jesús. Masare ñna niyeru wasoa ñari casabore tujuda queoquĩ Jesús. Ito yicõri bujare ñna ãsi rujiri cumurori tujuda cõaquĩ. <sup>13</sup> Ado bajiro gotia Dios oca tuti yiquĩ Jesús:

—Yu ya wiama yure rũcubũorona ñna minijuara wi ñaro yiroja. Ito bajibojarocati mũama riniri masa ñna rudiri wi robo bajiro meniyija mũama, yi gotia Dios oca tuti, yiquĩ Jesús ñnare.

<sup>14</sup> Iti wiju minijuara wiju gwa ñaroca, cajea mana ito yicõri wa masimena ejacã Jesús tu. Ñna ejaja ticõri, ñnare yisioquĩ Jesús. <sup>15</sup> Ito bajiro Jesús tiyamani ã ãoja ticõri, paia ujarã ito yicõri judio masa rotirise riasori masa cuni Jesure tuo junisinicã ñna. “Rêtoro masigũ ña mu. David uju ñayoru janerãbatia janamiti ña mu”, minijuara wiju rãca ñna awasãja tuocõri, Jesure tuo junisinicã ñna. <sup>16</sup> Ito bajiri Jesure ado bajiro yicã ñna:

—¿Ito bajiro ñna busija tuocuatĩ mu? yicã ñna Jesure.

—Tuo ya ñnare. Dios oca tutiju ito bajiro iti gotija. ¿Tĩĩabeati mũa? Ado bajiro gotia iti:

Rĩaca ito yicõri ũjurãcã cuni mũre ãna wanũ rũcũbuoroca ya mũ, yi gotia Dios oca, yiquĩ Jesũs ãnare.

<sup>17</sup> Ito yija bero ãnare wagocu gũa. ãnare wagocõri Betania wame cutiri cutojũ ejacu gũa. Itojũ canicũ gũa.

*Higuera rica manigũre* Jesũs ã rojare gaye

(Mr 11.12-14,20-26)

<sup>18</sup> Mũcana busuri Jerusalẽnju tũdi wacu gũa. Ma gũ-dareco gũa tũjaroca, “Ñiocõa yũ”, yiquĩ Jesũs. <sup>19</sup> Ma tũ higuera wame cutiricũ ñacu. Itigũ ricare ba ãmogũ ojabojaquĩ Jesũs. Rica manicũ itigũjuama. Jũgoti ñacu. Ito bajiro itigure ado bajiro yiquĩ Jesũs:

—Jũaji rica cutibitiatõja mugo, yiquĩ Jesũs itigure.

Ito bajiro ã yirocati sinia godacoacu itigũ. <sup>20</sup> Ito bajiro iti rõtaja ticõri, ucacu gũa Jesũs rãca riasotirã:

—¿No bajijare yoari mejeti sinia godati itigũ? yicũ gũa Jesure.

<sup>21</sup> Ado bajiro gũare cudiquĩ ã:

—Riti mũare gotia yũ. Yũre tũorũnũcõri, “Yũre ejabuabiquĩji Jesũs”, mũa yi tũoĩabeja, janeti higuera gũre yũ yiro bajiro meje riti yi masirãji mũa. Gaje sũo busarise yi masirãji mũa. I tũriare, “Cunĩ rũgõcõri riaca jajosaju queda roaya”, mũa yija, ito bajiroti rõtaro yiroja. <sup>22</sup> Diore busirã mũa senija, ãre mũa tũorũnũjama mũa seniro bajiroti bajiro yiroja, yiquĩ Jesũs gũare.

“¿Ñimũ ã rotijare ito bajiro yati mũ?” yi Jesure ãna seniĩare gaye

(Mr 11.27-33; Lc 20.1-8)

<sup>23</sup> Ito rõtã wacõri Jerusalẽnju ejacu gũa mũcana. Ito yicõri minijuara wiju sãjacũ gũa Jesũs rãca. Ito gũa ñaroca riti paia ujarã, ito yicõri judio masa bucũrã ejacã Jesure seniĩarona:

—¿Ñimũ ã rotijare ito bajiro yati mũ? ¿Ñimũ mũre, “Ito bajiro yiba”, yicati? yicã ãna Jesure.

<sup>24-25</sup> Ito bajiro ñna yija tʉocõri:

—Yʉ cʉni mʉare ado bajiro seniñagũ ya. Yʉre mʉa cʉdija berojʉa, “Í rotirena ya yʉ”, mʉare yicʉja maji. ¿Ñimʉ cõayijari Juanre masare í idé gutoni? ¿Dios cõayijarite? ¿Masajʉa cõayijarite? yi seniñaquí Jesús ñnare.

Ito í yija tʉocõri, ñnamasiti gãmeri tʉoĩa bʉsicã ñna: “ ‘Dioti Juanre idé gu rotiñi’, mani yija, mʉcana manire seniñagũ yiguñi Jesús: ‘¿No yija ñre tʉorũnubiticati mʉa?’ yi seniñagũ yiguñi Jesús manire. <sup>26</sup> ‘Masati Juanre idé gu rotiñi’, mani yijama, masa bʉto ti tudirã yirãji manire. ‘Diore goti ñsiri masʉ ñami Juan’, yi tʉoñarãji masa”, yi gãmeri tʉoĩa bʉsicã ñna. <sup>27</sup> Ito bajiro tʉoĩacõri:

—“Íti Juanre idé gu rotiñi”, yi masibeja gʉa, yicã ñna Jesure.

Ito ñna yija tʉocõri, ado bajiro cʉdiquí Jesús ñnare:

—Ito bajijama í rotirenati adi jeyaro tiyamani ya yʉ, yi masibeja yʉ cʉni mʉare, yiquí Jesús ñnare.

*Sĩgũ* í rĩa jʉarãre moa rotire Jesús í riasore gaye

<sup>28</sup> Mʉcana judio masa bʉcʉrãre ado bajiro seniñaquí Jesús:

—Mʉare oca gotigʉ ya yʉ. ¿Itire no bajiro tʉoĩarã yirãjida mʉa? *Sĩgũ* ñayijʉ jʉarã rĩa cutigʉ. Í macʉ ñasʉogʉre ado bajiro yiyijʉ í: “Macʉ jane yʉ ya ote ʉyére moagũ wacʉ ya mʉ”, yiyijʉ í, í macʉre. <sup>29</sup> “Åmobeja yʉ, wabicʉja yʉ”, yiyijʉ í ñre. Ito bero gaje tʉoĩa quenocõri moagũ wayijʉ í ñja. <sup>30</sup> Ito yija í macʉ gãjire cʉni ito bajiroti moa rotiyijʉ. “Baʉ, moagũ wacʉja cʉna yʉ”, yiyijʉ í ñja í jacʉre. Ito yibo jaguti moagũ wabisijʉ í. <sup>31</sup> Mʉa tʉoĩaja, ¿ñimʉjʉa ñayijari í jacʉ ãmoro bajiro yigu? yi seniñaquí Jesús ñnare.

Ito í yija tʉocõri:

—Cajero í moa rotisʉoru quenañi, yicã ñna Jesure.

Ito ñna yija tʉocõri, ado bajiro yiquí Jesús:

—Riti muare gotia ya. Ujarãre yiari waja seni ãsiri masa ito yicõri wedi masa romia mua riojuaju Dios ã rotiroju ejarã yirãji ãna. <sup>32</sup> Juan idé guri masu, “Ado bajirojuã mua ñaja quena”, yi muare ã riasobojaja, ãre tuorũnubisija mua. Ito bajibojarocati ujarãre yiari waja seni ãsiri masa, ito yicõri wedi masa romia cuni ãre tuorũnuñi ãna. ãna ito bajiro Juan idé guri masure ãna tuorũnuja, tibojarãti mua ñeñaro yirise jidicã amobisija mua. Ito yicõri Juan idé guri masure tuorũnubisija mua, yiqui Jesús ãnare.

*Queno moare rujeo masimena Jesús ã yire gaye*

*(Mr 12.1-12; Lc 20.9-19)*

<sup>33</sup> Gaje goti masiore ocana muare gotigu ya yu: Sigu weseca cutigu ã ya weseju uyé oteyiju. Iti wesere ote tãocõri iti wesere camotayiju ã. Ito yicõri uyé ide bijerotiju coju meniyiju ã. Iti wese ñacõri tirũnurocu umacũju casabo meniyiju ã. Ito yija bero co rumu gãjerãre tirũnu wasoa rotiyiju. Ito yicõri gajeroju wacoayiju ã. <sup>34</sup> Ito bajiri co rumu uyé iti rica cutiroca, “Yu ye ñaroti jabeto uyé amitẽña”, yirocu ã ya moari masare cõayiju ã. <sup>35</sup> Iti weseju ãna ejaja ticõri, ito coderi masa ãnare ñiayijarã. Siguãre jayijarã, ito yicõri gãjire sãayijarã, ito yicõri gãjire gũtana reayijarã. <sup>36</sup> Iti oca tuocõri jãjarã busa ã ya moari masa cõayiju ã, ã ya wesejaju ã ye ñaroti ãna amitoni. Iti weseju ãna ejaroca, iti wese code ñana ito riojuã ejanare ãna yiado bajiroti yiyijarã mucana.

<sup>37</sup> Ito bajiro ãna yija tuocõri, “Yu macujuare rucuborãji”, yi tuoãcõri ã macure wa rotiyiju ã. <sup>38</sup> ã macu ejaja ticõri, ado bajiro tuoã busiyijarã ãna: “Adi sita uju godagoja ãni macuti ñami wasoarocu, ito bajiri ãre mani sãaja, mani ya sita ñaro yiroja ãja”, yi gãmeri tuoã busiyijarã ãna. <sup>39</sup> ãna tuoãdo bajiroti ãre sõju ñia ãmi wacõri sãayijarã ãna, yiqui Jesús ãnare.

<sup>40</sup> Ito bero mucana ado bajiro ãnare seniãquã Jesús:

—¿Ī tūdi ejaja no bajiro yigu yiguĩjida ñnare, iti wese codeanare? yi seniñaquí Jesús ñnare.

<sup>41</sup> Ito ĩ yija tuocōri, ado bajiro cudicã ñna Jesure:

—Ñnare ti maiari meje ñnare sĭagũ yiguĩji ĩ iti sita ʋju. Ito ĩ yija bero gãjerãre tirũnu wasoa rotigu yiguĩji ĩ. ʋyé iti bucuaroca iti wese ʋjũre ĩsironare ñnare wasoagu yiguĩji ĩ, yicã ñna Jesure.

<sup>42</sup> Jesujua ado bajiro yiquĩ ñnare:

—¿Dios oca tuti tiĩabeati mua? Ado bajiro gotia iti tuti: Gũta wi meniri masa coga gũtagãre cõayijarã ñna. Ito bajibojarocati gaje gũta rētoro quenarica ñayiju itiga ñna cõabojaraga. Itiga gũtagãna suoriti quenari wi menigũ yiguĩji Dios. Itiga gũtagã manija, menire ma. Ito bajiro ãmoñi Dios mani ʋju. Ito bajiri itire masicōri buto tuoĩa wanua mani, yi gotia Dios oca. Ito bajiro yiñi Dios, yũre rētaroti tuoĩa yugu. <sup>43</sup> Ito bajiri muare ado bajiro gotia yũ: “Īre tuorũnurãre ĩ rotiroju miojugu yiguĩji Dios”, muare gãjerã gotibojarocati tuorũnubisija mua. Ito mua yija ticōri, gãjerã masa ĩ oca ñna masiroca yiñi Dios. Ito bajiri ĩre ñna queno cudija ticōri, ñnareama miojugu yiguĩji Dios, ĩ rotiroju. Mua judio masare ĩ rotiroju muare cũ yubojãni Dios. Muare yubojacōri gãjerãre cũgũ yiguĩji Dios ĩ rotiroju. ĩ ya weseca ejabua ãmorãre bajiro bajirã cũgũ yiguĩji Dios ĩ rotiroju. <sup>44</sup> Jiju gũta gaye muare yũ busirise ado bajiro baja: No gũtagã joe quedi jeagure ĩ ya gõari jearo yiroja ĩre. Ito yicōri itiga gũtagã sigũre iti quedi jeaja, mano abocōro yiroja. No yũre tuorũnubicũ, catitĩnabicũ yiguĩji. Ito yicōri noa jeame ʋjũroju cõa ãmorãre yũ cõaja, ruyuriorocũ cõagũ yigũja yũ, yiquĩ Jesús ñnare.

<sup>45</sup> Goti masiore oca Jesús ñnare gotija tuocōri, “Manireti busiami”, yire masiri seyocã fariseo gaye tuoĩarã, paia ʋjarã cuni. <sup>46</sup> Ito bajiri Jesure ñna ãmori seyobojacã ñna.

Ito bajiro tuoŋabojarāti masare güirã Jesure ñiabiticã ñna. “Diore goti ñsiri masu ñami Jesús”, masa ñna yi tuoŋajare, masare tao güicã ñna.

## 22

*Ámo siare gaye Jesús i riasore oca*

*(Lc 14.15-24)*

<sup>1</sup> Mucana masare goti masiore ocana gotisuoquĩ Jesús:

<sup>2</sup> —“Ado bajiro bajia, ñre tuorũnurãre i rotiroju Dios i miojuri rumu”, yirocu ado bajiro gotiquĩ Jesús: Sĩgũ uju i macu ámo siare basa meniyiju. <sup>3</sup> “Ti ejabuaronare jitẽña”, yirocu i ya moari masare cõayiju uju. Ito i yija tuocõri, jirã wabojayijarã ñna. Ñna jibojarocati wadi ámobisijarã ñna. <sup>4</sup> Ito bajija ticõri, gãjerã i ya moari masare cõayiju uju. “Gua uju muare bocatimi. I ya wecu ri cutirãre sĩa rotimi i. Muare bocati ñami i. Ito bajiri i macu ámo siari rumu tirã waya mua cuni, yiba ñnare”, yi oca cõayiju uju. <sup>5</sup> Ito yija tuocõri, jirã wabojayijarã ñna mucana. Ito bajibojarocati ñre cudi ámobisijarã i oca cõana. Ito bajiri ñna gotibojaroca riti, gãjiama i ya wesecaju wayiju. Gãji i gajeoni i ñsiroju wayiju. <sup>6</sup> Gãjerãma uju i cõanare boca ñiyijarã. Ito yicõri ñnare jayijarã. Ito yirã riti ñnare sĩa cõoyijarã ñna. <sup>7</sup> Itire tuocõri buto junisiniyiju uju. Ito bajiri i ya surarare ñnare sĩa rotiyiju, ito yicõri ñna ya wirire soe rotiyiju i. <sup>8</sup> Ito yija bero gãjerã ñre moa ñsiri masare ado bajiro yiyiju i: “Yu macu i ámo siaroti gaye ñajediro ñacã. Jiju yu oca cõabojanama wadire ma ñnare. <sup>9</sup> Cuto gudareco wasa. Itoju mari mua ti bujaro bajiroti baba cutiba”, yiyiju uju ñre moa ñsiri masare. <sup>10</sup> I rotiro bajiroti masa miojuyijarã ñna mariju. Quenarã, ñeñarã, ñna bujaro bajiroti miojuyijarã ñna. Ito bajiri uju ya wi dajacoayiju.

<sup>11</sup> Ito yija i oca cõanare tigu sãjayiju uju. Sĩgũ i ámo siara rumu sãñare gaye yutabuju i sãñabeja tiyiju i. <sup>12</sup> Ito



bajiri ado bajiro yiyijũ ã ãre: “Yũ baba, ¿no yija ãmo siare gaye yutabuju sãñabeati mũ?” yiyijũ ã ãre. Ito ã yija cudi bisijũ yutabuju sãñabicũ. <sup>13</sup> Ito yija bare jeori masare ado bajiro yiyijũ ujũ. “Í ya gũbori, ã ya ãmori rãca siaya ãnire. Ito yicõri rãitãroju cõãña ãre. Itoju ejacõri ñeñaro tõbujagu yiguĩji. Ito bajiri oticõri buto tuoña oca jaigu yiguĩji ã”, yiyijũ ujũ ã ya bare jeori masare. Ito bajiroti bajiroja ãmacũju Dios ã rotiroju cuni. <sup>14</sup> Jãjarãre jibojami Dios, ã ñaroju ãna ejatoni. Ito bajibojarocati coriarãti ã beseana goti ejarã yirãji ã ñaroju, yiquĩ Jesús ãnare.

*Ujarãre mani waja ruyurioja ñaro bajiroti waja yija quena, Jesús ã yire gaye*

*(Mr 12.13-17; Lc 20.20-26)*

<sup>15</sup> Ito ã yija tuoõri, fariseo gaye tuoãrã wacoacã. Sãgũre bajiro tuoãcõri, “Josari oca ãre mani seniãaja, cudi masibicũ yiguĩji ã. Ito bajiro ã cudi masibeja tuoõri, “Íre seti ña’, yirã yirãji mani”, yi tuoãri seyobojacã ãna. <sup>16</sup> Ito bajiro tuoãcõri ãna ñarãre ito yicõri Herodes ñarã rãca, “Ado bajiro Jesure seniãatẽña mũ”, yi ñucayijarã ãna. ãna cõana Jesús tu ejacõri ado bajiro seniãacã ãna Jesure:

—Tuoã riasori masũ mũ. “Riojo gotigu ña mũ”, yi masia gũ. “Ado bajiro ãmoami Dios”, yi riasogu ñaro bajiroti masare riasoa mũ. Masa busirise tuoãñubicuti quenarise riasogu ña mũ. Gãjerã ñasari masa gajero bajiro ãna riasobojarocati, ãnare tuoãñubicuti, ñasarise riasoa mũ. <sup>17</sup> Ito bajiro mũ yija, no bajiro mũ tuoãre gaye tuo ãmoa gũ. ¿Roma cuto gagũ ujũ guare ã waja seniãa, waja yirãjida gũ, waja yibeatite gajerea? yi seniãabojacã ãna Jesure.

<sup>18</sup> “Yũ wisatoni ito bajiro yũre seniãama ãna”, yi masiri seyoquĩ Jesús. Ito bajiri ado bajiro yiquĩ ã ãnare:

—“Queno yirã ña guama”, yirã ñabojarãti queno yirã meje ña mũ. ¿No yija yũ tuo wisatoni ito bajiro seniãati

mua? <sup>19</sup> “Sita waja, waja yiroti cuji niyeru cuji yure ñoña”, yiquĩ Jesús ñare.

Ito yija niyeru cuji ñre ñocã ña. <sup>20</sup> Iti cuji niyeru cuji ticõri, ado bajiro ñare seniñaquĩ Jesús:

—¿Ñimũ ya rio ñati adi rio? ¿Ñimũ wame, wame cutiati iti? yiquĩ Jesús ñare.

<sup>21</sup> —Gobierno masa ɸjũ César wame cutigu ya rio ña. Ito yicõri ñ wameti ña iti, yicã ña Jesure.

—Gobierno masare mani waja ruyurioja ñaro bajiroti waja yija quena. Ito bajiroti manire Dios ñ rotija ñaro bajiroti ñre cudija quena, yiquĩ Jesús ñare.

<sup>22</sup> Ñ queno cudi masija tuoõri, ruju ɸcacã ña. Ito bajiri mɸcana tudi seniña ɸyabiticã ña ñja. Seniñamenati wacoacã ñja.

¿Godacõri tudi caticoarã yirãjida masa? yi Jesure ña seniñare gaye

(Mr 12.18-27; Lc 20.27-40)

<sup>23</sup> Iti rumuti saduceo gaye tuoñarã Jesure tirã ejacã. “Masa ña godaja bero mɸcana tudi catire ma”, yirã ñama saduceo gaye tuoñarã. Ito bajiro tuoñarã ñari, Jesure seniñarã ejacã ña:

<sup>24</sup> —Tuoya riasori masu mu. Moisés ñayoru ñ yire gaye mure seniñarã wadibu gua. Ado bajiro yini Moisés ñayoru: “Sĩgũ manajo cutigu rĩa macuti ñ godagoja, ñ bero gagu ñ rĩjoru manajo godore manajo cutija quena. Ito bajiri iso rĩa ñacõri, rĩjoru ñajacure wasoagu rĩa cuti wasoagu yiguĩji ñ”, yi ucañi Moisés ñayoru. <sup>25</sup> Gua wato sĩgũ rĩa jua ñmojeno ñabojañi. Sĩgõreti manajo cutibojañi ña. Ñasuoгу isore manajo cutisuoβοjañi. Rĩa macuti godañi ñ. Ñ godaja bero gãji ñ ocabaji wasoabojañi. Rĩa macuti godañi ñ cuni. <sup>26</sup> Ñ bero gãna cuni ito bajiroti manajo cutibojañi. Rĩa manati godañi ña cuni. Ito bero susagu cuni ito bajiroti bajiyijũ. <sup>27</sup> Iso manɸjusabatia ña goda jedija bero

iso cūni godacoañi ĩja. <sup>28</sup> Godabojarāti mūcana tūdi ĩna catija bero, ¿ñimūjua ñaguĭjida iso manūjū ñasarocū ĩna ñarocōti isore ĩna manojō cutija bero? yi seniĭacā ĩna Jesure.

<sup>29</sup> Ito ĩna yija, ado bajiro cūdiquĭ Jesús:

—Dios oca tuti gaye queno tūoĭa masimena ña mūa. Dios ĩ masirise masirā meje ña mūa. Ito bajiro yure mūa seniĭabojaja, queno tūoĭacōri meje seniĭa mūa. <sup>30</sup> Ado robojua bajia. Godana mūcana tūdi caticōri manojō cutire ma. Ito yicōri ĩna rĭa romiare manūjū cuti rotimenaji ĩna. Ūmacĭjū ángel mesa robo bajiro bajirā ñarā yirāji ĩna. <sup>31</sup> ¿Masa ĩna godaja bero mūcana tūdi catirā yirājida ĩna mūcana? yija, Dios oca tuti tiya. Dios oca tuti gaye ti jeorā meje ña mūa. Īmasiti ado bajiro gotiami ĩ oca tutina: <sup>32</sup> “Abraham, Isaac, Jacob ñayoana Ūjuti ñasotia yū”, yi gotiami Dios ĩ ocana. Ito bajiri godana ūjū meje ñami Dios, catirā Ūjūjua ñami, yi tūoĭa mani, yiquĭ Jesús ĩnare.

<sup>33</sup> Ito bajiro Jesús ĩ riasore gaye ĩ gotija tūocōri, ūcacā masa.

*Dios ĩ rotirise ñasarise gaye*

*(Mr 12.28-34)*

<sup>34</sup> Ito bajiro saduceo gaye tūoĭarā Jesús ĩ oca taja tūoyi- jarā fariseo gaye tūoĭarā. Ito bajiri iti tūocōri minijuay- ijarā fariseo gaye tūoĭarā. <sup>35</sup> Sĭgū ĩna wato judio masa rotirise riasori masū ñañi. “No bajiro Jesús yure ĩ cūdija tūocūja”, yirocū ado bajiro Jesure seniĭagū ejaquĭ ĩ.

<sup>36</sup> —Riasogū, ¿dise ñati Dios ĩ rotirise ñasarise mū tija? yi seniĭaquĭ ĩ Jesure.

<sup>37</sup> Ito ĩ yija tūocōri, ado bajiro cūdiquĭ Jesús:

—Mani Ūjū Diore buto maija quena. Mani tūoĭarisena, ito yicōri mani ya ūsina Diore mani maija quena. Ī sĭgūreti tūorūnūcōri, buto ĩre mani maija quena. <sup>38</sup> Iti ña ñasarise Dios ĩ rotire. <sup>39</sup> Iti bero rotire gaye itire bajiro bajiriseti ña.

Ado bajiro bajia iti: “Mũ ya rujure mũ mairo bajiroti gãjerã mũ ñarãre maija quena”, yi rotiami Dios. <sup>40</sup> Iti juaajiti ña Dios ï rotirise ñasarise. Iti juaaji gaye Dios ï rotire gaye mũa cudiya, Moisés ñayoru ï rotire gaye, Diore goti ïsiri masa ña riasorise gaye cuni yiro bajiro cudirã ñarã yirãji mũa, yiquĩ Jesús ñnare.

¿Ñimũ janami ñayijari Cristo mũa tija? yi Jesús ï seniãre gaye

(Mr 12.35-37; Lc 20.41-44)

<sup>41</sup> Fariseo gaye tuoãrã gũa tuti ñna minijuaroca maji,  
<sup>42</sup> ado bajiro seniãquĩ Jesús ñnare:

—¿Ñimũ ñati Cristo, Dios ï cõaru mũa tija? Ito yicõri, ¿ñimũ janami ñati ï? yiquĩ Jesús ñnare.

—David ñayoru janerãbatia janamiti ñami ï, yicã ñna Jesure.

<sup>43</sup> ñna ito yija tuocõri, ado bajiro yiquĩ Jesús ñnare:

—Riti mũa tuoãja, ¿no yija David ñayoru ïre tuoãgũ, “Yũ Ʋjũ”, yiyijari? Tite mũa. Ado bajiro ucañi David ñayoru. Espiritu Santo ï rãca ï ñajare ado bajiro ucañi ï:

<sup>44</sup> Yũ Ʋjũre ado bajiro yiñi Dios: “Yũ ya riojocadũja rujiya, mũ wajanare mũ rotiroca yigũ yigũja yũ”, yiñi Dios yũ Ʋjũre, yi ucayoñi David.

<sup>45</sup> David ñayoru janerãbatia janami ï ñaja, “Yũ Ʋjũ”, yibitiboru David ñayoru, yiquĩ Jesús ñnare.

<sup>46</sup> Ito bajiro ï gotija tuocõri, sīgũjũa cudi masibiticã Jesús ï gotiriserẽ. “Masi yucãguĩji ï”, yi tuoãcõri itocõti ïre seniã jidicãcã ñna ïja.

## 23

“Seti ña mũare”, fariseo gaye tuoãrãre Jesús ï yire gaye  
(Mr 12.38-40; Lc 11.37-54; 20.45-47)

<sup>1</sup> Ito yija bero ado bajiro yiquĩ Jesús masare, gũa ï rãca riasotirãre cuni:

<sup>2</sup> —“Moisés ñayoru ï rotire gaye tuo masirã ñama fariseo gaye tuoïarã, judio masa rotirise riasori masa cuni”, yama masa. <sup>3</sup> Ito bajiri ñna rotiro bajiroti cudiba. Jeyaro ñna rotiro bajiroti cudiba. Ito bajibojarocati ñeñaro ñna yirisere yibeja itireama. “Ado bajiro ya gua”, yibojarãti ricati yama ñna. <sup>4</sup> “Cudi masia mani”, masare rotiamã ñna. Ito bajibojarocati ito bajiro riti ñnare roti uyama ñna. “Ito bajiro yiya mua”, yibojarãti ñnamasiti ito bajiro yibeama ñna. <sup>5</sup> Jeyaro ñna yirise, “Queno yirã ñama ñna”, masa ñna yi tijaro yirona ito bajiro yibojama ñna. Masa ñna tiro riojo ñna ya rioweca, ñna ya ricajudori cuni Dios oca jũ wõbojama ñna, “Gãjerã guare ti seyojaro”, yirona ito bajiro yibojama ñna. Ito yicõri yutabujuri yoarise gãjerã rêto busaro rore gaye sãñabojama ñna. “Gãjerã guare ti seyojaro”, yirona ito bajirise sãñabojama ñna. <sup>6</sup> Ñna ba ruji ãmoja, quenari cumuro ba ruji ãmoama ñna. Minijuara wirijũ ñna ruji ãmoja, rucubworajũ riti ruji ãmoama ñna. <sup>7</sup> Marijũ masare ñna bocaia, queno rucubwore rãca seniãre ãmoama ñna. Ito yicõri, “Yure riasogu”, masa ñna yire ãmoama ñna, yiquĩ Jesús guare.

<sup>8</sup> ’Muama ricati yija quena. “Yure riasogu”, masa ñna muare yiroca yibeja. Mani jeyaro sigũ riãre bajiro bajirã ñna mani. Yũ Cristo, Dios ï cõaru yũ sigũti ñna muare riasori masũ. <sup>9</sup> Sigũti ñnami mani Jacũ. Ñti ñnami Dios umacũjũ gagũ. Ito bajiri adi sita gãnare, gãjerã umuare, “Cuna”, yibeja mua. <sup>10</sup> “Yũ ujũ”, yi rotibeja gãjerãre. Yũ Cristo, Dios ï cõaru sigũti ñna mua Ujũ. <sup>11</sup> Sigũ mua rãca gagũ muare ï ejabuaja, ï ñagũ yiguĩji ñasagu. <sup>12</sup> No gãjerã riojua gagũ ña ãmobjaguti ñabicũ yiguĩji ï. Ito bajiri berojua gagũ tujagu yiguĩji ï. Sigũ, “Gãjerã rêtoro ñasagu ña yũ”, yibicũ ï ñagũ yiguĩji ñasagu, yiquĩ Jesús guare.

<sup>13</sup> Fariseo gaye tuoïarãre, judio masa rotirise riasori masare cuni busigu ado bajiro busiquĩ Jesús:

—Bujato bujarã wãna ya mua. “Queno yirã ña gua”, yibojarãti mua yiro bajiro yirã meje ña mua. Dios ï rotiroju gãjerã ña sãjabititoni itire camota mua. Gãjerã ña sãja âmobojarocati ñnare camota mua. Ito bajiri mua cuni sãjamena yirãji, yiquĩ Jesús ñnare.

<sup>14</sup> Bujato bujarã wãna ya mua fariseo gaye tuoĩarã, judio masa rotirise riasori masa mua cuni. “Queno yirã ña gua”, yibojarãti mua yiro robo yirã meje ña mua. Manuju godagoana romiare ruocõri jairoguti ñnare waja senia mua. Ito bajiro yicõri ña rucobojarisere ñarocõti ãma jeoa mua. Queno yimena ñabojarãti masa muare tuo wanutoni yoari ña tiro riojo Diore busitobuabojaja mua. Ito bajiri buto busa muare waja senigũ yiguĩji Dios. Ito bajiri gãjerã rëtoro tõbujarã yirãji mua, yiquĩ Jesús ñnare.

<sup>15</sup> Bujato bujarã wãna ya mua fariseo gaye tuoĩarã, judio masa rotirise riasori masa mua cuni. “Queno yirã ña gua”, yibojarãti mua yiro robo yirã meje ña mua. “Mani robo gãji ï tuoĩaja quena”, yi tuoĩabojacõri jeyaro masare riaso ucuja mua. Sīgũ muare bajiro tuoĩaroca mua yigure buto busa ñeñaro ï tuoĩaroca ya mua. Ito bajiri mua rëto busaro ñeñaro yicõri jeame ñjuroju warujami ï cuni, yiquĩ Jesús ñnare.

<sup>16</sup> Bujato bujarã wãna ya mua. Cajea mana gãjerã cajea manare tũa wabojarãre bajiro bajirã ña mua. Ado bajiro gãjerãre yiboja mua: “ ‘Dios ya wi wamenati ado bajiro yicuja yu’, yibojarãti mua yiro robo yibeja cuni no yibea iti. ‘Dios ya wiju oro wamena ado bajiro yicuja yu’, mua yija, yiro bajiroti yiba itireama”, yiboja mua gãjerãre.

<sup>17</sup> Tuo masimena, cajea manare bajiro bajirã ña mua. ¿Disejua ñati ñasarise mua tija? ¿Orojua ñasatite mua tija? ¿Dios ya wiju oro cuji ñariju masa ña ru cubuoriju ñatite ñasariju? yiquĩ Jesús ñnare. <sup>18</sup> Gaje ado bajiro masare yiboja mua: “ ‘Diore ña soe ïsisotira casabo

wamena ado bajiro yicuja yu', yibojarāti mua yiro robo yibeja cuni, no yibea iti. 'Diore ña soe ñisotira casabojũ ñe ñisroti wame rāca ado bajiro yicuja yu', mua yija, mua yiro bajiroti mua yija quena itireama", yiboja mua masare. <sup>19</sup> Tuo masimena, cajea manare bajiro bajirã ña mua. ¿Mua tija disejua ñati ñasarise? ¿Diore ñisroti iti ñati ñasarise, gaje Diore ña soe ñisotira casabojũ ñe ñisroti ñarijũjua ñasatite? yiquĩ Jesús ñare.

<sup>20</sup> 'Ado bajiro baja. Tuote mua. No, "Diore ña soe ñisotira casabo wamena ado bajiro yicuja yu", yigu iti casabo wamena meje riti, "Ado bajiro yicuja yu", yiguĩji. Diore soe ñisira casabojũ jesarise rāca, "Ado bajiro yicuja yu", yigure bajiro bajiami ñocũ. <sup>21</sup> No, "Dios ya wi wame rāca, ado bajiro yicuja yu", yigu iti wi wame rāca riti meje yiguĩji. Dios iti wi ujũ wame rāca, "Ado bajiro yicuja yu", yigure bajiro yiguĩji ñocũ. <sup>22</sup> "Ũmacũju Dios ñ ñaro wame rāca ado bajiro yicuja", yigu Dios itojũ rotigu wame rācati yigure bajiro yami ñocũ, yiquĩ Jesús ñare.

<sup>23</sup> 'Bujato bujarã wāna ya mua fariseo gaye tuoñarã, judio masa rotirise riasori masa mua cuni. "Queno yirã ña gua", yibojarāti mua yiro robo yirã meje ña mua. Jũ queno sutirise, anís, menta, comino waja rucubiti gaye mua rucoja, Moisés ñayoru ñ rotiado bajiroti Diore jabeto ñsia mua. Ito bajibojarocati rotire ñasarisere tuorũnubea mua. Ado bajiro baja ñasarise, queno yire, gãjerãre ti maire, Diore tuorũnure, itocõti ña ñasarise. Iti gaye yitĩñama mua, Diore jabeto ñsire gaye cuni jidicãbeja mua. <sup>24</sup> Cajea mana gãjerã cajea manare tũa wabojarã bajiro bajirã ña mua. Ado bajiro bajirã ña mua. Ide wato mutarãcã ñarãre ña idiroto riojua queno besecãbojacõri camello jaigu bucure idi yucõarã bajiro bajirã ña mua. Rotire ñasabiti gayeama queno tirũnua mua. Ito bajibojarocati ñasarisereama queno tirũnubea mua, yiquĩ Jesús ñare.

<sup>25</sup> 'Bujato bujarã wãna ya mua fariseo gaye tuoĩarã, judio masa rotirise riasori masa mua cuni. “Queno yirã ña gua”, yibojarãti mua yiro robo yirã meje ña mua. Somotëro idira tërori cuni joejua riti coea mua. Totijuaama ñarocõti ueri cutia maji. Mua guaja, joe ruju riti coea mua. Jubejuama ñeñaro tuoĩa maji. Gãjerã ñna rucorise ti uorã ñnare ruoa mua. Ito bajiri bujato bujarã wãna ya mua. <sup>26</sup> Mua fariseo gaye tuoĩarã cajea manare bajiro bajirã ña mua. Somotëro, idira tëro cuni totijua mu coesuoja joejua cuni ueri mano yiroja. Ito bajiroti ñeñaro mua tuoĩarise cuni mua jidicãja, jeyaro queno yirã ñarã yirãji mua, yiquĩ Jesús ñnare.

<sup>27</sup> 'Mua fariseo gaye tuoĩarã, judio masa rotirise riasori masa cuni bujato bujarã wãna ya mua. “Queno yirã ña gua”, yibojarãti mua yiro robo yirã meje ña mua. Masari cuma bajiro bajirã ña mua. Ado bajiro baja masari cuma, joeti mani tija queno boti quena. Ito bajibojarocati jubejuama gõarigoti ñaroja, ito yicõri jogare buorise ñaroja. <sup>28</sup> Ito bajiro bajirã ña mua. Masa ñna tija, queno yirã bajiro baja mua. Ito bajibojarãti jubejuama ñeñaro tuoĩarã ña mua. “Queno yirã ña gua”, yibojarãti ñeñaro yirã ña mua, yiquĩ Jesús ñnare.

<sup>29</sup> 'Mua fariseo gaye tuoĩarã, judio masa rotirise riasori masa cuni bujato bujarã wãna ya mua. “Queno yirã ña gua”, yibojarãti mua yiro robo yirã meje ña mua. Diore goti ñsiri masa ñna godaja bero masari cuma menia mua. Queno yirãre masari cuma queno tirũna mua, ito yicõri tija seyorise iti joere jeoa mua. <sup>30</sup> Ito yicõri ado bajiro ya mua: “Gua ñicusatatia ñna catijama, Diore goti ñsiri masare ñna sãroca ñnare ejabuabitiboana gua”, yi tuoĩa mua. <sup>31</sup> Ito bajiro mua yija, “Diore goti ñsiri masare sãyoana janerãbatia ña gua”, yi tuoĩa mua. <sup>32</sup> Mua ñicusatatia ñna yiyore bajiroti ya mua cuni adi rumuri



gãna, yiquĩ Jesús ñnare.

<sup>33</sup> 'Ñña bajiro bajicõri ï robo junirã ña mua. Jeame ãjuroju mua tõbujaroti rêtare ma muare. <sup>34</sup> Queno tuo masijaro ñna yirocũ, Diore goti ñsiri masa, riasori masa gãjerã queno tuoĩarãre cuni cõabojagu yigũja yu mua tu. Ñnare cudi ãmomena ñnare sãrã yirãji mua. Gãjerãreama yucutẽojũ jaju sãrã yirãji mua. Gãjerãre minijuaara wijũ ñnare jarã yirãji mua. Ñnare ñeñaro yirona co cuto rya-beto ñnare suyãrã yirãji mua. <sup>35</sup> Abel queno yigu ñayorũre sãsũoyijarã mua ñicusabatia ito yicõri Berequíás macũ Zacaríasjũre sãsasayijarã. Dios ya wijũ Diore ñna soe ñisotira casabo tu Zacaríasre sãayija mua. Mua ñicusabatiare bajiroti ya mua cuni. Ito bajiri queno yirãre ñna sãgore ñajare seti ña muare cuni. <sup>36</sup> Riti muare gotia yu. Mua adi rãmũ gãnare ititi seti ña ejaro yiroja muare, yiquĩ Jesús ñnare.

*Jerusalén gãnare tuoĩa maigũ Jesús ï otire gaye  
(Lc 13.34-35)*

<sup>37</sup> 'Jerusalén gãna muare cõañi Dios ñre goti ñsiri masa, ito yicõri ï oca riasori masare. Ñre goti ñsiri masa, ï oca riasori masa cuni muare gotirona cõañi Dios. Ito bajibojarocati ñnare sãayija mua. Coji meje muare mioju ãmobjacũ yu. Cara iso rĩare caero rocaju iso miojuro robo bajiro, muare yi ãmobjacũ yu. Ito bajiro yu yi ãmobjarocati ãmobicũ mua. <sup>38</sup> Queno tuoĩañna mua. Mua wiri wãgora wiri bajiro tujaro yiroja. Ito yicõri muare jidicãgũ yiguĩji Dios. <sup>39</sup> Riti ado bajiro muare gotia yu: "Gũare yiari Dios ï cõarũ ña mu. Mũre queno yĩni Dios", mua yiroto riojũa mũcana juaji yũre timena yirãji mua, ya yu muare, yiquĩ Jesús masare.

## 24

*Dios ya wi òjea bate godaro yiroja, Jesús ï yire gaye*

*(Mr 13.1-2; Lc 21.5-6)*

<sup>1</sup> Ito bajiro ï yija bero, Dios ya wi budi wasuquĩ Jesús. Ìre suacõri ado bajiro yibojacu gua ìre: “Adi wiri ti ucuto mani”, yibojacu gua ìre. <sup>2</sup> Ito bajiro gua yibojarcati ado bajiro yiquĩ Jesús guare:

—¿Adi wirire tiati mua? Riti muare gotia yu. Adi wiri ñarocõti òjea bate quedicoaro yiroja. Ito bajiri adi wi gaye gũtagã gajega joe jesabeto yiroja. Ñarocõti godacoaro yiroja, yiquĩ Jesús guare.

*Adi ùmuari jediroto riojua ado bajiro rẽtaro yiroja, Jesús ï yire gaye*

*(Mr 13.3-23; Lc 21.7-24; 17.22-24)*

<sup>3</sup> Ito yija bero Olivos wame cutiri turia joeju wacu gua ïja. Ito ejacõri Jesuama eja rũjũquĩ. Ito ï rujiroca gãjerã ìna manija ticõri, ado bajiro ìre seniãacu gua:

—“Iti rumu wi quediro yiroja”, mu yi gotire ãmoa gua. ¿No bajiro iti bajija ticõri, “Jesús ejagu wagu yami”, yi masirã yirãjida gua? ¿Ito yicõri no bajija ticõri, “Adi macãrucũro jediro ya”, yi masirã yirãjida gua? yicu gua Jesure.

<sup>4</sup> Ito bajiro gua yija tuocõri, ado bajiro cudiquĩ Jesús guare:

—Queno masima mua gãjerã muare ruobe yirona. <sup>5</sup> Jãjarã ruori masa ejarã yirãji. “Yuti ña Cristo, Dios ï cõaru”, yirã masa ejarã yirãji. Jãjarã ruorã yirãji ìna. “Diore busi ìsirã ña gua”, ìna yija jãjarã masa tuobojarã yirãji ìnare. <sup>6</sup> “Masa gãmeri sãrã yiyijarã”, yire oca tuorã yirãji mua. “Gaje cuto gãna jane gãmeri sãsuoyijarã”, yire gaye guijorise oca tuorã yirãji mua. Iti ocare mua tuoja güibeja mua. Ito bajiroti bajiro yiroja bajire. Ito bajibojarcati jabeto ruya adi macãrucũro iti jediroto. <sup>7</sup> Co

masa gaje masa rãca gãmeri sãrã yirãji. Ito yicõri co sita gãna gaje sita gãna rãca gãmeri sãrã yirãji. Jaje cutori ñio ñaro yiroja. Ito yicõri jaje ñarise ñaro yiroja. Ito yicõri jaje cutorire sita uero yiroja. <sup>8</sup> Jeyaro iti rõtaja bero buto busa tõbujare gaye ñaro wado yiroja.

<sup>9</sup> Muare ñiacõri gãjerã muare ja ajetoni muare ñsirã yirãji ñna. Aje tñocõri muare sãrã yirãji ñna. Yu ñarã mua ñajare muare ti tudirã yirãji adi sita gãna jeyaro. <sup>10</sup> Iti rumu jãjarã yure tuorũnũbojana tuoia jidicãrã yirãji ñna. Gãmeri ti junisinirã yirãji ñna. Gãmeri oca menicõri gãjerãre ñiaroca yirã yirãji ñna. <sup>11</sup> Jãjarã ruori masa ñarã yirãji. “Diore busi ñsirã ña gu”, ñna yija jãjarã masa tuobojarã yirãji. <sup>12</sup> Jeyaro ñeñarise yirã yirãji masa. Ito bajicõri gãmeri ñna ti mairisere gãmeri jidicãrã yirãji ñna. <sup>13</sup> No yure tuorũnũgũ ñ jidicãbeja adi macãrucũro jedi wari rumu ñre masogũ yiguñi Dios. <sup>14</sup> “Ñre tuorũnurãre ñ rotiroju miojugu yiguñi Dios”, yire oca adi sita ñarocõreti ejaro yiroja. Ito bajiri masa jeyaro iti oca masirã yirãji. ñna masi jediroca adi macãrucũro jediro yiroja.

<sup>15</sup> Diore goti ñsiri masu Daniel ñayoru ado bajiro ucañi: “Adi macãrucũro jedi wari rumuri sigũ masare ñeñaro ñna yiroca yigu goagu yiguñi. ñ ñami masare ruyuriogu wadiru. Dios ya wi rucubworaju ñ rũgõja tirã yirãji mua”, yi ucañi Daniel ñayoru. Mua adi papera ticõri, itire queno tuoña. “Jabeto ruaya adi macãrucũro iti jediroto”, yi masiña mua. <sup>16</sup> Ito bajiro bajiri rumu no Judea sitaju ñarã gũtagũju rudi warujarãji ñna. <sup>17</sup> No ñ ya wi queno jesagu ñ ya wi totiju gajeoni ñarisere rujicõri ñmibitirujaguñi ñ. <sup>18</sup> No ñ ya wesecaju moagũ tudĩ wacõri ñ ya yutabujuri ñmibitirujaguñi ñ. <sup>19</sup> Ito bajiro bajiri rumu romia macu sãñarã, gãjerã rucorã cuni quenabeto tõbujarã yirãji ñna. <sup>20</sup> Buto usari rumu, tujacãra rumu cuni iti ito bajija, rudi ñmomena Diore senima mua. <sup>21</sup> Ito bajiro bajiri rumuri

buto tōbujarā yirāji masa. Adi macārucūro ñaswora rumuri masa ña tōbujāibiti rēto busaro tōbujarā yirāji ña. Iti ña tōbujaja bero mūcana iti robo bajiro bajirise tōbujamena yirāji masa. <sup>22</sup> Yoari masa tōbujaroca Dios ĩ yiro bajija sīgū cati ruyagu maniboru. ĩ beseanare ti maicōri yoari mejeti iti jediroca yigu yiguĭji Dios.

<sup>23</sup> ĩti rumuri, “Tiya ado ñami Cristo”, ito yicōri “Titēña ò ñami Cristo”, sīgū muare ĩ yija, ĩre tuorūnubeja mwa. <sup>24</sup> Jājarā ruori masa, “Yu ña Cristo”, yi ejarā yirāji ña. “Diore busi ĩsiri masa ña gua”, yi ruo ejarā yirāji gājerā. Tiyamani jaje ĩorā yirāji ña masare ruorona. Dios ĩ beseanare cūni ruo āmobojarā yirāji ña. <sup>25</sup> Tuoya mwa. Jeyaro iti rētaroto riojua muare gothicā yu. <sup>26</sup> Ito bajiri, “Yucu manojū ñami Cristo”, muare ña yi ruoja, tirā wamenaji mwa. Ito yicōri, “Ruyubetojū ñami Cristo”, ña yi ruoja ĩnare tuorūnubeja mwa. <sup>27</sup> Bujō ĩ borea borea yirise usitutuju ĩ borea yirise cojisiti iti sojeju quedituaja tia mani. Itire bajiroti ejagu yiguja yu cūni. Yu ña Masa Rĭjoru. <sup>28</sup> No ruju jogarise ñaro itojū barā rujirā yirāji yuca. Itire bajiro masa ña buto ñeñaro yiroca waja senigū ejagu yiguĭji Dios, yiquĭ Jesús guare.

Yu Masa Rĭjoru tūdi ejagu yiguja, Jesús ĩ yire gaye  
(Mr 13.24-37; Lc 21.25-33; 17.26-30,34-36)

<sup>29</sup> Ito bajiro masa ña tōbujari rumu iti jedija bero ũmacañi ũmwa gagu rāitīacoagu yiguĭji. Ñami gagu cūni busubicu yiguĭji. Ñocōa cūni queda jedicoarā yirāji. Ũmacĭju macārucūro cūni ñero yiroja. <sup>30</sup> Ito bajiro ũmacĭju macārucūroju iti bajija ticōri, “Masa Rĭjoru ejagu wagu yami”, yirā yirāji masa. Yu ña Masa Rĭjoru. Yu ruji wadija ticōri, adi sita gāna otirā yirāji ña. Masirise rāca, yorise rāca, ide bueri rāca yu ruji wadija tirā yirāji ña. <sup>31</sup> Ũmacĭju trompeta jutiado bajiro oca sēoro oca

ruyuro yiroja. Yũ beseanare minijuatoni ángel mesare mioju rotigũ yigũja yũ. Jũaria sojeri gãna yũ beseana ñarocõreti miojurã yirãji ñna, yiquĩ Jesús guare.

<sup>32</sup> Goti masiore ocana mũare gotigũ ya yũ. Higuera wame cutiricũre tũoĩate mũa. Higueraũ itĩ ñasãtuja, ito yicõri itĩ jũ wasoaja, “Jabeto rũya cuma itĩ ejaroto”, yĩ masia mani. <sup>33</sup> Itĩ bajiroti mũare yũ gotire itĩ rẽtaja ticõri, “Jabeto rũya ãmũari itĩ jediroto”, yĩ masirã yirãji mũa. <sup>34</sup> Riti mũre gotia yũ. Adi rãmũri gãna ñna goda jediroto riojũajũ ito bajiro rẽtaro yiroja itĩ. <sup>35</sup> Adi macãrũcũro ñarocõti jediro yiroja. Ito bajibojarocati yũ ya ocama yũ yiro bajiroti rẽtaro yiroja.

<sup>36</sup> “Itĩ rãmũ itocõ tũjaroca ejagũ yiguĩji Jesús”, yirã mama. Ángel mesa cuni masimenaji ñna. Dios Macũ ñabojaguti, “Itocõ ejagũ yigũja yũ”, yĩ masibea yũ cuni. Yũ Jacũ Dios ã sīgũti masiguĩji, yiquĩ Jesús guare.

<sup>37</sup> Noé ñayorũ ã catiroca Diore rũcũbũobitiyoñi masa. Ito bajiroti bajirã yirãji masa, yũ tũdi ejari rãmũ. Yũ ña Masa Rĩjorũ. <sup>38</sup> Jane mejeju adi sita itĩ rujaroto riojũa ñacõayijarã masa maji. Idi mecurãtibe, ba yajirãtibe, manajo cutirãtibe, ito yicõri ñna rĩa romiare ãsirãtibe yĩ ñayijarã masa. Ito bajiro ñna baji ñabojaroca riti cuma bũcũajũ sãjayijũ Noé ñayorũ. <sup>39</sup> “Ito bajiro wado ya”, yĩ masibisijarã masa. Ito bajiri ñajasaroti ñnare rubatecãcõyijũ. Itĩ bajiado robo bajiroti ejagũ yigũja yũ cuni. Masa Rĩjorũ ñari, “Itocõ ejagũ yiguĩji”, masa ñna yĩ masibeto tũdi ejagũ yigũja yũ. <sup>40</sup> Yũ ejari rãmũ jũarã ãmũa ñna ya wesecajũ moa ñarã yirãji. Sīgũ ãmi wa ecogũ yiguĩji. Gãji ãmi wa ecobicũ yiguĩji. <sup>41</sup> Romia jũarã quĩbo tuabo ñarã yirãji. Sīgõ ãmi wa ecogo yigõji. Gajeo ãmi wa ecobeco yigõji.

<sup>42</sup> Bociari ñacãña mũa. Yũ mũa Ƴju yũ tũdi ejaroti rãmũ masibea mũa. <sup>43</sup> Sīgũ wi Ƴju. “Adi ñami riniri masũ

ejagu yiguñji”, ï yi masija, ña yucãgũ yiguñji iti wi ʘju. Riniri masu ï sãjare ãmobicu camotagu yiguñji ï. <sup>44</sup> Ito bajiri yu ejaroto riojua ña yucãña mua. “Itocõ ejagu yiguñji Masa Rïjoru”, yi mua tuoïabeto ejagu yiguja yu, yiquĩ Jesús guare.

*¿No bajiro bajiguñjida queno tuoïagũ?* yi Jesús ï riasore gaye

(Lc 12.41-48)

<sup>45</sup> Mua tuoïaja, ¿no bajiro bajiguñjida queno cudicõri queno tuoïagũ? Ado bajiro bajiguñji ïocã. Gãjerã ï ya moari masare tirũnutoni ito yicõri ñnare ï ecatoni cũgũ yiguñji ï ʘju ïre. <sup>46</sup> Sïgũ ï rotiro bajiroti ï moa yuroca ï ʘju ï tãdi ejaja wanu quenagũ yiguñji ï. <sup>47</sup> Riti muare gotia yu. Ito bajiro yiro robo ï yigu ñaja ticõri, ï rucorise ñaroti ï ya masare cuni tirũnu rotigu yiguñji ïre. <sup>48</sup> ï ʘju ïre ï tirũnu rotija bero ricati ï tuoïaja, queno moa ïsigũ meje ñaguñji ïocã. “Coji ejabiquñji yu ʘju”, yi tuoïagũ yiguñji. <sup>49</sup> Ito bajiro tuoïacõri, gãjerã moari masare ñeñaro yisogũ yiguñji ï. Ito yicõri mecari masa rãca baba cuticõri ña rãca idigu yiguñji ï cuni. <sup>50</sup> Ito bajiro ï yi ñaroca ï masia mani ï ʘju tãdi ejagu yiguñji. “Janere ejabicu yiguñji yu ʘju”, yi ï tuoïari rumuti ejagu yiguñji. <sup>51</sup> Ito ï yija ticõri, buto busa ñeñaro ï tõbujaroca yigu yiguñji ï ʘju. “Queno yirã ña guã”, yibojarãti ña tõbujaro bajiroti ï tõbujaroca yigu yiguñji ï ʘju ïre. Ito bajiri ñeñaro tõbujacõri otigu yiguñji. Ito yicõri buto tuoïa oca jaigu yiguñji ï ïja, yi oca gotiquĩ Jesús guare.

## 25

Jua dujamocõ ñarã romia ado bajiro yiyijarã, yi Jesús ï riosore gaye

<sup>1</sup> “Ado bajiro bajaia, ïre tuorũnurãre ï rotiroju Dios ï miojuri rumu”, yirocu ado bajiro gotiquĩ Jesús:

—Jua dɔjamocō mamarã romia ñayijarã. ãmo siare basare tirã wayijarã ñna. Mame manoyo cutirocure bocarã wayijarã ñna. Ito bajiri ito warã ñna ya sãabusuore ãmi wayijarã. <sup>2</sup> ñna co dɔjamocō ñnarã ñayijarã queno tɔoïarã. Gãjerã ñna rãca gãna co dɔjamocō ñnarã queno tɔoïamena ñayijarã. <sup>3</sup> Queno tɔoïamena ñna ya sãabusuoragari ãmi-bojarãti jio wasoaronã úye ãmibisijarã. <sup>4</sup> Gãjerã queno tɔoïarãma ñna ya sãabusuore jio wasoaroti úye ãmi wayijarã. <sup>5</sup> Manoyo cutirocure yoari ï sejaja, wɔjo jujayijarã ñna. Ito bajiri canicoayijarã ïja. <sup>6</sup> Ñami gɔdarecocō oca ruyuyijũ ïja. “Manoyo cutirocure wadicoami ïja. Ìre bocarã waya”, sãoro oca ruyuyijũ. <sup>7</sup> ñna jua dɔjamocō romia ñnarã yujicōri ñna ya sãabusuoragari sãayijarã. <sup>8</sup> Co dɔjamocō ñnarã queno tɔoïamena ado bajiro yiyijarã queno tɔoïarãjũare: “Gua ya sãabusuoraga úye jedicoajũ guare. Ito bajiri mɔa ya úye jabeto ïsiña guare”, yibojayijarã ñna. <sup>9</sup> Ito bajiro ñna yibojarocati ado bajiro cɔdiyijarã queno tɔoïarã: “Ïsibea mɔare. Gua ïsija ñejua tujabetoja guare cɔni. Mɔare cɔni, guare cɔni tĩjado ma iti. Mɔamasiti úye ñna ïsiroju wacōri waja yitẽña mɔa”, yiyijarã queno tɔoïarã romia queno tɔoïamenajũare. <sup>10</sup> Ito bajiro ñna yija tɔocōri, úye waja yirã wayijarã queno tɔoïamena. ñna wagoja bero manoyo cutirocure ejayijũ. Queno ñna yucãna romiama ï ejarocati ï rãcati sãjacoayijarã ñna. ãmo siare basa tirã warã sãjayijarã ñna. Ito yicōri soje biacōyijũ manoyo cutirocure. <sup>11</sup> Soje ï bia sãja waja beroju ejabojayijarã gãjerã romia. Manoyo cutirocure ado bajiro yibojayijarã ñna: “Gua ɔju soje jãnaña maji”, yibojayijarã ñna. <sup>12</sup> “Yũ ñnarã meje ñna mɔa, ito bajiri mɔare masibea yũ”, yiyijũ manoyo cutirocure ñnare, yiquĩ Jesús guare.

<sup>13</sup> Ito bajiri ñna yucãña mɔa. “Jane busuri itocō ñnaroca ejaɔ yiguĩji Jesús”, yi masibea mɔa, yiquĩ Jesús guare.

*Moa ĩsiri masa gaye Jesús ĩ goti masiore oca*

*(Lc 19.11-27)*

<sup>14</sup> “Ado bajiro baja, ĩre tuorũnurãre ĩ rotirojũ Dios ĩ miojuri rũmũ”, yirocũ ado bajiro gotiquĩ Jesús:

—Sĩgũ ñayijũ gaje sitajũ warocũ. Ito bajiri ĩ waroto riojũ ĩ ya moari masare ji ñucayijũ ĩ. “Yũ ya niyeruna moacõri jai busaro bujarã yirãji”, yi tuoĩa wacũ ĩ ya niyerure tirũna rotiyijũ ĩ ĩnare.

<sup>15</sup> ‘Sĩgũre co dũjamocõ mil niyeru kujiri ĩsiyijũ. Gãjire jũaji mil ĩsiyijũ. Gãjire mil ñari kujiriacã ĩsiyijũ. “Ado bajiroto moari seyoama ĩna”, yi tuoĩa wacũ ito bajiro ĩnare batoyijũ ĩ. Ito bajiro yicõri wacoayijũ. <sup>16</sup> Co dũjamocõ mil niyeru kujiri boca ãmirũ mũcana itina moacõri gaje co dũjamocõ mil ñariseti buja remoyijũ. <sup>17</sup> Gãji jũaji mil boca ãmirũ mũcana itina moacõri jũ mil buja remoyijũ ĩ cãni. <sup>18</sup> Coji mil boca ãmirũama ĩ ẽjũ ya niyeru gojeju yujecõyijũ.

<sup>19</sup> ‘Yoari ĩna ẽju tũdi ejayijũ mũcana. “¿No bajiro yũre moa ĩsiati ĩna?” yirocũ ĩnare ji ñucayijũ ĩ mũcana. <sup>20</sup> Cajero co dũjamocõ mil boca ãmirũ ejasũoyijũ. Ejacõri ĩre co dũjamocõ mil niyeru ĩ ĩsire judacõayijũ mũcana, ito yicõri gaje itocõ ĩ buja remore rãcati ĩre ĩsiyijũ. “Co dũjamocõ mil yũre ĩsicũ mũ. Ito bajiri itina moacõri mũcana co dũjamocõ milti mũre buja remo ĩsimũ yũ”, yiyijũ ĩ ẽjũre. <sup>21</sup> “Yũre queno moa ĩsiyija mũ. Yiro robo yũre cũdigũ ña mũ. Jabetacã yũ wasoarena mũcana itocõti mũ remore ñajare, jai busaro mũ moatoni jai busaro mũre cũcũja yũ. Sãjaña, queno wanũña yũ rãca”, yiyijũ ẽjũ ĩ ya moari masũre. <sup>22</sup> Ito yija bero gãji jũaji mil boca ãmirũ ejayijũ. “Yũ ẽjũ jũaji mil yũre ĩsicũ mũ. Itina moacõri mũcana jũaji milti mũre buja remo ĩsimũ yũ”, yiyijũ ĩ, ĩ ẽjũre. <sup>23</sup> “Yũre queno moa ĩsiyija mũ. Yiro robo yũre cũdigũ ña mũ. Jabetacãna moacõri mũcana itocõti mũ



yure bɔja ʔsire ʔajare jai busaro mɔcana moaroti cɔcɔja yu. Sɔjaña, queno wanɔña yu rɔca”, yiyiju ʔ, ʔ ya moari masure.

<sup>24</sup> ʔto yija bero gɔji mil kujiri boca amiru ejayiju. ʔ ɔjɔre ado bajiro yiyiju ʔ: “Yu ɔju sɔoro rotigu ʔnaqu ʔ. ʔ otebeto cɔni, ʔ biabeto cɔni bare bɔja quena ʔnaqu ʔ, yi tɔoia wacu, gɔicu yu. <sup>25</sup> ʔto bajiri mu ya niyerure yuje cɔcu yu. Adi ʔa ʔnarocɔti yure mu ʔsicati”, yiyiju ʔ, ʔ ɔjɔre. <sup>26</sup> ʔto bajiro ʔ yibojarocati ado bajiro cɔdiyiju ʔ ɔju ʔre: “Moa ʔsiri masu quenabicu, rojogu ʔa mu. ʔ otebeto cɔni, ʔ biabeto cɔni bare bɔja quena ʔnaqu ʔ, yi masibojaguti yure queno moa ʔsibisija mu. <sup>27</sup> ʔna niyeru cɔri wiju mu niyeru cɔja, mɔcana jai busaro bɔjaboyija mu”, yiyiju ʔ ɔju ʔre. <sup>28</sup> ʔto yija gɔjerɔre ado bajiro rotiyiju ɔju: “Coji mil ʔnarise niyeru tiri ʔre emacɔña, ʔto yicɔri gɔji juu dujamocɔ mil rucogujare ʔsiña”, yiyiju ʔna ɔju. <sup>29</sup> “No queno yure moa ʔsigureama jai busaro ʔre ʔsi remogu yigɔja yu. ʔto bajiri ʔejua rɔyabeto yiroja ʔre. No queno yure moa ʔsibicureama ʔ rucoriseacati ʔnarocɔti emu jeocɔcɔja yu. ʔre emacɔri gɔji yure queno moa ʔsigure ʔsigu yigɔja yu. <sup>30</sup> ʔni yure moa ʔsiri masu ʔe waja macure rɔitiaroju cɔaña muu. ʔtoju ʔeñaro tɔbɔjacɔri buto otigu yiguji. ʔto yicɔri buto tɔoia oca jaigu yiguji ʔ”, yiyiju ɔju, yi oca gotiqui Jesús guare.

*Masa ʔeñarɔre, quenarɔre* cɔni besegu yigɔja yu, Jesús ʔ yire gaye

<sup>31</sup> Yu ʔa Masa Rɔjoru. ʔju yu ʔari rumu, tɔdi ejagu yigɔja yu mɔcana. ʔmacuju gɔna angel mesa rɔca gɔni bia ejagu yigɔja yu. ʔju ʔ rotiri cumuro yori cumuroju rujigu yigɔja yu. <sup>32</sup> Jeyaro gɔna masa yu riojuu minijuarɔ yirɔji ʔna. ʔnare besecɔri ricati cɔgu yigɔja yu. Oveja coderi masu ovejare ricati, cabrare ricati ʔ cɔado bajiro yigu yigɔja yu. <sup>33</sup> Queno yirɔre yu ya riojocadɔja cɔgu

yigujaja yu. Queno yimenare yu ya gãcodujaja cũgũ yigujaja yu. <sup>34</sup> Ito bajiri yu riojocadujaja gãnare ado bajiro yigu yigujaja yu: “Yu Jacu queno yirocu mũare beseñi i rotiroju mua ejatoni. Ire tuorũnurãre tuoia yugu i rotiroju quenocãni Dios adi macãrucũro meni wacujuti. Ito bajiri itoju ñarã yirãji mua ija. <sup>35</sup> Yu ñiocõja yure bare ecacu mua. Yu idi ãmoja yure iocũ mua. Yu wa ucuroju caniraju bũja ãsicũ mua. <sup>36</sup> Yure yutabuju manija yure ãsicũ mua. Yu cõja cuni yure tirã ejasoticũ mua. Tubiara wi yu ñaroca yure tirã ejasoticũ mua”, yigu yigujaja yu Dios i beseanare. <sup>37</sup> Ito bajiro yu yija tuocõri, ado bajiro yure seniñarã yirãji ña: “Gua Hju, ¿nocãta mu ñiocõja ticõri, mũre bare ecacati gua? ¿Nocãta mu idi ãmoroca mũre iocati gua? <sup>38</sup> ¿Nocãta mu wa ucuroju caniraju mũre bũja ãsicati gua? Ito yicõri, ¿noju mu yutabuju maniroca mũre yutabuju bũja ãsicati gua? <sup>39</sup> Ito yicõri, ¿nocãta mu tubia ecoroca, mu cõja cuni, nocãta mũre tirã ejacati gua?” yi yure seniñarã yirãji ña. <sup>40</sup> Ado bajiro ñnare cudigu yigujaja yu: “Riti mũare gotia yu. Yu ñarã ñasamenare queno mua yija, yure queno yirãti yicu mua”, yigu yigujaja yu Dios i beseanare.

<sup>41</sup> Ito yicõri yu ya gãcodujaja ñarãre ado bajiro yigu yigujaja yu: “Yure camotadiya mua. Dios i beseana meje ña mua. Jeame yatibitimeju wasa mua. Iti jeamere rũmũre yiarĩ rioñi Dios, ito yicõri i ñarãre yiarĩ cuni. <sup>42</sup> Yu ñiocõja yure ecabiticũ mua. Yu idi ãmoja iobiticũ mua yure. <sup>43</sup> Yu wa ucuroju yure caniraju bũja ãsibiticũ mua. Yure yutabuju manija yure ãsibiticũ mua. Yu cõroca cuni, tubiara wi yu ñaroca cuni yure tirã ejabiticũ mua”, yigu yigujaja yu queno yimenare. <sup>44</sup> Ito yija ado bajiro yure seniñarã yirãji ña: “¿Nocãta mu ñiocõroca mũre ecabiticati gua? Ito yicõri, ¿nocãta mu idi ãmoja, mu cani ãmoja, mũre yutabuju manija, mu cõja cuni, tubiara wi mu ñaja cuni, mũre ejabuabiticati gua?” yi

yure seniñarã yirãji ñna. <sup>45</sup> Ito bajiro ñna yija tuocõri, ado bajiro ñnare cudigu yiguja yu: “Riti mware gotia yu. Yu ñarã ñasamenare queno mua yibeja, yure cuni ito bajiroti queno yibiticu mua”, yigu yiguja yu ñnare. <sup>46</sup> Ito bajiri tõbujare susabetoju ñnare cõagũ yiguja yu. Dios ñ beseanama catitiñadoju warã yirãji, yiquĩ Jesús guare.

## 26

*Jesure ñia amorã ñna cunire gaye*

*(Mr 14.1-2; Lc 22.1-2; Jn 11.45-53)*

<sup>1</sup> Ito bajiro ñ goti jeoja bero gua ñ rãca riasotirãre ado bajiro yiquĩ Jesús:

<sup>2</sup> —Mua masia juu rumu beroti ñaro wado ya Pascua basa. Ito bajiro basa ñna meniri rumu Masa Rĩjorũre ñiatoni ñ wajanare gotigu yiguĩji sigũ. Ito bajiri ñre ñiacõri yucutẽoju jaju sãarã yirãji ñna. Ñti ña yu Masa Rĩjoru, yiquĩ Jesús guare.

<sup>3</sup> Iti rumuri paia mesa uju Caifãs wame cutigu ya wiju minijuacõri tuoña ñayijarã paia ujarã, ito yicõri judio masa bucãrã cuni. <sup>4</sup> “¿No bajiro ruocõri Jesure sãarã yirãjida mani?” yi gãmeri busi ñayijarã ñna. <sup>5</sup> Ado bajiro busiyjarã ñna:

—Basa rujarumu Jesure sãamenaji mani. Rujarumu mani sãaja, buto manire masa oca jaicõri gãmeri oca menirã yirãji ñna, yi gãmeri busiyjarã ñna.

*Romio Jesús ya rijogaju sutirise iso jiojeore gaye*

*(Mr 14.3-9; Jn 12.1-8)*

<sup>6</sup> Betaniaju Simón camu jogagoru ya wiju ñacu gua Jesús rãca. <sup>7</sup> Iti cuto gua ñaroca sigõ gũtagã toti cutiricaju sutirise jiocõri ñmi ejacõ. Sutirise iso jioraga alabastro wame cuticu. Buto waja cutirise ñacu iti sutirise. Jesús ñ ba rujiroca ñ ya rijogaju sutirise jiojeocõ iso. <sup>8</sup> Ito bajiro

iso yija ticōri, bŭjatobicu gua ĩ rāca riasotirā. Ado bajiro gāmeri bŭsicu gua:

—¿No yija rocati itire ruyurioati? <sup>9</sup> Iti sŭtirise ĩsicōri jairo niyeru bŭjacōri bojoro bŭjarāre ejabuaroti ñabojay-ija iti, yi gāmeri tŭoĩa bŭsicu gua.

<sup>10</sup> Ito bajiro gua tŭoĩa bŭsija tŭocōri, ado bajiro yiquĩ Jesús guare:

—Adiore ũsirio code yibesa mua. Iti yŭre iso jiojeoja, queno yŭre yigo yamo iso. <sup>11</sup> Mua rāca riti ñatĩñarā yirāji bojoro bŭjarā. Ito bajiri ĩnare ejabuatĩñarā yirāji mua. Yŭama mua rāca ñatĩñabicu yigŭja. Ito bajiri mua rāca yŭ ñaroca maji yŭjŭare ejabŭaja quena. <sup>12</sup> Adio yŭre iso sŭtirise jiojeoja yŭre ĩna yujeroto riojŭa jiojeo yugo yamo iso. <sup>13</sup> Riti muare gotia yŭ. Adiore ācabojamena yirāji masa. Ito bajiro sŭtirise yŭre iso jiojeoja bero masa jeyaro tŭorā yirāji iti gaye. “Masare masogŭ yiguĩji Dios”, yire oca ĩna gotiroti iso oca cŭni tŭorā yirāji masa, yiquĩ Jesús guare.

*Jesure ĩna ñiatoni Judas ĩ oca menire gaye*

*(Mr 14.10-11; Lc 22.3-6)*

<sup>14</sup> Ito yija bero gua Jesús rāca riasotirā jŭa gŭbojeno ñarā gua rāca gagŭ Judas Iscariote wame cutigu paia ũjarāre bŭsigŭ waquĩ. <sup>15</sup> Ito bajiri ado bajiro gotiyijŭ ĩ ĩnare:

—Jesure mua ñia masitoni muare yŭ gotija, ¿nocō jairo yŭre waja yirājida mua? yi bŭsiñi Judas ĩnare.

Ito ĩ yija tŭocōri, sĭgŭ masucō gāji ye jŭa dŭjamocō ñarise niyeru tiri ĩsiyjarā ĩna. <sup>16</sup> Iti niyeru boca āmicōri: “¿No bajiro yicōri Jesure rŭorŭjatibe yŭ ĩre ĩna ñiatoni?” yi tŭoĩa ñayijŭ Judas iti rŭmŭre.

*Jesús ĩ basŭsare gaye*

*(Mr 14.12-25; Lc 22.7-23; Jn 13.21-30; 1 Co 11.23-26)*

<sup>17</sup> Ito yija naju wadarise ɥco wɥoya mani bara rumu cõña wacu guare. Gua Jesús rãca riasotirã ado bajiro ãre seniãacu:

—Pascua basa ñaroca baroti gaye, ¿noju menirujati mɥca? yi seniãacu gua ãre.

<sup>18</sup> —Cutoju wasa mua. Ito mua ejaja sīgũre bujarã yirãji mua. Ado bajiro ãre yiba: “Ado bajiro roti ñucami gua ɥju guare. Jabetoti ruya yu wẽjoroto. Ì ya wiju Pascua basa meniana mani, yi ñucami guare riasogu”, yiba mua, yiquĩ Jesús guare.

<sup>19</sup> “Ito bajiro yiba mua”, Jesús ã guare yicato bajiroti yicu gua. Ito bajiroti Pascua basa ãre meni ãsiuocu gua.

<sup>20</sup> Iti ñami gua ã rãca riasotirã juu gubojeno ñarã ba rujicu ã rãca. <sup>21</sup> Gua baroca ado bajiro yiquĩ Jesús guare:

—Riti mware gotia yu. Sīgũ mua rãca gagu yure ñiatoni gãjerãre gotigu yiguĩji, yiquĩ Jesús guare.

<sup>22</sup> Ito ã yija tuocõri, bũto bojori bujacu gua. Ito bajiri sīgũ ruwabeto Jesure seniãacu gua:

—¿Yu ɥju yuti ñabeati yu mure oca menirocu? yi seniãacu gua Jesure.

<sup>23</sup> Ado bajiro cudiquĩ Jesús guare:

—Yu bari tẽro ba ijagu ã ñagũ yiguĩji yure ñiatoni gãjerãre gotirocu. <sup>24</sup> Dios oca iti gotiro bajiroti rẽtaro yiroja yure. Yu ña Masa Rĩjoru. Yure sãrã yirãji masa. Bujato yiguĩji yure ñiatoni gãjerãre gotirocu. Rujeabiticõ rujabojañi ñama, yiquĩ Jesús guare.

<sup>25</sup> Ito yija bero Judas Jesure ñiatoni gãjerãre gotirocu busiquĩ. Ado bajiro yiquĩ ã:

—Yure riasogu, ¿yuti ñati mure ñiatoni gãjerãre gotirocu mu tija? yiquĩ ã Jesure:

—Muti ña, yiquĩ Jesús ãre.

<sup>26</sup> Ito yija bero gña ba rujiroca ï ya ãmoju naju ãmi rucocuĩ Jesús. “Queno ya Dios mu”, yicõri gña ï rãca riasotirãre batoquĩ.

—Baya, iti ña yu ya ruju robo bajiro bajirise, yiquĩ Jesús guare.

<sup>27</sup> Iti gña ba tioroca rujatêro ãmi rucocõri, “Queno ya yu Dios mu”, yiquĩ Jesús. Ito yicõri guare io batoquĩ.

—Mua jeyaro itire idiya. <sup>28</sup> Iti ña yu ya rí robo bajiro bajirise. Jãjarã ñna ñeñaro yirise ñna waja yi ïsitioni, yu ya rí buديو yiroja. Itire ticõri, “Oca mame Dios ï goticãdo bajiroti baja”, yi tuoia masirã yirãji mua. <sup>29</sup> Riti muare gotia yu. Adi sitaju mucana juaji mua rãca uyé ide idibicu yiguja yu. Ûmacãju yu Jacu ï rotiroju mucana tãdi mua rãca idigu yiguja yu, yiquĩ Jesús guare.

“*Jesure masibea yu*’, yigu yiguja mu”, Pedrore Jesús ï yire gaye

(*Mr 14.26-31; Lc 22.31-34; Jn 13.36-38*)

<sup>30</sup> Ito ï yija bero Diore basacu gña. Basa tãocõri Olivos wame cutiri turiaju wacu gña. <sup>31</sup> Ito gña waroca ado bajiro yiquĩ Jesús guare:

—Adi ñamiti yure jidicãcõri wagorã yirãji mua ñarocõti. Yure mua wagoja cuni, Dios oca tutiju iti gotiãdo bajiroti rêtaro yiroja. Ado bajiro gotia iti. Tuote mua: “Oveja coderi masure sãagũ yiguja yu. Ito bajiri ï ya oveja rudi batecoarã yirãji”, yi gotiami Dios ï oca tutina. <sup>32</sup> Yure ñna ñiaja ticõri, rudi batecoarã yirãji mua. Ito bajibojarocati yure ñna sãaja bero mucana tãdi catigu yiguja yu. Tãdi caticõri mua riojua busa Galilea sitaju wacu yiguja yu, yiquĩ Jesús guare.

<sup>33</sup> Ito ï yija tuocõri, ado bajiro yiquĩ Pedro ïre:

—Ñnama mure wagobojarcoti yuama wagobicu yiguja yu, yiquĩ ï Jesure.

<sup>34</sup> Ito ï yija tuocõri, ado bajiro cudiquĩ Jesús ïre:

—Riti mure gotia yu. Adi ñamiti busurijua cara i yujiroto riojua u diaji, “Jesure masigũ meje ña yu”, yigu yigujaja mu, yiquĩ i Pedrore.

<sup>35</sup>—Yure ña sĩa amoja cuni, “Jesure masibea yu”, yibicu yigujaja yu, yiquĩ Pedro Jesure.

Ito bajiro Pedro i yija tuocõri, gua Jesús rãca riasotirã ito bajiro riti yi jedicu gua cuni ija.

*Getsemaní wame* cutiri weseju Jesús i Diore rãcubũore gaye

(Mr 14.32-42; Lc 22.39-46)

<sup>36</sup>Warãju Getsemaní wame cutiri weseju ejacu gua Jesús rãca. Itoju ejacõri ado bajiro gotiquĩ Jesús guare:

—Õ Diore busigu yu waroca riti, ado rujiya maji, yiquĩ Jesús guare.

<sup>37</sup>Pedrore, Zebedeo rĩa jũarãre ji waquĩ Jesús. Wacuti buto tuoĩa bojori bujajuĩ Jesús. <sup>38</sup>Ito yija ado bajiro yiyiju Jesús i rãca wacãnare:

—Yu ya usiju buto tuoĩa bojori buja yu. Ito bajiro yu bojori bujaja, usi jediri guijoro baja yure. Ado yure yu ñaña maji. Canibaja. Yu rãcati tiba maji, yiyiju Jesús ñnare.

<sup>39</sup>Ito yicõri ito sõjua busa wa remoyiju Jesús. Sitaju i ya rio cãoro muqueacõri Diore busiyiju i:

—Cuna ñejua mu yi masibiti manoja. Yu tõbujaroti gaye mu camota amoja, camota masigũja mu. Ito bajibojarocati yu amoro bajiro meje yigujaja mu. Mu amoro bajiro mu yija quena, yi busiyiju Jesús Diore. Itocõ i busi tujarocati canigocõcu guama ija.

<sup>40</sup>Ito i yija bero Pedro mesa tu tũdi ejayiju ña caniroca. Ado bajiro busiyiju Jesús Pedro mesare:

—¿Coji cõrecõ canimenati yu rãca ti seobeati mua?

<sup>41</sup>Canibesa mua maji. Yu rãcati tiya. Rãmúre cudibe yirona Diore seniña mua maji. Riti mure masia yu. Mua ya usijua queno tuoĩarã ñabojarãti mua ya rujuna

queno yi masibea m̄ua. Ȳure queno c̄udi ãmobojarãti queno c̄udimenaji m̄ua, yiyij̄u Jesús Pedro mesare.

<sup>42</sup> Ito yicõri m̄ucana t̄udi wacuj̄u ado bajiro Diore busiyij̄u Jesús:

—Ȳu Jacu yu t̄õbujarotire mu camota ãmobeja quena ñaroja. Mu ãmoro bajiroti bajijaro, yiyij̄u Jesús Diore busigu. Ito bajiro Jesús ã Diore busiroca canicoayijarã Pedro mesa m̄ucana.

<sup>43</sup> T̄udi wacu ña caniroca t̄udi ejayij̄u Jesús m̄ucana. Buto wujo ñnare jeob̄aja caniyijarã ña. <sup>44</sup> Ito bajiro ñnare busicãriti m̄ucana Diore busigu wayij̄u Jesús. Ito yicõri Diore ã busiado bajiroti t̄udi busiyij̄u m̄ucana. <sup>45</sup> Ito yija bero gua tu ejacõri guare yujioquĩ Jesús:

—¿Tujacã canirã yati m̄ua maji? Itocõti eja waj̄u Masa R̄ijor̄ure ñiacõri ñeñaro yirãre ña ñsirotij̄u eja waj̄u ñja. Ñti ña yu Masa R̄ijor̄u. <sup>46</sup> Ito bajiri yujiya m̄ua. Wato. Ȳure ña ñiatoni gotiri masu wadicoami ñja, yiquĩ Jesús guare.

*Jesure ña ñiare gaye*

*(Mr 14.43-50; Lc 22.47-53; Jn 18.2-11)*

<sup>47</sup> Ito bajiro Jesús guare ã busi ñaroca riti, j̄ua gubojeno ñagũ Judas ejaquĩ. Jãjarã ã rãca wadicã sarera jãiri rucorã, gãjerã yucu rucorã. Paia ujarã, judio masa bucũrã ña cõajare wadiñi ña. <sup>48</sup> “Ado bajiro m̄uare goticuj̄a yu”, yi ñnare busi wadicãri seyoñi Judas:

—Recoti yu usugu ñti ñagũ yiguĩji Jesús. Ñre ñiama m̄ua, yi ñnare busi wadiri seyoñi ñ.

<sup>49</sup> Gua tu ejacõri ado bajiro yiquĩ Judas Jesure:

—¿Ñati yure Riasogu mu? yi ejaquĩ ñre.

Ito yiguti wayugaj̄u muwãcõri Jesure usuquĩ ñ.

<sup>50</sup> —¿No yigu wadiri yu baba mu? yiquĩ Jesús ñre.

Ito ã yiroca ñre ñiacã Judas rãca wadiana.

<sup>51</sup> Ito bajiro Jesure ña ñiaja ticõri, sigũ gua rãca gagu ñ ya sarera jã ñmiquĩ, ito yicõri paia uju ya moari masure



gãmoru jataquĩ. <sup>52</sup> Ito ã yija ticõri, ado bajiro yiquĩ Jesús ãre:

—Mu ya sarera jãĩ mucana iti wiroju ñusacõña. Sarera jãina gãmeri jarã itinati godarã yirãji. <sup>53</sup> Adocãta yu Jacure yu seni ñucaja, ángel mesa jãjarãguti juã gãbojeno masa buturi cõagũ yiguĩji ã. ¿Itire masibeati mua? <sup>54</sup> Ito bajibojarocati ãre senibicu yiguja yu. Yure ãna ñiajare ito bajiro gotia Dios oca. “Ito bajiroti rãtaru yiroja”, Dios ã yicãre ñari, ito bajiroti bajiro ya yure, yiquĩ Jesús guare.

<sup>55</sup> Ito yicõri ãre ñiarã ejarãre ado bajiro yiquĩ Jesús:

—¿Riniri masure ñiarona bajiro sarera jãiri rãca, yucu rãca yure ñiarã wadiri mua? Co rumu ruyabeto mua wato riaso rujisotibojacu yu minijuara wiju. Ito bajibojarocati yure ñiabiticu mua maji. <sup>56</sup> Jeyaro yure rãtaroti Diore goti ãsiri masa ãna ucado bajiroti rãtaru ya, yiquĩ Jesús ãre ñiacãnare.

Jesure ãna ñiaja ticõri, rudicoacu gua. Jesús sãgũti ãna rãca tujaquĩ.

*Ujarã ñasarã, “Seti ña mure”*, Jesure ãna yire gaye

*(Mr 14.53-65; Lc 22.54-55,63-71; Jn 18.12-14,19-24)*

<sup>57</sup> Jesure ñiacõri paia uju Caifás wame cutigu tu ãre ãmi wayijarã. Itoju minijua ñayijarã judio masa rotirise riasori masa ito yicõri ãna masa bucãrã cuni minijua ñayijarã ãna. <sup>58</sup> Jesure ãna ãmi waroca sõbusa yeyo ti suyã wayiju Pedro. Paia uju ya wi soje riojo sãjacõri rujiyiju Pedro. Iti wi coderi masa rãca rujiyiju ã. “No bajiro Jesure ãna yi gajanoaja ticuja yu”, yirocu ito bocati rujiyiju Pedro.

<sup>59</sup> Paia ujarã, ujarã ñasari masa cuni Jesure sãã moyi-jarã ãna. Ito bajiri, “Ado bajiro ñeñaro yiquĩ Jesús”, yi ruo gotironare ãmabojayijarã ãna. <sup>60</sup> Jãjarã socari masa ãna oca menibojarocati, “Riti baja ãna gotirise”, yi masibisijarã ãna. Susari jũarã ruo gotiri masa ejayijarã ãna. <sup>61</sup> Ado bajiro gotiyijarã:

—“Dios ya wi minijuara wi iti wire yu ruyuriocōja, ũdia r̄m̄m̄ beroti m̄cana iti wire j̄rojocōḡja yu”, yiquĩ āni, yiyijarā ĩna.

<sup>62</sup> Ito ĩna yija t̄ocōri, paia ũju w̄m̄m̄ r̄ḡcōri ado bajiro yiyiju Jesure:

—¿C̄dibicuti yati m̄? Ito bajiro m̄re ĩna busituja, ¿no yireoni yirā yati ĩna? yibojayiju ĩ Jesure.

<sup>63</sup> Ito ĩ yibojarocati Jesuama c̄dibisiju ĩre. ĩ c̄dibeja ticōri, ado bajiro yiyiju paia ũju Jesure m̄cana:

—Dios catigu ĩ tiro riojo riojo gotiya m̄. ¿M̄ti ñati Cristo Dios ĩ cōaru? ¿ĩ macuti ñati m̄? Ḡare gotiya maji, yiyiju ĩ Jesure.

<sup>64</sup> —M̄ seniāro bajiroti, ĩti ña yu. Gaje ado bajiro m̄are gotia yu: Dios jeyaro masiḡu ya riojocaduja Masa R̄joru ĩ rujija tirā yirāji m̄a. Ito yicōri ũmac̄ju ide buerina ĩ ruji wadija tirā yirāji m̄a. ĩti ña yu Masa R̄joru, yiyiju Jesús paia ũjare.

<sup>65</sup> Ito bajiro Jesús ĩ yija t̄ocōri, b̄to junisiniḡu ĩ ya yutabuju t̄a ñiḡyiju:

—Āni ũm̄ḡu ñeñaro Diore busituami. Ḡajerā, “ĩre seti ña”, yironare āmare ma ĩja. M̄a c̄ni Diore ĩ busituja t̄oa m̄a. <sup>66</sup> ¿No bajiatu m̄aca? ¿No bajiro ĩre yir̄jati mani? yiyiju paia ũju masare.

—Seti ñasac̄a ĩre. S̄ar̄jami, yi c̄diyijarā masa.

<sup>67</sup> Ito yija Jesús ya riore go ide eobate guyijarā ĩna. Ito yicōri ĩre jayijarā. Ḡajerā ĩ ya rioju jayijarā. <sup>68</sup> ĩ ya cajea moabiacōri, ĩre jayijarā ĩna. Ito yicōri ado bajiro ĩre seniāa tudiyijarā:

—Riti Cristo Dios Mac̄ m̄ ñaja, “ĩ yure jami”, yi masiḡja m̄, yi tudiyijarā ĩna Jesure.

*Jesure masibea yu, Pedro ĩ yire gaye  
(Mr 14.66-72; Lc 22.56-62; Jn 18.15-18,25-27)*

<sup>69</sup> Wi totijũ ito bajiro rētaroca, macũjũ soje riojo rujicōayijũ Pedro. Sīgō moa ĩsiri maso Pedro tũ ejacōri ado bajiro yiyijo ĩre:

—Jesús Galilea sita gagũ rāca wa ucuyijũ mũ cũni, yiyijo iso ĩre.

<sup>70</sup> Ito bajiro iso yija tũocōri, masa jeyaro ĩna tũoro riojo ado bajiro yiyijũ Pedro:

—“Riti ya mũ”, yi masibea yũ mũre, yi mũoyijũ Pedro isore.

<sup>71</sup> Sājasũora soje tũ Pedro ĩ ejagũ wagũ yiroca tiyijo gajeo mũcana:

—Jesús Nazaret cũto gagũ rāca wa ucuñi ĩ cũni, yiyijo gājerāre gotigo.

<sup>72</sup> —“Dios ĩ tiro riojo ĩre masibea yũ”, ya yũ, yiyijũ Pedro.

<sup>73</sup> Ito bero yoa bũsari Pedore ado bajiro yiyijarā gājerā:

—Riti ña. Jesús rāca wa ucugũti ña mũ cũni. ĩnare bajiroti bũsia mũ cũni, yiyijarā ĩna Pedore.

<sup>74</sup> —Ito bajiro mũa bũsigũre tĩabea yũ. Rũore oca yũ gotija, Dios yũre sĭajaro, yi oca sēoro bũsiyijũ Pedro.

Ito bajiro ĩ yiroca riti cara yujicoayijũ ĩja. <sup>75</sup> Cara ĩ yujija tũocōri, Jesús ĩre bũsigorere tũoĩa bũjayijũ Pedro: “Cara ĩ yujiroto riojũa uďiaji, ‘Jesure masibea yũ’, yigũ yigũja mũ”, Jesús ĩ yire tũoĩa bũjayijũ Pedro. Ito budi wacōri bũto otijijũ ĩja.

## 27

*Pilato tũjũ Jesure ĩna āmi ejare gaye*

*(Mr 15.1; Lc 23.1-2; Jn 18.28-32)*

<sup>1</sup> Busuri gaje mũmũ paia mũjarā, judio masa bũcũrā minijua ñayijarā. Sīgũre bajiro riti tũoĩacōri, “Ado bajiro Jesure sĭarũja mani”, yi tũoĩa ñayijarā ĩna. <sup>2</sup> Ito bajiro ĩna yija bero Jesure āmojũ siacōri āmi wayijarā ĩna. Ito yicōri

ĩre ãmi wacõri Pilatore ĩsiyijarã ĩna. Romano masa ʘjũ ñayijũ Pilato.

*Judas ĩ godare gaye*

<sup>3</sup> Judas Jesure ĩna ñiatoni gotirũ, “Jesure sĩarã go yirũ ãna”, yi tũoĩayijũ Judas. Iti tũoĩacõri, “Queno yibiticũ yũ”, yi tũoĩa bojori bũjayijũ Judas. Ito bajiri paia ʘjarãre, judio masa bũcũrãre cũni ĩna tũ wacõri niyeru treinta tiri ĩ bũjabojare jũdacõayijũ ĩnare. <sup>4</sup> Ado bajiro ĩnare yiyijũ ĩ:

—Queno yibiticũ yũ. Ñe seti macũreti mũare oca menibojacũ yũ, ĩre mũa ñiatoni, yiyijũ ĩ paia ʘjarãre.

Ito bajiro ĩ yibojarocati ado bajiro ĩre cũdiyijarã ĩna:

—Ito bajiro mũ guare yibojaja, no yibea guare. Mũreti seti ñaroja, yiyijarã ĩna Judasre.

<sup>5</sup> Ito ĩna yija tũocõri, Dios ya wijũ niyeru cujiri rea bateyijũ Judas. Ito yi, budicoayijũ. Budi wacõri yucũgũjũ mũjayijũ. Mũjacõri ĩmasiti ĩ ya ãmũmajũ jũgũbo cano yicõri quedi yoja godayijũ.

<sup>6</sup> Dios ya wijũ niyeru cujiri ĩ rea batere mioyijarã paia ʘjarã. Itire ãmicõri ado bajiro yiyijarã:

—Adi niyeru mani sĩarocũre ĩ goticati waja ñacãre ñacũ adiamã. Sĩare waja mani waja yire ña. Ito bajiri Diore yiari masa ĩna niyeru sãri jedojũ sãdo ma, yiyijarã ĩna.

<sup>7</sup> Sĩgũre bajiro tũoĩacõri, “Riri goje ñari sitajũ waja yiana mani”, yi tũoĩayijarã ĩna. “Iti sita ñaro yiroja gaje masare mani yujeroti sita”, yi tũoĩayijarã ĩna. <sup>8</sup> Ito bajiri adi sita adi rũmũri cũni, sĩare wajana ĩna waja yira sita wame cũtia maji. <sup>9-10</sup> Ito bajiro ĩna yija jane mejejũ Diore goti ĩsiri masũ Jeremías ñayorũ ĩ ucare ado bajiro bajiadoja: “Treinta niyeru cujiri ñarise ãmicõri riri goje ñari sita waja yiyijarã ĩna, Dios ĩ ãmocãdo bajiroti. ‘Itocõti waja cũtiami sĩgũ ʘmũgũ’, yi tũoĩayijarã Israel sita gãna”, yi ucañi Jeremías ñayorũ. ĩ ucado bajiroti rẽta adi.

*Pilato Jesure ï seniïare gaye**(Mr 15.2-5; Lc 23.3-5; Jn 18.33-38)*

<sup>11</sup> Jesure ãmi wacõri Romano masa ɥju Pilato wame cutigu tu ãmi ejayijarã ïna. Ito bajiri ï riojo rŭgõyiju Jesús. ï Jesure ado bajiro seniïayiju:

—¿Mutì ñati judio masa ɥju? yiyiju ï Jesure.

—Mu yiro bajiroti bajia, yiyiju Jesús ïre.

<sup>12</sup> Ito ï yija tuocõri, paia ɥjarã, judio masa bucũrã cuni, “ïti ñami ñeñaro yigu. Queno yigu meje ñami ï”, ïna yibojaja, ïnare cudi ñuca yibisiju Jesús. <sup>13</sup> Ito bajiro Jesure ïna busituja tuocõri, ado bajiro seniïayiju Pilato Jesure:

—Ito bajiro mure ïna seti yija, ¿tuobeati mu? yiyiju ï Jesure.

<sup>14</sup> Ito ï yibojarocati cudibisiju Jesús ïre. ï cudibeja tuocõri, tuoïa oca jai rŭgõyiju Pilato. Ito bajicõri ñe tuoïare mañiju ïre.

*Jesure sïarɥja mani, ïna yire gaye**(Mr 15.6-20; Lc 23.13-25; Jn 18.38-19.16)*

<sup>15</sup> Pascua basa ñari rumure ado bajiro yisotiyiju romano masa ɥju. Tubiara wiju ñarãre “ïre bure ãmoa gua”, ïna yi besegure bucõasotiyiju ï, basa ñari rumu. <sup>16</sup> Iti rumuri tubiara wiju ñayiju sïgũ, masa jeyaro ïna masi jedigu Barrabás wame cutigu. <sup>17</sup> Masa ïna minijua ñaroca ado bajiro seniïayiju Pilato:

—¿Ñimɥjare yu bucõare ãmoati mua? ¿Barrabásre, Jesucristo mua yigure bucõagũtite? yi seniïayiju Pilato.

<sup>18</sup> “Jesure tuo junisinicõri yure ïsicã no cuni”, yi tuoïa wacu ito bajiro yiyiju Pilato.

<sup>19</sup> Gãjerã ɥjarã rãca Pilato ï rujiroca ï manojo ïre oca cõayijo: “Ñeñaro yibesa ïre. Ñe seti macu ñami. Guijoro cãimɥ yu ï gaye. Ito bajiri bũto oca jaia yu”, yi oca cõayijo iso, iso manɥjare.

<sup>20</sup> Paia ujarã, judio masa bucurã cuni, “Barrabásjuare bucõa rotiya mua”, yiyijarã ñna masare. “Ito yicõri Jesure sãa rotiya mua”, yiyijarã ñna masare. Ito bajiro ñna yijare ito bajiroti tuoïayijarã masa cuni. <sup>21</sup> Ito ñna yija bero masare mucana ado bajiro seniïayijũ uju Pilato:

—¿Nijũare yũ bucõare ãmoati mua? yi seniïayijũ Pilato ñnare:

—Barrabásjuare mũ bucõare ãmoa gũa, yiyijarã ñna Pilatore.

<sup>22</sup> Ito ñna yija tuocõri, ado bajiro ñnare seniïayijũ ñ:

—¿No bajiro yiguti yũ Jesure, Cristo mua yigureama? yi seniïayijũ ñ masare.

Ito ñ yija ñna ñnarcõti ado bajiro ñre awasã cudiyijarã:

—Yucutẽojũ ñre jaju sãacõña mũ, yiyijarã ñna.

<sup>23</sup> Ito ñna yija tuocõri:

—¿Ñeonire ñeñaro yicati ãni? yiyijũ Pilato ñnare.

Ito ñ yibojarocati mucana tũdi awasãyijarã ñna:

—Yucutẽojũ jaju sãacõña ñre, yiyijarã ñna Pilatore.

<sup>24</sup> Ito ñna yija tuocõri, “No robojũa yi masibicũja yũ”, yi tuoïayijũ Pilato. “Ñna ãmoro bajiro yũ yibeja, ñnamasiti gãmeri birarã yirãji”, yi tuoïayijũ Pilato. Ito bajiro tuoïacõri ide ãmi rotiyijũ ñ. Ito yicõri masa ñna tiro riojo ãmo coecõri ado bajiro gotiyijũ ñ masare:

—Ñni ñeñaro yibicũre mua sãaja, yũre seti ma. Mũareti seti ña, yiyijũ ñ masare.

<sup>25</sup> Ito ñ yija tuocõri, masa ñajediro ado bajiro ñre cudi jediyijarã:

—Gũa, gũa rĩare cuni seti ñaro yiroja ñre gũa sãaja, yiyijarã ñna Pilatore.

<sup>26</sup> Ito yija bero Barrabásre bucõayijũ Pilato. ñre bucõacõri ñ ya surarare ñsiyijũ Pilato Jesure ñna bajetoni, ito yicõri yucutẽojũ ñna jaju sãatoni.

<sup>27</sup> Jesure āmi wacōri ɥjɥ ya wijɥ āmi ejayijarã ĩna. Surara jeyaro Jesure gāni bia rūgūyijarã. <sup>28</sup> Ĩ sãñarise yutabuju ruacōri, ɥjɥ ĩ sãñarise sũari buju ĩre sãyijarã. <sup>29</sup> Ito yicōri jota bedo ĩna menira bedo Jesure rijogajɥ jeoyijarã ĩna. Ito yicōri riojocaduja āmo jota jã ĩsiyijarã. Ʋjɥ ĩ rucori jã bajiri jã ĩre ĩsiyijarã ĩna. Iti ĩre ĩsi tƳocōri ĩ riojo rijomunigãna ĩni rŭjŭyijarã ĩna. Gaje ado bajiro ĩre aja tudiyijarã:

—Judio masa ɥjɥ yoari catiba mɥ, yiyijarã ĩna Jesure.

<sup>30</sup> Ito yicōri go ide ĩre eobate guyijarã ĩna. Ĩ rucori jã ĩmacōri ĩ ya rijogajɥ jayijarã ĩna. <sup>31</sup> Ito bajiro ĩre ja tudi tƳocōri ĩ ya yutabuju sũaro ruayijarã ĩna mɥcana. Ito yicōri ĩ yaro ñasuoadojɥare sãyijarã. Yutabuju sã tƳocōri yucutēojɥ jaju s̄arona ĩre āmi wayijarã ĩna.

*Yucutēojɥ Jesure ĩna jaju s̄are gaye*

*(Mr 15.21-32; Lc 23.26-43; Jn 19.17-27)*

<sup>32</sup> Cuto sōjɥa ĩre āmi warãjɥ sĭgŭ Cirene gagɥ Simón wame cutigure bocayijarã ĩna. ĩre bocacōri Jesús gajari tēo gaja rotiyijarã ĩna ĩre.

<sup>33</sup> Ito baji warãjɥ Gólgota wame cutirijɥ ejayijarã ĩna. “Rijoga gōa iti ñarijɥ”, yireoni ña Gólgota yire. <sup>34</sup> Ito ejacōri Jesure ɥyé ide jiarise wɥocōri ioyijarã ĩna. Itire idiãcōri itocō idi jidicãyijɥ Jesús.

<sup>35</sup> Jesure yucutēojɥ ĩna jaju tƳoja bero, “Ñimujɥa ĩ ya yutabuju bŭjaja tiana mani”, yirona gŭta ajerina rea ajeyijarã ĩna. Ito bajiro ĩna yija Diore goti ĩsiri masɥ ñayorɥ ĩ ucado bajiroti rētayijɥ. Ado bajiro ucayoñi ĩ. Tɥote: “Yɥ ya yutabujure ĩnamasi gãmeri batorona gŭta ajerina gãmeri rea ajecã ĩna”, yi ucayoñi Diore goti ĩsiri masɥ. <sup>36</sup> Ito bajiro aje tƳocōri ĩre code rujijijarã surara. <sup>37</sup> Jesús ya rijoga weca rujajã uca wōyijarã ĩna. “Adi seti

ña ñre”, yira jãi uca wõyijarã ñna. “Ñniti ñami Jesús judio masa ɯju”, yi wãñayiju iti jãiju.

<sup>38</sup> Jesús rãca jũarã riniri masa jaju ecoyijarã. Sīgũre ĩ ya riojocaduja, gãjire ĩ ya gãcoduja jaju rũgõyijarã ñna. <sup>39</sup> Masa ñna rõtaja, rijogari yureyure yi rõtayijarã ñna Jesure bũsiturã. <sup>40</sup> Ado bajiro yi aja tudiyijarã ñna Jesure:

—“Dios ya wire jore batecãcõri mũcana ɯdia rũmũ beroti menicõgũ yigũja yũ”, mũ yigũ ñaja mũmasiti mũ ya rujure masogũ yigũja mũ. “Riti Dios Macũ ña yũ”, mũ yijama, mũmasiti yucutẽore rujigogu yigũja mũ, yi aja tudiyijarã ñna Jesure.

<sup>41</sup> Paia ɯjarã, judio masa rotirise riasori masa, ñna masa bũcurã cuni ito bajiroti Jesure aja tudi ñayijarã ñna.

<sup>42</sup> —Gãjerãreama masobojañi. ĩ ito bajibojaguti ĩ ya rujureama maso masibeami ĩ. Judio masa ɯju mũ ñaja yucutẽore rujigogu yigũja mũ. Ito bajiro mũ yija ticõri, mure tuorũnrã yirãji gũa. <sup>43</sup> “Dios Macũ ña yũ. ĩre tuorũnũa yũ”, yicũ mũ. Ito bajiri mure ĩ maija ĩmasiti mure masogũ yiguĩji, yi aja tudiyijarã ñna.

<sup>44</sup> Jũarã ĩ rãca yucutẽojũ jaju ecoana rãcati bũsituyijarã Jesure.

*Jesús ĩ ɯsi jedire gaye*

*(Mr 15.33-41; Lc 23.44-49; Jn 19.28-30)*

<sup>45</sup> Ito yija ũmacañi riojo ñabojarocati rãitĩacoayiju ĩja. ɯdiaji cõrecõ rãitĩa ñayiju. <sup>46</sup> Ito yija ñamica tres ñaroca sẽoro ado bajiro awasãyiju Jesús:

—Elí Elí, ¿lama sabactani? yiyiju Jesús. “Dios yũ Jacũ, ¿no yija yũre jidicãti mũ?” yireoni ñayiju iti ĩ awasãrise.

<sup>47</sup> Coriarã itiju ñana ĩ awasãja tuocõri, ado bajiro yiyijarã ñna:

—Diore goti ĩsiri masũ Elías ñayorũre jigũ yirũ ĩ, yiyijarã ñna.



<sup>48</sup> Sīgũ ĩre aja tudigu ũmaquedi wacõri ide udi ãmirisena uye ide jiare weoyiju. Yucuna sia wõcõri Jesús ya rise tu ñutubojayiju. Idibisiju Jesús. <sup>49</sup> Ito bajiro ĩ yibojarocati ado bajiro yiyijarã gãjerã:

—Yibesa mu ito bajicõato. Elías ñayoru ĩre masogũ ejaja tiana mani, yiyijarã ĩna.

<sup>50</sup> Mucana susari oca sëoro awasãcõri usi jediyiju Jesús. <sup>51</sup> Itiju Dios ya wi yobiado saya webutiro ũmacũjuana ñigã ruji wadicõri jacaju ñigã ruji ejacoayiju. Ito yicõri sita ueyiju. Gũtagãri cuni wadicoayiju. <sup>52</sup> Masari cumari cuni janacoayiju. Ito bajicõri jãjarã Diore tuorũnurã tũdi catiyijarã. <sup>53</sup> Ito bajiri masari cumaju ñana budiyijarã ĩna. Budicõri Jesús ĩ tũdi catija bero Jerusalénju Dios ĩ mairi cutõju wa ucuyijarã ĩna. Masa jãjarã tiyijarã ĩnare, ĩna wa ucuja.

<sup>54</sup> Jesús yucũtëo ĩ yosaroca maji, surara ĩna uju cuni code ñayijarã maji. Sita iti ueja, ito yicõri gaje iti rëtaja ticõri, buto gũiyijarã ĩna. Ito bajiri ado bajiro yiyijarã:

—Riti bajia, Dios Macuti ñabojani ãni, yiyijarã ĩna.

<sup>55</sup> Jãjarã romia cuni sõju ti rũgõyijarã. Galilea sita Jesús ĩ ñaroca maji ĩre suyasuoyijarã ĩna. Ito yicõri ĩre ejabusotiyijarã. <sup>56</sup> ĩna wato ñayijo María Magdalena, ito yicõri María Santiago, José jaco. Zebedeo rĩa jaco cuni ñayijo.

### *Jesure ĩna yujere gaye*

*(Mr 15.42-47; Lc 23.50-56; Jn 19.38-42)*

<sup>57</sup> Iti rãio wadiroca sīgũ José wame cutigu Arimatea gagu ejayiju. Niyeru jaigu ñayiju ĩ, ito yicõri Jesús rãca riasotigorũ ñayiju. <sup>58</sup> Jesure yujerocũ Pilatore senigũ wayiju José. Pilato tu ĩ ejaja ĩ seni ejaro bajiroti rotiyiju ĩ. <sup>59</sup> Ito ĩ yija tuocõri, Jesús ya rujure rujiogu wayiju ĩ. ĩre rujiocõri saya ueri manona ĩre gũmayiju. <sup>60</sup> Ito yicõri masari cuma mamaju gũta toti ĩ menirajaju ĩre

cūyijũ. Ito yicōri masari cuma soje gūtagã jajocana biacũ, wacoayijũ. <sup>61</sup> Ito bajiro ã yiroca masari cuma riojo María Magdalena, ito yicōri gajeo María ruji codeyijarã ãna.

*Jesús ya masari cuma ãna codere gaye*

<sup>62</sup> Gaje r̃m̃uti ñayijũ tujacãra r̃m̃ũ. Iti r̃m̃uti paia ujarã, fariseo gaye tuoãrã c̃ni Pilatore busirã wayijarã.

<sup>63</sup> Ado bajiro ãre gotiyijarã ãna:

—Gua uju tuoãra: Jesús socari masũ ã yicati gaye masi bujabũ gua. “Udia r̃m̃ũ bero m̃cana t̃di caticuja yũ”, yiquĩ ã godaroto riojua. <sup>64</sup> Ito bajiri ã ya masari cuma soje tũ surara code roticõãña ã rãca riasotigoana ñami ã ya ruju rinime yirocũ. ã ya rujure ãna ãmija, “Godarũ ñabojaguti m̃cana t̃di caticoami”, yirã yirãji ãna. Ito bajiro ãna yija cajero ruocato r̃to busaro socarã yirãji ãna, yiyijarã ãna Pilatore.

<sup>65</sup> Ito ãna yija tuocõri, ado bajiro yiyijũ Pilato:

—Mũare c̃ni coderi masa ñacãma. ãnareti tirũnu rotiba. Queno ãna tirũnaja quena ñaro yiroja, yiyijũ Pilato fariseo gaye tuoãrãre.

<sup>66</sup> Ito ã yija tuocõri, Jesús ya masari cumare, coderi masare code roti cūyijarã ãna. Ito yicōri, “Adi masari cumare jana yibesa m̃a”, yire gaye wame wōyijarã ãna masari cumajũ.

## 28

*Jesús ã t̃di catire gaye*

*(Mr 16.1-8; Lc 24.1-12; Jn 20.1-10)*

<sup>1</sup> Tujacãra r̃m̃ũ iti jediroca m̃cana moasũora r̃m̃ũ iti busu m̃ja wadiroca María Magdalena ito yicōri gajeo María, Jesús ya masari cumajũ tirã wayijarã ãna. <sup>2</sup> Ito ãna waroca ñajasaroti sita ueyijũ. Sīgũ ángel ruji ejayijũ. Ruji ejacõri masari cuma gũta ãna biabojaragare janayijũ ã, ito yicōri itiga joere rujiyijũ. <sup>3</sup> Bujo ã borea yirisere bajiro

yogu ñayijũ ã, ito yicõri ã ya yutabuju cuni bũto botirise ñayijũ. <sup>4</sup> Ñre ticõri güirã ñna ya rujuri nuũoyijarã coderi masa. Godacãna robo bajiro ñayijarã ñna. <sup>5</sup> Ito yija ángel ado bajiro yiyijũ romiare:

—Güibesa mua Jesús yucutẽojũ ñna jaju sãarure ãmarã ya mua, yũ tija. <sup>6</sup> Mami ado. Ñ goticãdo bajiroti tũdi caticoãni. Ñre cũgorajũ tirã wadite mua. <sup>7</sup> Coji wasa ã rãca riasotigoanare gotitẽña. “Ñ gotiado bajiroti mucana tũdi caticoãni”, yiba. “Mani riojũ busa Galileajũ warocũ ñayijũ ã. Itojũ ñre tirã yirãji mani”, yi gotiba mua Jesús rãca riasotigoanare, ya yũ muare, yiyijũ ángel.

<sup>8</sup> Ito ã yija tuocõri, masari cuma budicõri güi ũmaquedi wayijarã ñna. Güibojarãti bũto wanũre rãca Jesús rãca riasotigoanare gotirã wayijarã romia. <sup>9</sup> Ñna wabojaroca riti ñnare seniã ejayijũ Jesús. “¿Ñnati mua?” ã yija tuocõri, bũto wanũyijarã ñna. Ito bajiri ñre rucubũorã ã ya gũbo wana cunũyijarã ñna. <sup>10</sup> Ado bajiro yiyijũ ã ñnare:

—Güibesa mua. Yũ rãca riasoticãnare oca gotitẽña. “Galileajũ wajaro. Itojũ ñre tirã yirãji mani”, yiba ñnare, yiyijũ Jesús romiare.

*Ado bajiro bajiyija, yi surara ñna gotire gaye*

<sup>11</sup> Romia ñna wagoja bero masari cuma code ñana cutojũ ejacõri paia ujarãre gotiyijarã iti rẽtado bajiroti. <sup>12</sup> Iti oca tuocõri judio masa bucũrã rãca busirã wayijarã paia ujarã. Sĩgũre bajiro tuoĩacõri coderi masa ruori oca ñna gotitoni ñnare jairo niyeru ñsiyijarã ñna. <sup>13</sup> Ado bajiro ñnare ruo rotiyijarã ñna:

—“Ñnami gua canigoja bero Jesús rãca riasotigoana ã ya rujũre ãmirã ejañi ñna”, yi goti batoba mua masa jeyarore, yiyijarã paia ujarã ito yicõri judio masa bucũrã cuni. <sup>14</sup> Mua ruo gotirise uju ã tuo masija guamasiti muare busi queno ñsirã warã yirãji, yiyijarã ñna coderi masare.

<sup>15</sup> Iti niyeru boca ãmi tĩocõri, ãnare ãna rotiro bajiroti ruo goti ucurã wayijarã ãna. Ito bajiri adi rumuri cuni, “Tudi catigu meje yiñi Jesús. Ì rãca riasotiri masa rinirã yiñi ãna”, yire gaye busiama judio masa adi rumuri cuni.

*Ado bajiro* yu oca masare riasoba mua, yi Jesús ì rotire gaye

(*Mr 16.14-18; Lc 24.36-49; Jn 20.19-23*)

<sup>16</sup> Jesús tudi catire, romia ãna gotija tuocõri, Galileaju wacu gua. “Ito gũtagũ joeju bocatiba mua”, guare ì yiadoju wacu gua. <sup>17</sup> Itoju ejacõri Jesure ticu gua. Ito bajiri ãre rucuborã wanucu gua. Coriarã, “Ì meje ñaguñji”, yi tuoñacã ãna. <sup>18</sup> Ito yija ado bajiro guare yiqui Jesús:

— Ñmacũju adi tutiju cuni yu rotire gaye jeyaro jidicãmi yu Jacu Dios yure. <sup>19</sup> Masa jeyarore oca goti ucurã, oca goti ucuteña mua. Yu ya oca tuorũnuroca yiba ãnare. Yure ãna tuorũnaja ticõri, yu Jacu wame, Espiritu Santo wame, yu wame rãca ãnare idé guba mua. <sup>20</sup> Jeyaro yu rotirise ñarocõti ãna cuditoni ãnare riasoba. “Co rumu ruyabeto mani rãca ñasotigu yiguñji Jesús. Adi macãrucãro iti jediroto riojuaju mani rãca ñasotigu yiguñji ì”, yi tuoñama mua, yiqui Jesús guare. Itocõ ña.

## **Dios Oca Tuti New Testament in Macuna**

copyright © 2012 Wycliffe Bible Translators, Inc.

Language: Macuna

Translation by: Wycliffe Bible Translators, Inc.

### **Copyright Information**

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Macuna

**© 2012, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

---

